

**Libellus, quo demonstratur: cicutam. [Libellus secundus. Supplementum necessarium] pt. 2 / [Anton Störck].**

**Contributors**

Störck, Anton, Freiherr von, 1731-1803.

**Publication/Creation**

Venice : B. Milocco, 1762.

**Persistent URL**

<https://wellcomecollection.org/works/nzw6kd8u>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>



49892B

STOERCK

Carat  
22/12/05

37. B. 1599.0

ANTONII STÖRCK,  
SACRÆ CÆSAR. REG. APOST. MAJESTATIS CONSILIARI  
AULICI, ARCHIATRI, ET IN NOSOCOMIO CIVICO  
PAZMARIANO PHYSICI,

L I B E L L U S  
S E C U N D U S,

Q U O C O N F I R M A T U R :

C I C U T A M

N O N S O L U M U S U I N T E R N O T U T I S S I M E E X H I B E R I , S E D  
E T E S S E S I M U L R E M E D I U M V A L D E U T I L E I N  
M U L T I S M O R B I S , Q U I H U C U S Q U E C U R A T U  
I M P O S S I B I L E S D I C E B A N T U R .



V E N E T I I S , M D C C L X I I .

---

T Y P I S B E N E D I C T I M I L O C C O , I N V I A M E R C A T .  
S U B S I G N O D I V I T H O M Æ A Q U I N A T I S .  
S U P E R I O R U M P E R M I S S U , A C P R I V I L E G I O .



АДОГА ПИМОНІ

ІМЕНІ СВЯТОГО АЛОСІЯ ДЛЯ СІЛІЧІВ  
ІЗ СІЛІЧІВСЬКОЇ СЕВІРНОЇ ОБЛАСТІ  
ІЗ СІЛІЧІВСЬКОЇ СЕВІРНОЇ ОБЛАСТІ

СУДІЯ БІЛІ  
СЕГУНДУС

ІЗ СІЛІЧІВСЬКОЇ ОБЛАСТІ

ІЗ СІЛІЧІВСЬКОЇ ОБЛАСТІ

ІЗ СІЛІЧІВСЬКОЇ ОБЛАСТІ  
ІЗ СІЛІЧІВСЬКОЇ ОБЛАСТІ  
ІЗ СІЛІЧІВСЬКОЇ ОБЛАСТІ  
ІЗ СІЛІЧІВСЬКОЇ ОБЛАСТІ

ІЗ СІЛІЧІВСЬКОЇ ОБЛАСТІ

ІЗ СІЛІЧІВСЬКОЇ ОБЛАСТІ  
ІЗ СІЛІЧІВСЬКОЇ ОБЛАСТІ  
ІЗ СІЛІЧІВСЬКОЇ ОБЛАСТІ  
ІЗ СІЛІЧІВСЬКОЇ ОБЛАСТІ



## P R A E F A T I O.

**Q**UO sæpius Cicutam ægris exhibeo , eo majorem semper in hac planta virtutem & efficaciam admiror . Innumeri fere sunt morbi , in quibus optime convenit , conduceit . Nihilo minus nequaquam opus est , ut multa Cicutæ encomia hic recitem , cum ipsa experimenta , accuratissime instituta , loquantur .

Gratulabar mihi frequenter , & gaudebam multum , dum vidi , ægros ab aliis pro perditis habitos jamque fato relictos , mea Cicuta revixisse , & convaluisse integerrime .

Quidne homini sanitate charius ?

Impendam propterea omne tempus , quod mihi a labore necessario superfuerit , ad eruenda & detegenda talia remedia , quæ morbos graves & curatu summe difficiles debellarent , fugarent .

Nec inani felicis successus spe alor . Nil tamen , quod temerarium foret , audebo : sed omnia & in brutis & in me experiar , antequam ea homini ægrotanti præbuero . Et hac ratione ero tutus , securus .

# NOI RIFORMATORI

Dello Studio di Padova.

**A**vendo veduto per la Fede di Revisione ed Approvazione del P. F. Serafino Maria Maccarinelli Inquisitor Generale del Santo Oficio di Venezia nel Libro intitolato *Antonii Storck Libellus secundus, quo confirmatur Cicutam non solum usu interno exhiberi &c.* non v'esser cosa alcuna contro la Santa Fede Cattolica; e parimente per Attestato del Segretario Nostro, niente contro Principi e buoni costumi, concediamo Licenza a Benedetto Milocco Stampatore di Venezia, che possa essere stampato, osservando gli ordini in materia di Stampe, e presentando le solite Copie alle Pubbliche Librarie di Venezia e di Padova.

Dat. li 5. Marzo 1762.

( Marco Foscarini Cav. Proc. Rif.  
( Alvise Mocenigo 4. Cav. Proc. Rif.  
( Polo Renier Rif.

Registrato in Libro a Carte 125. al Num. 556.

Giacomo Zuccato Segr.

Addì 15. Aprile 1762.

Registrato nel Magistrato Eccell. degli Esecutori contra la Bestemmia.

Francesco Gadaldini Segr.

CA-



## C A P U T I.

**V**ariæ inter Medicos & Botanicos ortæ sunt  
lites de Cicuta , quam ego ad extractum  
faciendum adhiberem.

Descriptionem ex Morisono dedi satis claram.  
Hinc tantum paucis nunc adnoto: meam Cicutam  
esse *Cicutam majorem, vulgarem, maculatam, fæ-*  
*tentem.*

*Linæus* eam habet sub nomine *conii* seminibus  
striatis. Vide species plant. pag. 243. n. 1. *Mathio-*  
*lus* eam describit pag. 772. *C. Bauchin.* pag. 160.  
*Tabern.* pag. 1170.

Cicutariam majorem, vulgarem eam vocat *Clu-*  
*sus hist.* 2. p. 200.

Ad extractum faciendum optime colligitur an-  
tequam pandantur flores . Radix autem ad extra-  
ctum non adhibetur , verum reliqua tota planta .

Succus expressus in vase terreo vitrato , lento  
igne , & saepius agitando coquitur ad spissi extra-  
cti consistentiam .

Rogo autem , ne Pharmacopœi nimium sint sol-  
liciti in depurando hoc succo ; amo enim potius ,  
ut sit crassum , fere pulposum extractum .

Ex decocto herbæ siccæ potest quidem parari ex-  
tractum , dum ex recenti haberi non potest . Ve-  
rum longe minus efficax est .

Doleo summopere , centenas aliquot libras extracti Cicutæ ex herba sicca parati , me infcio , Vienna in alias regiones esse transmissas ; etenim effectus neque adeo bonus , neque ita velox esse potest , ut ab extracto ex succo , recenter expresso , parato .

Hæc herba omnibus Pharmacopœis erat suspecta , virosa ; hinc sub initium nolebant sufficientem , quam petii , copiam parare . Dum vero viderunt , pilulas in omnes regiones desiderari , defecit eis herba recens .

## C A P U T I I .

### C A S U S P R I M U S .

**A**ncilla , 22. annorum , a primis suæ ætatis annis scirrhosis glandularum circa aures & maxillam tumoribus laboravit ; quinquennio autem abhinc oriebatur tumor magnus , qui se ex gena sinistra per totum ejusdem lateris collum usque ad claviculam extendit , & semper lapidis instar durus & indolens fuit .

Ultimo triennio hicce tumor mole caput viri sensim adæquavit . Glandulæ subaxillares quoque induratae sunt . Præterea dextrum colli latus quindecim scirrhi , quorum minimus ovo gallinaceo par erat , occuparunt : mamma utraque scirrhosa quoque facta est .

Quamvis hæc fœmina esset valde defœdata , luem tamen venereum contraxit . Deferebatur ideo ad nostrum Nosocomium .

Decoctis antivenereis & purgantibus , dulci mercurio

curio mistis , morbum tunc aggressus fui ; unde quædam luis venereæ symptomata mitiora fiebant . Quum autem hæc cura nimium tarda mihi videbatur , dedi mercurium sublimatum corrosivum , in spiritu frumenti solutum , præter decoctum saturatum & copiosum radicis bardanæ . Hac ratione morbus venereus spatio quinque septimanarum optime curatus est . Verum circa tumores scirrhos nil mutatum fuit ; nisi quod in mamma dextra major dolor adverteretur .

Curata igitur lue venerea , ad scirrhos dissolven-  
dos volui transcendere ; ast fœmina noluit amplius  
in Nosocomio morari , firmissime persuasa , quod  
nullum foret medicamentum , quod tumores adeo  
magnos & annosos solveret . Quapropter dimitte-  
batur . Verum vitæ lubricæ assueta , sibi sufficien-  
ter cavere non potuit : unde in crimine deprehen-  
sa , ad carceres ducebatur .

Incidit tunc in febrem continuam , & denuo ad  
nostrum Nosocomium translata est . Sumtis reme-  
diis antiphlogisticis , intra quindecim dies ex hoc  
morbo convaluit . Amavit postea potius remanere  
in Nosocomio , quam iterum ad carceres deduci .  
Hinc optimam nactus sum occasionem Cicutæ vi-  
res experiundi .

Externe in principio nil applicui , ut viderem ,  
an usu solo interno in hos pertinaces tumores Ci-  
cuta quid posset . Propinavi mane & vesperi pi-  
lulas quatuor , quarum quælibet habuit pondere  
grana duo .

Post quinque dies jam omnes tumores erant ma-  
gis mobiles , & tumor magnus ex latere colli si-  
nistro tangebatur multo mollior . Vidi igitur , Ci-  
cутam solo usu interno esse admodum efficacem ,  
& præstare talia , quæ a fortissimis mercurialibus  
nequaquam poterant effici .

## 8 ( CAPUT SECUNDUM . )

Ut tamen curationem facerem celeriorem , externe omnes tumores emplastro de Cicuta texi ; & huic imposui cataplasma ex herba Cicutæ paratum , auxique dosin pilularum .

Decimo die tumor magnus erat multo minor , mollior ; idem in utraque mamma vidi . Reliqui autem scirrhi , quamvis molliores , minores tamen facti non sunt ; & erant in superficie inflammati , dolentes .

Decimo septimo die tumor in parte colli sinistra erat multo minor : mamma utraque mollis , mobilis : reliqui plurimi scirrhi in suppurationem abire cœperunt . Ægra sumxit sex pilulas mane , & totidem vesperi , quarum quælibet habuit granæ quatuor .

Vigesimo quarto die quidam scirrhi jam erant in pus soluti ; cutis tamen arte non scindebatur , quoniam rupturæ erat proxima . Colli tumor , & mammæ erant multo minores . Sequentibus diebus quidam tumores rupti sunt , & fuderunt pus bonum , copiosum ; nihilominus emplastrum de Cicuta & cataplasma sedulo applicata sunt .

Trigesimo sexto die in aliquibus locis omnis tumor absuit , & quibusdam in partibus cutis ruptæ jam iterum cœpit coalescere : colli & mammarum scirrhosæ tumores <sup>2</sup> erant diminuti .

Dedi dein quater per diem pilulas quinque , granorum quatuor , nec amplius auxi dosin . Et hac ratione usu emplastri , & cataplasmatis de Cicuta , & usu extracti Cicutæ spatio trium fere mensium hæc fœmina integre curata fuit . Collum & mammæ redierunt ad statum naturalem ; & fœmina , antehac turpis & difformis , sat formosa facta est . Menses debito tempore , & sufficienti copia semper fluxerunt ; & iis fluentibus , medi-

( CASUS SECUNDUS. ) 9

medicamenta cum euphoria continuata sunt.

Bis toto curationis tempore datum est purgans antiphlogisticum, quoniam alvus erat segnis. Usu extracti Cicutæ nullæ prorsus in corpore turbationes observatæ sunt: ægra semper appetiit, robusta fuit, nec de ullo dolore conquerebatur.

Lætabar multum, dum vidi morbum adeo rebellem & pertinacem sola Cicuta facillime esse curatum. Et quum toto curationis tempore hæc ægra honeste & pie se gessit, promisitque talis vitæ perpetuam continuationem, feci, ut adhuc in Nosocomio sui criminis absolveretur, & donaretur libertate.

C A S U S S E C U N D U S.

**F**oemina, 36. annorum, ad nostrum Nosocomium suscipitur propter mammæ sinistræ tumorem ingentem, & duritiem valde dolentem.

Dum mammam bene consideravi, inveni eam capite infantis multo majorem, duram, immobilem, in tubera livida, submollia & admodum dolentia elevatam: venæ erant varicosæ, & brachium sinistrum tumuit, & præ dolore non potuit moveri.

Externe tunc mollissima linteamina applicui, ut omnis affrictus evitaretur: interno pro remedio dedi extracti Cicutæ mane & vesperi grana duodecim, præter infusum hederæ terrestris.

Quarto die, quo hæc egra his remediis utebatur, mamma tota fuit mollior; ast tubera erant majora, & ichorem sudarunt. Dolores præterea fuerunt magni, & noctes debebant opio pacari.

Septimo die eadem erant symptomata; dedi tunc mane & vesperi extracti Cicutæ grana octodecim. Nono die tria mammæ tubera rupta sunt, & exiit materies subfuscæ, copiosa, fætens; & mammæ moles concidit, & dolores remiserunt. Undecimo die

## 30 ) ( CAPUT SECUNDUM. )(

die copiosus ichor fœtidus effluxit; dolores autem erant mites, color mammæ rutilus, nullus aderat livor. Dedi mane & vesperi scrupulum unum extracti Cicutæ.

Decimo quarto die ulcera dederunt copiosissimum ichorem; mammæ moles fuit minor; ægræ autem vires multum diminutæ sunt; subinde advertebatur horror per totum corpus, & subsequebatur pulsus celerior, sitis, & calor. Diminui igitur dosin extracti, & tantum grana decem mane, & totidem vesperi exhibui; verum dedi præterea corticis peruviani selecti drachmam unam omni trihorio diei. Decimo sexto die horrores erant minus frequentes; ichoris loco prodiit pus; vires autem manserunt adhuc debiles, & ægra sitivit. Iisdem remediis adhucdum continuavi.

Vigesimo primo die nullus amplius horror advertebatur; vires auctæ sunt, & rediit appetitus; pus ex mamma profluens, erat bonum; mammæ color fuit fere naturalis. Tumor autem superstes, erat adhuc valde durus, nequaquam vero dolens. Eadem ratione adhuc per sex dies continuavi; verum omnia manserunt in eodem statu. Unde vigesimo septimo die dedi iterum mane & vesperi grana octodecim extracti Cicutæ, & bis per diem drachmam unam corticis peruviani; externe autem tunc applicui cataplasma ex lacte & Cicuta paratum, & mammæ cavitates linteis carptis, infuso Cicutæ madidis, repletæ sunt.

Trigesimo sexto die vires erant bonæ, color mammæ naturalis, in ulcere pus bonum, appetitus magnus, somnus tranquillus. Abstinui a cortice peruviano, & sola Cicuta iterum usus fui. Dedi mane & vesperi scrupulum unum extracti cum aliquot unciis infusi flor. samb. fol. veron. heder. terrest. Quinquagesimo die moles mammæ fuit multo

to minor , pus bonum ; dolor autem erat subinde adeo acutus , ut noctes , dato licet opio , inquietæ fuerint . Verum observavi post magnos tales dolores copiosissimum serum ex ulcere fluxisse , & tumoris molem esse imminutam .

Dedi tunc drachmam extracti Cicutæ per diem , externis fomentis ex Cicuta sedulo continuavi .

Sexagesimo quarto die mammæ ulcus copiosissimum serum fudit ; labia autem , quæ hucusque erant valde rebellia , crassa , callosa , reflexa , cœperunt emolliri , fundi , & partim pure consumi ; vires manserunt bonæ . Auxi extracti dosin ; & exhibui quotidie grana octuaginta . Mammæ ulcus copiosissimo sero semper stillavit ; pus autem bonum tunc visum non est ; verum neque fœtor observabatur . Septuagesimo die ægra siccitatem pectoris , & tussiculam inanem conquerebatur ; mammæ autem & labiorum moles multo minor fuit ; dolores per vices erant admodum vehementes , & vires iterum decrescebant , & aderat ingens fœtor . Denuo igitur ad corticem peruvianum confugi , & dedi quotidie unciam dimidiā corticis , & drachmam dimidiā extracti Cicutæ . Præterea jussi , ægra biberet copiosum serum lactis , aut decoctum saturatum radicis althææ , glycyrrhizæ . Labia tertiæ emplastro de Cicuta ; ulcus autem implevi infuso leni Cicutæ , cuius libræ uni addebantur drachmæ duæ aceti lithargyrii . Vires sensim iterum augetæ sunt , tussicula desit , nimius ichoris fluxus minuebatur , & pus in ulcere bonum comparuit ; dolores autem subinde erant vehementes , & somnus debebat opio conciliari .

Octuagesimo quarto die ægra sat bene se habuit , labia ulceris erant minora , mobilia , doloris expertia ; ulcus mammæ mundum , durities minor , dolores exigui , vires sufficientes , appetitus  
bonus

bonus. Dedi tunc scrupulos duos extracti Cicutæ per diem , & drachmas duas corticis peruviani præter copiosum serum lactis , & decoctum emolliens ; externa remedia non sunt mutata.

Nonagesimo die mammæ moles fuit multo minor , labia læte rubebant , & erant flaccida , ulcus dedit pus bonum. A cortice peruviano tunc abstinui , & dedi drachmam integrum extracti Cicutæ.

Centesimo die omnia iterum erant meliora , pus bonum , vires sufficientes , noctes tranquillæ. Dedi dein scrupulos quatuor extracti Cicutæ , & reliqua omnia sedulo continuata sunt.

Centesimo decimo quarto die labia erant sordida , copiosum serum ex ulcere fluxit ; verum mammæ moles fuit minor , dolores pauci , vires bonæ. Dedi drachmam unam & dimidiam extracti Cicutæ per diem ; toti autem ulceri & labiis imposui cataplasma ex Cicuta paratum. Intra quatuor dies ex labiis magna frusta ceciderunt , ulcus dedit copiosissimum ichorem : unde mammæ & labiorum tumor citissime diminutus fuit. Verum ægræ vires prosternebantur , & nova iterum febricula orta est , & sæpius advertebantur horripilationes . Hinc dedi iterum corticis peruviani unciam dimidiam per diem , & scrupulum unum extracti Cicutæ : labiis imposui emplastrum de Cicuta , & ulcera replevi linteis carptis infuso leni Cicutæ & aceto lithargyrii madidis. Præterea serum lactis copiosum , & decoctum radicis althææ & glycyrrhizæ datum est.

Centesimo trigesimo die paucum ex ulcere serum prodiit ; pus autem bonum aderat & copiosum ; labia erant parva , rutila , indolentia , vires meliores. Eadem tamen corticis dosi continuavi ; Cicutæ autem extracti drachmam dimidiam exhibui ; remedia externa adhuc eadem adhibebantur .

Cen-

Centesimo trigesimo sexto die omnia erant meliora , vires bonæ , noctes tranquillæ . Corticis peruviani dosin tunc diminui , & dedi drachmas duas ; extracti autem Cicutæ dedi drachmam unam cum copioso fero lactis ; externa remedia continuata sunt.

Centesimo quadragesimo secundo die ægra bene habuit , labia fundebantur , & mera spongiosa substantia videbatur superesse . Reliqui tunc corticem peruvianum , & solo extracto Cicutæ , & copioso fero lactis usus sum ; externe eadem remedia applicui .

Centesimo quinquagesimo die omnia iterum erant meliora , minora , pus in ulcere bonum , vires bonaæ ; dedi scrupulos quatuor per diem de extracto Cicutæ , & externe cataplasma ex sola Cicuta applicui . Centesimo sexagesimo die labia fuerunt exigua , fere cuti æqualia ; durities fere omnis evanuit , vires constabant , dolores vix observabantur . Dedi drachmam unam & dimidiā extracti quotidie , & cataplasma ex Cicuta sedulo apposui per diem ; noctu autem emplastrum de Cicutæ .

Centesimo septuagesimo die ulcus erat planum ; omnis enim tumor , omnis durities abiit , labia erant penitus consumpta . Per triduum adhuc applicui cataplasma ex Cicuta , & eamdem extracti dosin continuavi . Dein vero , quum omne durum esset consumptum , & quoniam copiosum serum ex ulcere , quamvis puro , fluxit , externe tantum applicui linteal carpta lenissimo infuso Cicutæ madi- da ; interne autem dedi ter de die drachmam dimidiā corticis peruviani , & mane ac vesperi grana sex extracti Cicutæ ; jussi præterea , ut copiosum serum lactis ægra biberet .

Glandulæ subaxillares , quæ etiam erant scirrho- sæ , eodem fere tempore evanuerunt ; tria tantum supererant tubercula , piso fere æqualia . Brachium , quod

quod prius præ dolore moveri non poterat , jam erat satis mobile , & vires bonæ.

Sexto die cœpit ex margine ulceris cuticula alba prodire , quæ se se sensim versus centrum extendit , promisitque ulceris consolidationem . Decimo quarto die usu eorumdem tum externorum , quam internorum remediorum , ulcus tenui cuticula jam fere clausum erat ; verum hæc cuticula hinc inde iterum rumpebatur , & exstillavit serum acre . Dedi igitur purgans ex rhei drachma dimidia , ex scammonii granis octo , & ex quindecim granis salis polychresti . Alvus inde sexies copiose mota est , & ægra bene habuit . Altero a purgatione die eamdem iterum dosin corticis peruviani & extracti Cicutæ exhibui , & externe adhuc lenissimum Cicutæ infusum applicui . Nata est firmior cuticula , quæ tamen hinc inde adhuc erodebatur a materie acri transudante . Hinc post octiduum idem purgans ægræ iterum datum fuit . Dein vero corticem peruvianum & Cicutæ extractum in eadem dosi continuavi , & externe applicui unguentum nutritum .

Spatio viginti dierum firma nata est cicatrix , & mammæ nullum supererat vestigium ; atque omnes , qui hanc fœminam viderunt , credebant mammam fuisse resectam . Abstinui dein ab omni medicamento , & fœminam per 14. dies in Nosocomio retinui , ut viderem , an denuo malum reverteretur . Verum ægra optime movit brachium , & ulcus mansit firmissime clausum . Dedi dein adhuc idem purgans , & post tres dies sanissimam dimisi .

Dum mihi egit gratias , rogavit simul , ut darem licentiam me adeundi , dum quid in mamma adverteret ; concessi hoc facillime ; verum jam sex menses præterlapsi sunt , & fœmina non rediit .

Do-

Dominus *Haffner*, egregius mei Nosocomii Chirurgus, summa cum sedulitate, attentione, & experientia huic fœminæ succurrit, & remediis externis secundum rationem, & symptomata optimè applicatis, plurimum ad curationem contulit.

## C A S U S T E R T I U S.

**H**omo, 27. annorum, a longo tempore fœdum cancrosum ulcerus in regione lumbali sinistra habuit; hoc ulcerus repit continuo in latum & profundum, & jam cœpit lumborum vertebreas arrodere. Præterea fungi cancrosi undequaque propulularunt.

Postquam diversi & optimi Chirurgi remedia maxime convenientia incassum tentassent, æger nostrum Nosocomium accessit.

Doctissimus Chirurgus *Haffner* remediis primo lenioribus, dein causticis, tandem ferro & igne conabatur fungosum cancrum consumere, ulcerus depurare, & claudere. Ego remedia, sanguinis massam depurantia, quæ maxime conducerent, præscripsi. Subinde per unum alterumve diem quidquam nobis videbamur proficere; verum mox prius malum rediit, & quandoque fuit deterius. Unde omnia frustra tentari vidimus. Cortex peruvianus, qui alias mira præstítit in ulceribus putridis, magna dosi & longo tempore datus, nil effecit. Quapropter cataplasma ex *Cicuta* externe apposuit Dominus *Haffner*; & ego jussi, æger assumeret mane & vesperi grana novem extracti *Cicutæ*, & copiosum decoctum hordei, vel serum lactis biberet.

Æger antehac erat macilentus, debilis, & cachecticus, & circa vespertas habuit horrorem, febrem, & dein sudorem copiosum, defatigantem.

Ve-

Verum nunc intra aliquos dies cœpit appetere ,  
quiete dormire , & in ulcere pus bonum compa-  
ruit.

Octavo die jussi drachmam dimidiam extracti  
Cicutæ assumeret , externe cataplasma sedulo re-  
novatum est . Duodecimo die ulcus erat purum ,  
fungi cancrosi mobiles , flaccidi , nullo modo do-  
lentes , circa vertebrae quædam ossium fragmenta  
separabantur . Decimo septimo die nulla amplius  
ad vesperas horripilatio observabatur , æger bene  
dormivit , nec sudavit , & vires quotidie auctæ  
sunt , in ulcere erat pus laudabile , e fungis cir-  
ca ulceris margines copiosum serum fluxit . Vige-  
simus die ex vertebris arrofis plurima granula of-  
sea separata sunt ; hinc inde in ulcere incipiebat  
formari cicatrix : quoniam autem fungi erant flac-  
cidi , nullo modo dolentes , & quoniam nimis lente  
consumebantur , & hac ratione ulceris consol-  
lidaonem impediverunt , Dominus *Haffner* eos  
cultro rescidit . Æger nullum inde dolorem sen-  
tiebat ; medicamenta interna externaque conti-  
nuata sunt . Vigesimo quinto die undequaque ex  
ulceris margine nascebatur cuticula , & hac ra-  
tione ulcus in sanationem vergebatur , color aderat  
læte ruber , pus bonum , paucum . Vires ægri erant  
bonæ , appetitus bonus , noctes tranquillæ , alvus  
liberrima . Externa internaque remedia continua-  
ta sunt . Trigesimo die ulcus jam sere totum erat  
clausum , nec ulli amplius fungi crescebant ; æger  
optime habuit . Quadragesimo die ulcus firmam  
habuit cicatricem , & æger sanus videbatur . Ni-  
hilominus adhuc per quatuordecim dies mane &  
vesperi dedi grana sex extracti Cicutæ , & mul-  
tum serum lactis , ut hac ratione omne acre &  
cancrosum ex sanguine separarentur . Postea dedi  
purgans , & hominem sanum dimisi .

C A-

## C A S U S Q U A R T U S .

**F**oemina, 36. annorum, ulcus fœdum in tibia dextra a pluribus annis habuit; adhibita remedia interna externaque ulcus quidem subinde fere sanarunt; dum autem proximum erat consolidationi, subito iterum ruptum est; copiosus & acerrimus ichor effluxit, & crevit caro fungosa.

Balnea diversissima mineralia prodere quandoque videbantur; verum mox iterum prius malum rediit. In nostro Nosocomio diversa tentavimus, quæ acre sanguinis corrigerent, externe carnes fungosas consumerent, ac dein ulcus consolidarent. Verum nullum habebamus successum. Nam licet ulcus uno alterove die integre clausum esset, nulla tamen firma cicatrix inducebatur: unde brevi iterum ortus est pruritus, & transsudavit ichor, propulularunt carnes fungosæ, & ulcus in pejus ivit.

Adhibebatur igitur solum infusum Cicutæ pro fomento externo, & noctu ulcus emplastro de Cicuta tegebatur; interne præter serum lactis datum est nihil. Contigit tunc, ut carnes fungosæ sponte separatae fuerint; dein ulcus intra viginti octo dies firmissima cicatrice obductum fuit, & pes poterat optime moveri. Datum tunc est purgans, & relinquebatur fœmina per octiduum in Nosocomio absque omni medicamento; cum dein ulcus optime clausum videretur, ex Nosocomio dismissa fuit.

## C A S U S Q U I N T U S .

**V**IR, 62. annorum, annosum & fœdum ulcus habuit in regione abdominis dextra, quod erat unam spithamam longum, & septem pollices latum, profundumque adeo, ut fere in cavum abdominis penetrarit. Ad thoracem fini-

B strum

## 18 ( CAPUT SECUNDUM . )

strum fere æque magnum ulcus fuit , quod copio-  
sum , fœtens & acre serum fudit , & costas arrodit .

Dato purgante , Dominus *Haffner* fomentum ex  
Cicuta applicuit in utroque ulcere . Quoniam æger  
simul tussi laboravit , datum ei est decoctum ex  
radice & foliis althææ , cui addebatur oxymel sim-  
plex , & stibium diaphoreticum non ablutum .

Intra paucos dies utrumque ulcus longe purius  
fuit , & bonum pus comparuit ; & æger , antea  
debilis , videbatur recuperare vires . Circa decimum  
diem ex costis cariosis multa fragmenta separa-  
bantur , & ex ulceris margine cœpit nasci cuti-  
cula alba . Ulcus abdominis fuit minus profun-  
dum , & dedit bonum pus . Decimo quarto die præ-  
bui iterum purgans ; dein cum eodem decocto al-  
thææ continuavi . Decimo septimo die utrumque  
ulcus longe purius , & minus latum fuit ; ex co-  
stis semper quædam fragmenta separata sunt .

Trigesimo secundo die ulcus thoracis erat clau-  
suni , & tussis fere omnis cessavit ; ulcus abdomi-  
nis vero erat adhuc satis magnum . Id tamen quo-  
que circa quinquagesimum diem solo usu extero  
Cicutæ sanatum est . Dabatur dein adhuc purgans ,  
& bonus senex sanus ex Nosocomio dimittebatur .

Narravit runc , quod per decem circiter annos  
hæc ulcera habuerit , quod fere omnes suos redi-  
tus in sanationem consumserit ; quod tentata in-  
numera remedia prorsus nil juverint , & quod sub  
finem , omnibus fere viribus exhaustus , ut ulti-  
mos finiret dies , esset ad Nosocomium translatus .

## C A S U S S E X T U S .

**F**œmina , 28. annorum , quatuor annis mam-  
mam sinistram gessit magnam , lapidis instar  
duram . Circa aeris & tempestatis mutationes ve-  
hementes in hac parte dolores fensit ; quum autem  
hi dolores semper sponte cessarunt , & quum co-  
lor

for mammæ mansit naturalis , nec tumor motum  
brachii impedivit , nullum applicuit remedium ,  
neque ulli homini hanc mammam ostendit . De-  
nique sub finem mensis Februarii 1760. morbo acu-  
to afficiebatur , unde ad nostrum Nosocomium trans-  
lata est .

Intra viginti sex dies ex hoc morbo sat gravi  
cœpit convalescere . Dum vero e lecto surrexit ,  
& ambulavit , sensit dolorem continuum , rodentem , lancinantem in mamma dextra ; cum tamen  
hicce dolor non erat adeo vehemens , eum per plu-  
res dies celavit . Dein vero præ nimia doloris ve-  
hementia non potuit dormire , & amisit appeti-  
tum ac vires ; monstravit propterea mammam Do-  
mino *Haffner* , & is me hac de re monuit .

Invenimus mammam durissimam , purpuream ,  
nigris & lividis striis variegatam ; intumuit simul  
brachium ejusdem lateris , dolores erant enormes ,  
rodentes , lancinantes , venæ erant nigræ , varicosæ .  
Pulsus celer , parvus , cor continuo palpitavit .

Externe illico applicuimus fomentum ex Cicu-  
ta ; pro interno autem remedio dedi emulsum le-  
niter nitrosum , opiatum . Eadem nocte mitigabat-  
ur dolor , & sequebatur somnus sat tranquillus  
trium horarum . Post somnum erant dolores ite-  
rum ingentes , & ex usu fomenti nil adhuc in  
mamma mutatum fuit . Ut alvus solveretur inje-  
ctum est enema , & dein continuabatur emulsum  
paregoricum , nitrosum . Nox insequens fuit longe  
tranquillior , & dolores in mamma videbantur ad-  
modum mites , neque tamen color , neque duri-  
ties , neque tumor mutatus fuit .

Tertio die quoniam pulsus sat bonus deprehen-  
sus est , dabantur mane & vesperi grana octo ex-  
tracti Cicutæ , superbibendo aliquot uncias deco-  
cti althææ . Sera autem vespera , ut nox esset tran-

quilla, datum est remedium paregoricum. Nox tota erat quieta, & ægra somno multum reficiebatur. Mane dolores fuerunt exigui, mamma erat mollior, & melius tulit rudiorem ad tactum. Brachium autem præ dolore & tumore nequaquam poterat moveri.

Duodecimo die jam nullæ amplius striæ nigræ, aut lividæ aderant; venæ varicosæ erant vix non in statum naturalem contractæ, dolores fuerunt pauci, & tumor brachii quoque diminutus est. Data tunc sunt grana decem extracti Cicutæ mane & vesperi, fomentum ex Cicuta sedulo applicatum est; vespertinum autem paregoricum omittebatur, quoniam ægra, a doloribus minus vexata, jam sponte cœpit dormire.

Vigesimo die color mammæ fuit fere naturalis; verum durities erat ingens, neque mamma erat mobilis, accreta videbatur; brachii tumor fuit multum imminutus, & ægra potuit digitos & manus citra dolores movere. Dedi tunc extracti Cicutæ grana triginta duo per diem, & fomentum sedulo continuatum est, noctu tegebatur mamma emplastro de Cicuta.

Vigesimo tertio die mamma iterum rubuit, aderant ingentes dolores, qui ab eo tempore se se insinuabant, quo appositum est noctu emplastrum de Cicuta. Removi igitur emplastrum, & solo iterum fomento & Cicutæ extracto usus sum; vesperi dedi paregoricum, ut nox esset quieta.

Trigesimo die mamma iterum habuit colorem naturalem, dolores fuerunt exigui. Dedi per diem quadraginta grana extracti Cicutæ, & fomentum continuatum est.

Quadragesimo die brachium totum detumuit, & sat bene poterat moveri; mamma fuit minor, mollior, & mobilior. Quinquagesimo die omnia  
ite-

iterum in mamma erant meliora ; verum fœminæ a cibis abhorruit , & oris amarorem conquerebatur , & crura paulisper intumuerunt ; concessi propterea , ut ab extracto Cicutæ per aliquot dies abstineret , jussique , ut infusum florum sambuci copiosum biberet ; fomentum autem ex Cicuta continuatum est .

Quinquagesimo quarto die dedi purgans ex rheo , paucō scammonio , & sale polychresto . Alvus inde quater mota est , & altero die viguit appetitus , & crurum tumor fere omnis disparuit ; mamma fuit mobilis , nec doluit ab adtactu ; per vires tantum advertebantur lacinantes & vagæ punctiones . Fumo leniter aromatico feci dein crura fricari ; ad mammam vero fomentum ex Cicuta sedulo appositum est . Sexagesimo die , quoniam ægra optime habuit , & crura erant naturalia , & appetitus bonus , dedi iterum extracti Cicutæ mane & vesperi grana sex , & copiosum infusum florum sambuci .

Sexagesimo sexto die mamma in multa minora tubercula divisa videbatur , nec ullus aderat dolor . Dedi tunc mane & vesperi grana decem extracti Cicutæ , fomentum sedulo continuatum est .

Octuagesimo die mammæ moles fuit admodum exigua , brachium potuit citra omnem dolorem moveri ; ægra sufficientes vires , & bonum appetitum habuit , noctu quiete dormivit .

Nonagesimo primo die pauca adhuc in mamma durities supererat , quæ in omnem partem poterat volvi ; ægra autem ob continuam fomenti applicationem jam erat impatiens , neque ingratum odorem amplius poterat ferre ; hinc illud removi , & ejus loco emplastrum de Cicuta applicui , dedique mane & vesperi grana quindecim extracti Cicutæ . Emplastrum jam nullos dolores excitavit ;

omnia quotidie in melius mutata sunt , & centesimo vigesimo quinto die mamma erat flaccida , pendula , nec minima tangebatur durities .

Discessit tunc hæc ægra ex Nosocomio ; iussi autem , ut aliquandiu adhuc pilulis de Cicuta in parva dosi uteretur , ut hac ratione malum tam facile non rediret .

### CASUS SEPTIMUS.

**V**irgo , 21. annorum , cancrum apertum in mamma sinistra habuit , præterea tussivit frequenter , & conquerebatur in thorace sinistro continuum ardorem , & dolorem erodentem . Tota sanguinis massa erat corrupta , & ægra simul scabie laboravit , & erat penitus emaciata , & vespertino tempore quotidie sensit horrorem , & dein calorem , tandem sudorem fœtidum . Ulcus copioso ichore fœtente manavit .

Pessimis his in circumstantiis tentavi Cicutam , & statim dedi mane & vesperi octo grana extracti Cicutæ , externe fomentum ex eadem Cicuta applicui ; præterea autem debebat ægra copiosum serum lactis , aut lac purum , dupla aquæ copia dilutum , bibere . Spatio duodecim dierum ægra melius habuit , minus tussivit , exacerbationes vespertinæ , & sudores nocturni fere cessarunt , vires auctæ sunt , in ulcere cancroso tenue pus comparuit , fluxus ichorosus imminutus est , nec advertebatur fœtor . Verum mansit in thorace ardor , & dolor erodens . Dedi tunc quater per diem grana octo extracti Cicutæ , & reliquis remediis continuavi .

Trigesimo die mammæ moles fuit multo minor , vires satis bonæ , ulcus purum , appetitus magnus ; somnus autem , ob continuum ardorem sub mamma , erat sine opio turbatus , anxius .

Sca-

Scabies incipiebat exsiccari , & ægra potuit extra lectum esse . Exhibui scrupulos duos extracti per diem . Quadragesimo sexto die ægra sat bene habuit , mammæ moles fuit multo minor , & ulcus cœpit diminui . Remansit autem ardor & dolor erodens in thorace sinistro , quamvis is per vices admodum exiguus fuerit .

Sexagesimo die mammæ durities fere tota evanuit , & ulcus fuit multo minus , purum . Dedi tunc drachmam unam extracti cicutæ per diem , & reliqua continuata sunt . Octuagesimo die omnis durities disparuit , & ulcus erat fere integre clausum . Ardor autem & dolor erodens in thorace sinistro per vices erant admodum sœvi , & propterea noctes quandoque turbatæ sunt . Vires erant utcumque bonæ ; scabies integre disparuit , faciei color fuit fere naturalis ; verum ægra manuit macilenta .

Octuagesimo quarto die sanatum erat ulcus , ægra extra lectum ambulavit , appetiit , & quandoque sine opio placidissime dormivit . Comparuit tunc fluxus menstruus , qui jam per quinque menses siluit ; lætabatur propterea hæc ægra , & speravit non absque ratione , ardorem & dolorem erodentem in thorace sinistro nunc cessaturum , quoniam is incepit , dum sanguis menstruus retinebatur . Fluxus per binos dies continuavit ; tertio autem die sistebatur , & tunc ardor & dolor erodens in thorace sinistro illico auctus est , & ægra iterum pejus habuit .

Quarto die ad inferiorem mammæ marginem ortum est tuberculum purpureum , & valde dolens . Dominus Haffner , ut dolores mitigaret , applicuit cataplasma emollientissimum . Quoniam autem ægra magnam habuit sitim , & validam febrim , & pulsum durum , vena ipsi secta est , &

data sunt decocta resolventia , antiphlogistica . Paucum inde levamen sequebatur .

Sexto die ruptum est tuberculum , & effluxit copiosus & acerrimus ichor . Stylo tunc inducto in aperturam , invenit Chirurgus sinum , qui sub musculo pectorali repicit fere usque ad superiorem mammæ marginem , ibique advertebatur costa arrosa ; hinc , quum vires adhuc satis bonæ essent , sinum totum , partesque omnes superjacentes Chirurgus perscidit , ut videret , quoniamque costa esset corrupta . Facta hac sectione , ægra breve animi deliquium passa est ; unde vulnus ligabatur , & omnia in diem posterum relinquebantur . Vesperi aderat ingens febris , & magnus dolor ; ideo remedia antiphlogistica , & emulsa paregorica ægræ data sunt , & nox siebat satis quieta .

Altero a sectione die Dominus *Haffner* , aperto iterum vulnere , invenit plures costas arrosas , & aperturam aliam , quæ in pectoris cavum penetravit , & per quam , tussiendo , ichor foetidus expellebatur . Injectum tunc est in cavum pectoris decoctum hordei cum paucō melle rosaceo , ut ulcus mundaretur , & ut separatio impuri a sano fieret . Emulsis nitrosis , paregoricis continuatum fuit , & ægra sat bene se habuit . Circa vesperas autem quotidie orta est febricula , & noctu sequebatur sudor .

Quinto die quoniam apertura in cavum pectoris admodum parva erat , Dominus *Haffner* eam dilatavit , ut illud , quod in cavo continebatur , posset facilius effluere , & elui . Octavo die quædam fragmenta ossea post injectionem ex vulnere prodierunt ; unde certum erat , costas interius esse quoque cariosas . Multum igitur corticem peruvianum ægræ dedi , præter decoctum lignorum , & lac vaccinum . Tentavimus tunc injectiones

ma-

magis detergentes, balsamicas. Verum has ægra non tulit, orta est febris major, & multus dolor, atque materies ex vulnere prodiens valde fœtuit. Hinc ab his abstinebatur, & solum decoctum hordei cum melle iterum injectum fuit. Separabantur subinde quædam ossea fragmenta, quæ post magnam tussim per aperturam cum multo fœtido ichore propellebantur. Nihilominus ardor & dolor erodens nequaquam fiebant mitiores; immo in anteriore thorace se se magis extenderunt; & fœmina, licet magna corticis peruviani dosi quotidie uteretur, debilis fuit, & febris vespertina aucta est. Post longum igitur usum, dum vidimus hæc remedia parum juvare, conclusimus ego & Dominus *Haffner* in cavum pectoris injicere infusum Cicutæ, & cortici peruviano jungere Cicutæ extractum.

Altero die jam materies ex cavo pectoris prodiens non amplius adeo fœtuit, & dolor, ardor que paulisper imminuti sunt. Post paucos dies videbantur vires augeri, & appetitus; & ægra noctu fat tranquille dormivit. Dabatur quotidie uncia dimidia corticis peruviani, & extracti Cicutæ scrupulus unus præter copiosum serum lactis. Lene ab initio fiebat infusum Cicutæ pro injectione; quoniam autem vidimus id nec pulmones irritare, nec augere anxietates, & bonum præstare effectum, id saturatum dein adhibuimus.

Spatio quatuordecim dierum multa fragmenta ossea cum materie tenui, purulenta, ex cavo pectoris prodierunt; ægra multo melius se habuit, potuit extra lectum esse, & fere semper absque opio quiete dormivit. Attamen sensim ab adeo magna corticis dosi abhorruit; unde drachmam dimidiad dedi quotidie extracti Cicutæ, & tantum drachmas duas corticis peruviani.

His

His remediis , & copiosissimo sero lactis , & injectione , quæ bis quotidie fiebat cum saturato Cicutæ infuso , hanc ægram per binos & dimidium menses conservavimus , & jam aliquam curatio- nis spem in sinu fovebamus . Contigit autem tunc , ut ægra in pleuritidem pessimam , & fere lethalem incideret . Nihilominus tamen eruditissimus Dominus *Collin* , qui tunc Nosocomii curam ges- fit , debitibus venæ sectionibus , applicatis catapla- matibus , & præscriptis optimis remediis , effecit , ut dolor pectorius cessarit , & morbus sputis fue- rit optime judicatus . Et ægra post hunc morbum iterum vires mediocres recuperavit ; materies ta- men ex cavo pectoris prodiens multum fœtuit , & ichorosa fuit . Nequaquam tunc cortex peruvianus , neque Cicutæ extractum , neque ejusdem infusum profuit ; pessima febris vespertina iterum supervenit , & sudor nocturnus miseram ægram ita defatigavit , ut intra septem septimanas tota extenuata obierit .

Sectione anatomica invenimus pleuram in ca- vo pectoris sinistro fere consumptam , & costas plu- rimas in tenues lamellas corrosas . Pulmo ejusdem lateris hinc inde quoque erat exesus .

Certo ! si hoc ulcus externa in pectoris superfi- cie fuisset , ubi manus chirurgica potuisset accede- re , aptisque fomentis mali progressum impedire , & separationem cariosi adjuvare , hæc ægra & a pessimo cancro , & ab ulcerè fœdissimo fuisset optime curata .

In homine , 23. annorum , ex empyemate in cavo sinistro pectoris jam morituro , me suadente , Dominus *Haffner* lato vulnere puri exitum pan- dit , educitque puris tenuis , fœtidi , libras quin- que & dimidiam .

Anceps erat & audax consilium ; verum quo- niam

niam æger jam fere suffocatus morti fuit proximus , licuit tale quid tentare , quoniam sæpius vidimus , audaci operatione nos hominum dies longiores , & minus acerbos reddidisse .

Educto pure , æger pessime habuit , extrema fiebant frigida , evanuit pulsus , facies erat tota collapsa , & sudore gelido , crasso , madida .

Doluimus sinistrum operationis eventum ; nil tamen negleximus , quod adhuc ægro profuturum videbatur . Spiritu cornu cervi nares , tempora , bene perfricuimus ; dedimus deglutiendam unciam unam vini austriaci , & guttas sex spiritus cornu cervi ; videbatur tunc anima redire , & deprehensus est ad carpum pulsus tremulus . Æger cœpit oculos aperire , & anhelare . Dedimus dein juscūli carnium aliquot uncias , & ægrum ad quietem disposuimus . Verum mansit is anxius , & post horæ quadrantem æruginosa vomuit , & tunc denuo eum moriturum credebamus . Sopito autem per remedium paregoricum vomitu , lenis somnus sequebatur ; qui , quamvis nec diu duraverit , nec fuerit tranquillus , ægrum tamen aliquantulum refecit .

Altero die æger cœpit loqui , & oblata patienter assumpsit . Dominus *Haffner* cavum pectoris decocto hordei , & melle rosaceo bene eluit ; ego autem præscripsi remedia tunc indicata . Intra quatuor dies æger iterum tantas vires habuit , ut se ipsum in omnem partem citra animi deliquium potuerit movere .

Dominus *Haffner* stylo in pectus penetravit , & advertit costas multas esse cariosas ; tentavit propterea diversas balsamicas , detergentes , & vulnerarias injectiones ; nullam autem magis utilem inventit , quam eam , quæ infuso Cicutæ facta fuit ; hæc enim pus laudabile fecit .

Vires ægri auctæ sunt , rediit appetitus . Nocturnus sudor , & vespertina febricula aptis remediis mitigabantur ; integre vero fisti non poterant . Curationem perfectam sperare nunquam potuimus ; verum erat nobis satis , dum hominem , jam fere mortuum , operatione audaci e mortis faucibus detraximus , & dedimus ei vitam longiorem & minus molestam .

Injectione ex saturato infuso Cicutæ , & remediis balsamicis , interno usu adhibitis , & paregoricis , & diæta lactea in septimum mensem hunc ægrum sat commode conservavimus ; tunc autem tempore versus autumnum vergente cœpit iterum fortius tussire , febricula vespertina aucta est , & intra triginta & unum dies contabuit .

Pulmo reperiebatur plurimum exesus , & costæ cariosæ . Mirum ! quod saturatum infusum Cicutæ in cavum pectoris , & ad nudum pulmonem injectum nullas turbas , nullas anxietates &c. excitaverit . Patet inde , Cicutæ virus adeo tetrum non esse .

Atque ideo hunc casum hic inserui , quoniam cum priori quid commune habet .

#### CASUS OCTAVUS .

**H**omo , 27. annorum , a sex circiter annis gessit tuberculum ad linguae radicem , quod per vices multo dolore afficiebatur , & deglutitionem fecit difficilem ; subinde tamen nullus ibidem dolor observatus est .

Hoc tuberculum sensim accrevit in nucis avellanæ magnitudinem ; fuit totum lividum , & acutissime semper doluit . Demum ruptum est , & effluxit ichor acerrimus , fœtidus , & oriebatur ulcus fœdum , latum . Deglutitio fuit admodum difficilis .

Quidam Chirurgi & Medici credebant ulcer esse

venereum ; hinc remediis antivenereis curam inchoabant . Decocta plurima , varia purgantia , mercurio mista , tandem spiritum frumenti , in quo mercurius sublimatus solvebatur , æger longo tempore incassum assumfit ; immo malum auctum est . Demum salivatione miser penitus extenuatus fuit sine morbi emendatione .

Quum hæc remedia maxime heroica nil effecerunt , æger fato relinquebatur ; datum ipsi est testimonium , quod curari non possit , quodque deberet in domum incurabilium suscipi . Æger tamen undique adhuc auxilium quæsivit , & fere omnium Chirurgorum portas pulsavit ; verum vix non ab omnibus sine ope est dimissus .

Demum venit ad Dominum *Haffner* , Chirurgum mei Nosocomii ; is , re bene considerata , statim cogitavit , Cicutam hoc in ægro esse adhibendum . Unde hunc hominem altero die , dum ad Nosocomium veni , mihi ostendit . Feci illico , ut ipsi lectus pararetur , eumque in Nosocomio retinui . Erat autem totus emaciatus , vesperi habebat horripilationes , dein calores ; tandem sudore copiosissimo maduit , & somnus fuit anxius , inquietus . Ulcus fœdissimum fere totam linguæ radicem exesit , ex ejus margine & fundo variæ fungosæ ex crescentiæ propularunt , quæ omnes erant exulceratae , & fœdissimum ichorem fuderunt .

Dolor aderat continuus , ardens , & deglutitio fuit fere impossibilis ; ulcus in profundum & latum continuo serpsit , æger non poterat distincte loqui . Uvula , tonsillæ , & totæ fauces jam quoque afficiebantur ; nam vidimus sat profundas erosiones , quæ acri humore stillare cœperunt .

Æger sæpius tussivit , & ex faucibus usque ad ventriculum magnum ac continuo prurientem ardorem conquestus est . Ex ore prodiit fœtor deter-

rimus, qui nobis insipientibus s<sup>e</sup>pius nauseam,  
& horrorem excitavit.

Status sane hujus ægri erat maxima commiseratione dignus. Eruditissimus Dominus *Collin*, Medicus, qui mecum tunc Nosocomium adivit, hunc quoque ægrum vidit ; dubitavimus certo, an in casu adeo inveterato, & desperato, *Cicuta* quidquam posset præstare. Interim tamen, præter hanc, nullum nobis supererat remedium, quod jam non fuisset tentatum.

Prima erat indicatio, ut ulcus sordidum purgaretur. Rogavi propterea Dominum *Haffner*, ut leni manu ope syringæ aliquoties per diem infusum *Cicutæ*, melle rosarum mistum, ad fauces, & ulcus injiceret, & hac ratione sensim sordes & acrimonias ablueret. Pro medicamento dedi misturam sequentem:

Rx. Extract. *Cicut.* gr. x.

Mucilag. gum. *trag.* dr. ss.

Syrup. diacod. unc. j.

Aq. flor. samb. unc. v.

m. f. *Sumat æger omni bihorio cochleare unum.*

Potus ordinarius erat serum lactis ; cibus autem juscum cum pane, panatella, hordeum mundum &c.

Prima nocte æger jam longe tranquillus dormivit. Altero mane ulcus nec ita fœtuit, nec adeo sordidum fuit. Verum loquendi, & deglutiendi difficultas æque magna mansit. Iisdem remediis internis, externisque continuatum est.

Tertio die ardor in fauibus, & per totum œsophagum multum remisit ; ulcus erat longe purius, nec ullus fere fœtor observabatur. Eamdem adhuc misturam præbui, extractum *Cicutæ* solummodo auxi, & scrupulum integrum immiscui.

Sexto die jam potuit solidiora citra multum do-

lo-

lorem deglutire , ulcus cancrosum fuit satis purum , faucium ulcera jam incipiebant levi cicatricula obduci , & ardor per œsophagum vix amplius percipiebatur . Iisdem remediis continuatum est . Undecima die circa vesperas fere nullæ aderant horripilationes , nec multus calor , & nocturnus sudor vix non penitus desit . Ulcus cancrosum ichoris loco pus exhibuit , nec aderat multis dolor dum æger solida deglutivit , levissimus tantum fœtor advertebatur ; æger longe distinctius loquebatur , vires habuit multo majores , & bonum appetitum ; faucium ulcera jam plurima erant clausa , & subinde tantum levis in œsophago ardor perceptus est . Iisdem medicamentis continuatum fuit .

Decimo quinto die ulcus cancrosum optimum habuit colorem , fungosæ excrecentiæ erant multo minores , nec amplius ichorem plorarunt , & ex ulceris ambitu tenuissima & albicans nascebatur cuticula , quæ spem primam veræ curationis adtulit , & ostendit cancro serpenti limites esse positos . Fauces erant sanatae , absuit in œsophago omnis ardor , æger habuit bonas vites , nec pejora observabantur symptomata circa vesperas , nec sudor nocturnus . Exhibui tunc quotidie mane pilulas octo , granorum duorum , de extracto Cicuttæ , & totidem vesperi , & desuper feci hauriri copiosum serum lactis ; injectiones ad ulcus continuabantur .

Die vigesimo ominia iterum erant meliora , ulcus cœpit longe minus fieri , excrecentiæ fungosæ plurimæ sponte separabantur , nullus aderat fœtor , nec ichor , sed pus bonum . Noctes fuerunt quietæ , vires auctæ sunt , & viguit appetitus .

Die trigesimo ulcus fuit sat purum , plurimæ excrecentiæ jam erant separatæ , reliquæ autem , su-

superstites, erant flaccidæ , pallidæ , nec ex ad tactu dolore afficiebantur; æger vinum purum bibit absque dolore in ulcere.

Dedi tunc per diem scrupulos duos extracti Cicutæ , & copiosum serum lactis , & infuso Cicutæ ulcus sæpius per diem ablutum est .

Trigesimo quarto die famem ingentem habuit æger , & propterea oblata avidissime sine debita masticatione abligurivit . Onerabatur inde ventriculus , & postero die aderat nausea , horror , continuus vomendi conatus , præcordiorum anxietas , vertigo , labii inferioris tremulus motus , calor magnus , pulsus inæqualis robore & celeritate , respiratio brevis , anhelosa , facies tumida , livida .

Dolebam tunc summopere , spem curationis hac ratione esse diminutam , & ægrum in summum vitæ periculum conjectum . Maxime urgens indicatio erat , ut ventriculus ab onere suo liberetur ; dedi igitur grana viginti pulveris radicis ypeca cuanhæ , & granum unum tartari emetici . Vix dato pulvere , sequebatur illico vomitus materiei crudæ , incocitæ ; vomitum potu copioso aquæ tepidæ faciliorem reddidi . Æger hac ratione sexies vomuit cibos , avide deglutitos , multumque serum flavum , quod acidum spiravit . Post vomitum mala symptomata fere omnia evanuerunt , solo juscculo eo die æger nutriebatur , vesperi datum est paregoricum .

Nox fuit tranquilla . Mane pulsus æqualis , lensus , parvus deprehendebatur , nec æger quidquam præter debilitatem conquestus est .

Ulcus tunc iterum erat sordidum , magis doluit , nec tamen deglutitio inde multum læsa est ; solo infuso Cicutæ , & melle rosarum sæpius per diem lenissima injectione abluebantur fordæs . Grato julapio , diæta convenienti , paucò vino , & pare-

pregorico vespertino vires tunc reficere conabar. Die trigesimo nono æger sat bene se habuit, & ipse rogavit, ut pilulæ de Cicuta denuo darentur. Dedi tunc per diem scrupulos duos extracti de Cicuta, & copiosum serum lactis, ad prandium concessi vinum. Res quotidie iterum in melius mutata est, & ulcus optimam curationis spem præ se tulit. Quoniam omnia tunc secundum vota procedebant, non auxi amplius dosin extracti; lenes injectiones ad ulcus, quæ solo infuso Cicutæ fiebant, sedulo & sæpius per diem repetitæ sunt.

Quinquagesimo die paucæ adhuc aderant fungosæ, flaccidæ, pendulæ excrescentiæ, quæ ulceris consolidationem retardarunt. Has Dominus *Haffner* absque ægri dolore resecuit forfice. Sectio ne nullus prodibat sanguis. Injectiones diligenter peractæ sunt, quoniam magnum levamen, & egregiam opem ægro adtulerunt. Loquela fuit liberrima, deglutitio bona, vires integræ, somnus optimus, appetitus magnus, alvus naturalis, urina copiosa, bene colorata.

Iisdem strenue continuatum est, & sexagesimo octavo die ulcus erat cicatrice obductum. Ab injectionibus tunc abstinebatur; verum extractum Cicutæ eadem dosi adhuc per quatuordecim dies datum est.

Dum autem videbamus firmissimam esse cicatricem, & hominem esse integre sanum, sensim omne remedium se posuimus, & concessimus, ut in aerem liberum se conferret, & ea ederet, quibus antea fuerat assuetus. Eum tamen sanissimum adhuc per quatuor septimanas in Nosocomio retinuimus. Dein autem ipse petiit, ut dimitteretur.

Dominus *Collin* toto curationis tempore, hunc ægrum vidit, & mecum observavit. Magno nobis sæpe solatio fuit, dum vidimus hunc homi-

nem ab omnibus desertum , & pro incurabili habitum , ope Cicutæ non tantum a vespertina febre , a sudore nocturno , a tabe & cachexia esse liberatum , sed & a pessimo cancro curatum , & optime restitutum . Post aliquot septimanas ex relatibus audivi , eum iniisse matrimonium .

## C A S U S N O N U S .

**V**IR , 42. annorum , a pluribus annis habuit dolorem vagum arthriticum ; noctu hicce dolor calore lecti multum augebatur .

Longo tempore diversissima decocta , aliaque remedia interna & externa adhibuit , nec ullum inde levamen sentiebat . Neque balnea sulphurea , aliaque diversissimi generis , longo tempore adhibita , quodquam profuerunt .

Tandem materies vaga figebatur ad humerum dextrum , & ad coxendicem ejusdem lateris . Unde pedi , & brachio mobilitas demebatur ; minuta est ejus lateris sensibilitas , & accessit macies .

Varia iterum interne externeque tentata nihil juverunt , immo auxerunt dolores , & videbantur malum reddere pejus . Neque vis electrica , per trimestre spatium applicata , in hoc homine quidquam mutavit .

Æstate præterita , dum ruri degebam , me accessit , narravitque mali historiam . Causam , & veram morbi originem ignoravit .

Quoniam ego multis in ægris vidi Cicutam contra dolores rheumaticos , & arthriticos vagos , & fixos multum valuisse , credidi eam & in hoc casu statim esse adhibendam . Dedi tunc mane & vesperi quinque pilulas , granorum duorum , & copiosum decoctum radicis bardanæ . Post octiduum rediit , & conquererebatur majores ad humerum & coxendicem dolores , & ingratam per totum brachium , & pedem formicationem . Cæteroquin nil

mu-

mutatum est. Suasi tunc, ut mane cœto pilulas de Cicuta sumeret, & totidem vesperi, uique decoctum bardanæ continuaret.

Decimo quarto die dolores erant minores; verum in toto latere affecto, ut & in pede & brachio percipiebatur sudor pruriens, fœtens, & oriebantur pustulæ albicantes, pellucidæ, acri sero plenæ. Sensibilitas jam longe major advertebatur. Appetitus fuit bonus, vires sat magnæ, fluxit urina copiosa, quæ prodeundo ardorem in urethra excitavit, alvus fuit naturalis.

Tunc æger per diem cœpit viginti pilulas sumere, & continuavit decoctum radicis bardanæ. Vigesimo quarto die carnes in brachio videbantur redire, & jam quædam advertebatur mobilitas. Reliqua erant in priori statu; pustulæ autem semper copiosiores comparuerunt, nec desit pruritus.

Trigesimo sexto die æger per universum corpus ingratum ardorem & pruritum conquerebatur, & oriebantur ex ruptis pustulis crustæ crassæ, & vera scabies superveniebat. Verum pes & brachium erant longe mobiliora, sat robusta, optime sensitiva. Curavi totum corpus infuso Cicutæ, quod lacte fiebat, bis quotidie lavari. Intra paucos dies crustæ plurimæ ceciderunt, pustulæ autem hinc inde longe frequentiores comparuerunt, & pruritus augebatur.

Quinquagesimo die jam poterat moveri brachium in omnem partem, pes autem ægro videbatur adhucdum gravis, cæteroquin autem erat mobilis, flexilis & omni in loco aderant optima sensationis signa. Dedi tunc per diem drachmam integrum extracti Cicutæ, & loco decocti bardanæ exhibui serum lactis; præterea tamen infuso Cicutæ, lacte facto, corpus quotidie bis lavabatur. Spatio octidui omnis pruritus cessavit, disparue-

runt pustulæ & omnes crustæ, & æger cœpit optime convaletere.

Sexagesimo nono die æger potuit ambulare, & brachium in omnem partem movere, neque ex itinere unius & dimidiæ horæ multum defatigabatur. Sensim tunc iterum Cicutæ dosin minui, feri lactis vero ingentem quotidie copiam bibere ægrum jussi, corpus non amplius lavabatur.

Octuagesimo die sanissimus me iterum accessit, egitque gratias.

#### CASUS DECIMUS.

**V**irgo, 18. annorum, spina ventosa jam a septem annis ad tarsum pedis dextri & ad cubitum brachii dextri laboravit; tentata remedia, alias in similibus morbis maxime laudata, nil profuerunt. Decoctis lignorum copiosissimis per multis mensis usus est, & eliciebatur inde copiosus sudor, malum sub initium videbatur levari; dein vero tussi sicca vexabatur ægra, cœpitque debilitari, & emaciari, & malum iterum pejus factum est.

Data sunt remedia antiscorbutica, & multum serum lactis, & ulcera inde fere sanata sunt. Verum dum maxima curationis spes erat, ortus est novus circa partes affectas dolor, cœpit iterum ichor acerrimus effluere, & orta sunt denuo ulcera fœdissima. Mercurius sublimatus corrosivus in spiritu frumenti solutus, qui alias similibus in morbis optimos effectus præstat, hic nil effecit. Dedi igitur extractum Cicutæ & copiosum decoctum hordei crudi cum paucō lacte. Exterius ad ulcera & tumores solum emplastrum Diapompholygos applicui, ut certus essem de effectu, quem Cicuta interne data in simili morbo haberet.

Intra quatuor dies ulcera alias fœda, & fœtida jam puriora erant, & pus bonum esse cœpit, & do-

dolores multo mitiores fuerunt, & somnus fuit tranquillior, & appetitus major.

Sexto, septimo, octavo, & nono die copiosum serum acre ex ulceribus exstillauit. Duodecimo die videbantur ossei tumores multo minores, & color profunde ruber cœpit in naturalem mutari. Decimo quinto die ex ulcere in tarso pedis dextri tria ossium fragmenta separata sunt.

Decimo septimo die ulcus ad tarsum pedis dextri erat purum, & ex margine incipiebat nasci cuticula, quæ sanationem promisit, tumor ossium affectorum circa hoc ulcus fuit multo minor. Verum ad cubitum brachii dextri ulcus & tumor vix mutatus deprehendebatur, & aderat multus dolor, effluxit copiosum serum, motus tamen articulatio- nis videbatur paulo facilior. Applicui igitur fo- mentum ex Cicuta, ulceri autem in tarso imposui emplastrum de Cicuta.

Vigesimo quarto die tumor circa articulationem cubitus dextri fuit multo minor; & ulcus purum, effluxitque serum copiosum, & materies granulo- fa ex ossibus separabatur. Ulcus ad tarsum pedis dextri minus fuit, tumor fere totus concidit, & omnia brevem sanationem promiserunt.

Trigesimo quarto die ex osse humeri circa articulationem cubitus dextri longum & magnum os- seum fragmentum secessit. Tumor circa articula- tionem multum diminutus est, & ægra jam fa- cile flexit brachium, & ori cibos admovit. Ex ul- cere ad tarsum pedis dextri multum iterum serum fluxit, & prodierunt valde exigua ossium fragmen- ta, & ægra majorem dolorem conquesta. Interim vires auctæ sunt, appetitus viguit, & ægra fuit alacrior, pinguior.

Quadragesimo octavo die ulcus in pedis tarso erat penitus clausum, nec ullus fere tumor am-

plius advertebatur, nec dolor. Circa articulatio-  
nem cubitus brachii dextri omnia erant quoque  
meliora. Dedi tunc ægræ purgans, quod octo vici-  
bus alvum copiosam, subflavam movit. Altero a  
purgante die ægra quievit, & nil assumxit. Se-  
quentibus autem diebus iterum dedi Cicutæ extra-  
ctum, & copiosum serum lactis.

Quinquagesimo sexto die ægra multo melius se  
habuit, brachium potuit flectere, & in omnem  
partem movere. Ulcus in tarso mansit firmiter  
clausum. Septuagesimo secundo die omnia, quæ  
alias tumebant, ad statum naturalem redierunt,  
& ulcus circa cubitum brachii dextri erat fere  
consolidatum. Quoniam articulationis motus fuit  
satis liber, nec ossa amplius tumuerunt, credidi  
tunc, non amplius necesse esse, ut hæ partes un-  
dequaque fomento involverentur, ulcus tantum  
linteis carptis infuso Cicutæ madidis Dominus Haf-  
fner replevit, deligavit.

Nonagesimo die coaluit ulcus ad cubitum, nec  
ex nata cicatrice brachii flexilitas impeditiebatur.  
Per duodecim dies adhuc præbui huic ægræ Cicutam,  
& copiosum serum lactis, dein dedi pur-  
gans; & quoniam vidimus hanc esse integre san-  
nam, & ulcera esse optime sanata, dimisimus eam  
e nosocomio.

#### CASUS UNDECIMUS.

**H**omo, 35. annorum, fœdissima ulcera ser-  
pentia ad tarsum utriusque pedis, & intra  
scapulas a binis annis habuit. Præterea corpus to-  
tum pustulis prurientibus, & acerrimo fero plenis  
erat obsitum. Ulcera ichorem acerrimum plora-  
runt continuo, partes vicinas arrosere, & omnia  
ad ossa usque & tendines consumserunt.

Variis usus remediis, & balneis, nullum fere  
levamen percepit; aut si ulcera videbantur sana-  
tioni

tioni proxima , mox iterum in pessimum statum mutata sunt. Æger inde debilitatus est , cœpit extenuari , & incidit in sudores nocturnos . Demum me in consilium vocavit , & quum multiplici experientia edocitus fui , Cicutam sanguinis acrimoniā corrigere , & ulcera similia sanare , præscripsi pilulas de extracto Cicutæ , & decoctum radicis bardanæ.

Spatio octo dierum pruritus per universum corpus fere omnis cessavit , & plurimæ pustulæ evanuerunt , neque ulcera adeo copiosum ichorem dererunt.

Vigesimo die æger fuit multo robustior , sudor nocturnus non amplius advertebatur , & ex margine ulceris nascebatur alba cuticula , quæ cicatricem formaret.

Dedi tunc purgans antiphlogisticum . Dein jussi , ut æger Cicutæ extractum & decoctum bardanæ iterum continuaret . Jam sumfit quotidie drachmam dimidiā extracti Cicutæ .

Trigesimo sexto die æger sat bene valuit , & ulcera erant fere clausa . Tendines nudi antea in ulceribus comparuerunt ; nascente tamen cicatrice , eorum motus non fuit impeditus .

Quadragesimo octavo die ulcera erant cicatrice tenui obducta ; hæc ut firmior fieret , applicui unguentum nutritum . Dedi iterum purgans antiphlogisticum . Sexagesimo die ulcera videbantur firmissime consolidata , & homo erat optime sanus . Suasi tamen , ut mediocri dosi Cicutam adhuc per tres septimanas sumeret , & biberet defuper infusum florū sambuci ; dein præscripsi iterum purgans , ut hac ratione & sanguis , & primæ viæ ab omni acri & crudo essent liberæ .

Ex usu Cicutæ hicce homo longe meliorem in facie colorem obtinuit , musculi omnes , alias flaci-

cidi, nunc erant firmi, fortes, & totus homo fiebat ex pinguedine quadratus.

## CASUS DUODECIMUS.

**F**Aber ferrarius fœdissimo morbo cutaneo, qui ab elephantiasi non multum abludebat, jam a decem annis laboravit. Omnia fere Medicorum, Chirurgorum, balneatorum, & argyrtarum opem imploravit, remedia maxime heroica longo tempore assumpsit, & balnea diversa mineralia, & vaporum applicuit; verum vix unquam levabatur, potuit tamen suos labores peragere.

Neque fœda hæc scabies in facie aut manibus comparuit, sed iis tantum in partibus, quæ veste tegebantur. Unde potuit cum aliis ejus sociis conversari, nunquam tamen in eodem lecto cum iis decubuit.

Quum autem tentatis fortissimis medicamentis vidi, malum nequaquam emendari, noluit amplius consilium medicum petere, & reliquit rem soli naturæ, & omnia, quæ palato arrisere, comedit, strenue bibit, neque tempestatis vicissitudines evitavit. Pejus inde non habuit. Contigit autem, ut hyeme præterlapsa frigori subito expitus in pleuritidem inciderit. Translatus est propterea ad nostrum Nofocomium.

Vena debebat iteratis vicibus secari; verum cutis erat adeo dura, & tenax, ut Chirurgus non potuerit penetrare nisi magna vi, & multa attentione. Sanguis vena missus, erat vere pleuriticus. Decoctis emollientibus, expectorantibus, mellitis, nitrosis, morbus sat gravis spatio quatuordecim dierum sputo judicabatur.

Decimo octavo die dedi purgans, & tunc homo videbatur iterum sanissimus. Malum tamen cutaneum acuto hoc morbo nequaquam mutatum est. Putavi tunc Cicutam hoc in morbo pertinacissimo esse

esse tentandam. Suasi igitur, ut adhuc maneret in Nōsocomio, promisque sanationem. Exhibui illico grana decem extracti Cicutæ tempore matutino, & totidem vesperi, & simul dabatur copiosum decoctum radicis bardanæ, & glycyrrhizæ. Præterea autem bis quotidie lotum est totum corpus anatica parte aquæ, & lactis tepidi, in cuius mensuris duabus solvebatur uncia una saponis veneti.

Spatio decem dierum multæ squammæ cederunt, rugæ fuerunt molliores, & lenissima advertebatur transpiratio. Cutis antea aspera, rugosa, fœditissime squammosa, dura, cornea fere, & insensibilis, nunc ex adtactu paulo rudiori doluit.

Undecimo die jam cœpit dimidiam drachmam extracti Cicutæ spatio viginti quatuor horarum exhibere, decoctum bardanæ, glycyrrhizæ, & lotiones continuatæ sunt.

Decimo septimo die fere omnes squammæ jam erant separatæ, & rugæ cutis sensim applanatae sunt. Æger autem vagos calores & anxietates conquerebatur, pulsus tamen fuit æqualis, non febribus, vires bonaæ, appetitus magnus, urina prodiit copiosa, acris, & alvus quotidie ter vel quater sponte fluxit fœtida, biliosa. Æger e levi adtactu iis in partibus, ubi squammæ hæserunt, ardorem, & dolorem percepit. Eadem dosi & iisdem medicamentis, tunc adhuc jussi, pergeret.

Vigesimo sexto die corripiebatur horripilatione, dein calore, & magna siti, sequebaturque valida febris. Oculi rubuerunt, lingua fuit sicca, urina flammaea, & cutis totius corporis levi phlogosi tendebatur, nec minimum adtactum tulit citra magnum dolorem & ardorem. Abstinui illico ab usu Cicutæ, & dedi copiosum rob sambuci, nitrum, & decoctum hordei crudi. Alvus inde aliquoties

mo-

mota est, neque vires ægri multum diminutæ sunt, symptomata sensim omnia remiserunt, & trigemino quinto die cutis habuit colorem fere naturalem, rediit appetitus, & pulsus fuit æqualis, lensus. Diæta molli tunc vires ægri restauravi, pro medicamento & potu ordinario dedi infusum florium sambuci, quod sero lactis siebat.

Quadragesimo nono die cutis tota fuit fere naturalis; verum mansit semper magis sensibilis, quam alias esse solet. Vires tunc æger bonas habuit, optime appetiit, quiete dormivit, urina prodidit optime colorata, & alvus bene cocta.

Quum autem in cute variæ pustulæ comparuerunt, quæ pruritum excitarunt, & ruptæ fuderunt serum acre, credidi, ad sanguinem magis depurandum Cicuta adhucdum utendum esse. Feci igitur, æger mane & vesperi assumeret grana decem de extracto Cicutæ, & biberet copiosum serum lactis. Quorum usu spatio quatuordecim diorum integre sanatus fuit. Epidermis tamen mansit admodum tenuis, & rumpebatur a minimo adtritu. Verum hoc incommodum sustulit balneum Badense, quo hicce homo per tres septimanas utebatur.

Post hujus usum optime sanus, & habens cutim, & epidermidem penitus naturalem, me accessit, gratias acturus.

#### CASUS DECIMUSTERTIUS.

**F**oemina, 42. annorum, sanissima alias, septem abhinc annis (causam ignorat) cœpit fluore albo continuo laborare, & ab eo tempore nil sanguinis menstrui amplius comparuit. Materies ex utero prodiens sub initium lenta, mucosa, subalbida fuit, in hypogastrio autem advertebatur tensio, & dolor pectorius, vagus. Præterea urina subinde tenesmo retenta, aut difficilis redditia est.

Usu

Uſu balneorum, & variorum remediorum ſpatio novem mensium hic fluxus suppressus fuit. Verum mansit in hypogastrio tensio, & dolor punc torius, & ſæpius obſervatus eſt urinæ tenefſmus, & vagi calores frequenter caput turbarunt, ſupervenerunt leves leipothymia, & fere quotidie verſus vespertas spinam dorsi horror perrepſit.

His ſympotomatibus ſolo decocto althæa medebatur ægra. Per integrum fere quinquennium malum fuit ſatis mite, ægra habuit vires, & poterat fuos labores peragere. Dein autem erodentes orti ſunt dolores, hypogaſtrium tensum ex mini mo adtaetu valde doluit, & demum retenta eſt urina, & alvus. Enematibus emollientiſſimis, & ſimilibus fomentis tandem cœpit urina prodire acris, turbida, & alvus dura, nigra, globosa. Levamen inde habuit ægra, recuperavit iterum ſuas vires, & potuit extra lectum eſſe. Externo adtaetu deprehendebatur in medio hypogaſtrio tumor durus, in quo continuus percipiebatur dolor ardens, erodens, pungens. Atque ideo hæc fœmina balneo emollientiſſimo quotidie per binas horas infedit, & octavo die, quo hoc balneo utebatur, prodiit ichor ſubfuscus, acer, fætidus, & dolores ardoreſque inde levabantur. Simili balneo adhuc per quatuordecim dies uſa eſt, & multo melius inde ſe habuit; etenim hypogaſtrium ſatrudem adtaetum ſine dolore tulit, & ægra potuit ambulare absque moleſtia. Verum fluxus ichoris acerrimi ſemper factus eſt copioſior, & eroſa eſt uteri vagina, & vulva. Hinc remedia externa internaque applicata fuerunt. Per aliquot dies ægra ſubinde ſibi levata videbatur, & fluxus fuit admodum mitis. Dein autem aucti ſunt iterum dolores, ſupervenit febris, retenta eſt urina; hinc enematibus & fomentis urinæ viæ iterum de-

debebant liberari, & inde ichoris fluxus copiosior fuit. Sensim ægra debilitata est, cœpit vespertino tempore horripilationes conqueri, dein calores, & noctu copiose sudavit. Tentata quæcunque, nil juverunt; immo dolores semper fiebant magis vivaces, pertinaciores, & materies magis fœtuit, & fuit acerrima.

A Medicis relicta demum ad Nosocomium venit, tota emaciata, cachectica. Tentavi omnia remedia, quæ in similibus casibus profuisse alias vidi. Præterea decoctis demulcentibus, & diæta molli conabar involvere acrimoniam. Vires videbantur paulisper augeri, & mens fieri alacrior; verum febris vespertina, & sudor nocturnus continuarunt. Neque imminuti sunt dolores, neque fluxus mitior redditus. Hinc, quum adverti, me remediis usitatis actum agere, transivi ad usum Cicutæ. Dedi autem simul decoctum saturatum radicis althææ, & leni infuso Cicutæ, quod lacte factum est, curabam sæpius per diem vulvam, & uteri vaginam elui.

Intra paucos dies magna fiebat mutatio, remiserunt dolores, febris vespertina erat mitior, somnus magis tranquillus, sudor minus copiosus, neque materies, utero effluens, adeo fœtuit. Decimo octavo die jam dedi nycthemeri spatio virginati quatuor grana de extracto Cicutæ.

Symptomata omnia fere quotidie in melius mutata sunt; dolores tamen subinde adeo vivi fuerunt, ut opio debuerint sopiri.

Trigesimo die dolores erant enormes, urentes, accessit febris, sitis, & multum imminutæ sunt vires. Removi illico extractum Cicutæ, non tamen Cicutam propterea damnavi. Venam ægra secui, & solum decoctum emollientissimum cum nitro & melle exhibui. Externe applicabatur ca-

taplasma emolliens. Dum hæc febris accessit, siluit omnis fluxus uteri, urina reddebatur difficultior, non tamen penitus retenta est. Sanguis, e vena missus, fuit spissus, phlogisticus.

Mala hæc symptomata absque omni fere remissione in quartum diem durarunt, ægra sæpius sensit horrores. Quarto die debilis admodum fuit ægra, pulsus sæpius intermisit, observabantur frequentes caloris colorisque in facie mutationes. Demum versus vesperas, prægresso magno horrore, & sudore frigido & levi animi defectu, mucus prodiit ex utero, mistus striis sanguineis, & advertebatur magnus fœtor.

Hinc omnes gangrænam lethalem adesse clamitarunt. Verum post medium horam prodiit multum pus, & ægra se levatam sensit, & nox fuit quieta, & bono somno dein reficiebatur. Altero mane eam inveni alacrem, & pulsum habuit naturalem, puris fluxus mediocris continuavit. Solum iterum radicis althææ decoctum tunc sine nitro exhibui, verum junxi simul pilulas ex olibano, mastiche, sarcocolla, & mucilagine gummi tragacanthæ confectas. Dolores circa uteri regionem pauci fuerunt, neque ulla amplius durities tactu observata fuit.

His solis medicamentis, & diæta molli spatio duodecim dierum puris fluxus integre curatus fuit, & auctæ sunt vires. Quum tamen cessante puris fluxu per vices adhuc ichoris stillicidium animadvertebatur, & ægra subinde dolores pungentes, vagos in utero conquesta est, pilulas balsamicas seposui, & earum loco dedi extractum Cicutæ. Cujus efficacia dein intra tres septimanas ægra integre sana fuit. Etenim fuit torosa, robusta, agilis, nil conquerebatur, uteri omnis fluxus siluit,

uri-

urina prodiit sine molestia , appetitus fuit bonus , somnus tranquillus , reficiens .

*CASUS DECIMUS QUARTUS.*

**F**œmina , 48. annorum , a quindecim circiter annis fluorem album habuit , & quamvis remedia ab optimis artis magistris præscripta , longissimo tempore assumserit , malum tamen aut manifest in eodem statu , aut in pejus mutatum fuit . Dum vedit , idem esse , sive adhiberet medicamenta , sive ea negligeret ( immo ex usu medicamentorum subinde debilitata est , & pejus habuit ) mutavit consilium , & morbum soli naturæ commisit .

Per undecim annos fuit sine remedio ; dein vero fluxus menstruus retentus fuit , qui antehac & debito tempore , & sufficienti copia semper comparuit . Orti tunc sunt acutissimi in utero dolores , & simul advertebatur continuus ardor ; materies effluens , antea benigna , lenta , mucosa , nunc tenuis fuit , & viridescens , & fœtuit .

Multorum medicorum opem tunc ægra imploravit , adiavit Chirurgos , consuluit vetulas , ast medicamenta potius molestiæ , quam levamini fuerunt . Misera sensim in pessimum statum redacta fuit . Dolores & ardores aderant continui , & hi versus vesperas aucti sunt ; præter ichorem putridissimum effluxit subinde sanguis fœtidus , dissolutus & prodierunt frusta fibrosa , corrupta , subnigra ; vagina uteri & vulva sensim exulceratæ & exesæ sunt , & ægra emaciata vix se erectam potuit sustinere .

His in miseriis eam ad Nosocomium suscepimus . Rogavi Dominum *Haffner* , ut partes genitales , quantum possibile esset , digitis & oculis lustraret . Invenit tunc vulvam exesam , vaginam exulceratam , & os uteri erat sat durum , dolens , & fortiori pressione prodiit sanies .

Con-

Consului , ut bis quotidie injectiones in vaginam fierent ex leni infuso Cicutæ cum paucō melle rosarum , & sexta parte lactis . Præterea copio sum decoctum involvens , demulcens , emolliens , mistum cum tertia parte lactis recentis datum est .

Spatio sex dierum fœtor multum emendatus fuit , & ægra videbatur aliquantulum refici . De di tunc præter decoctum demulcens extractum Cicutæ , & injectiones in vaginam fuerunt continuatæ . Omnia symptomata sensim in melius mutata sunt , ichoris loco tandem effluxit mucus subpurulentus , dein nil amplius comparuit . Et spatio undecim septimanarum fœmina integrum sanitatem recuperavit .

Ultra drachmam dimidiām extracti Cicutæ non opus fuit dare per diem , quoniam hæc dosis sufficienter omni symptomati ivit obviam . Ab injectionibus tunc cessatum est , dum incipiebat materies benigna comparere . Abluta tamen aliquoties per diem sunt pudenda , ne & illud benignum intra plicas stagnans acrimoniam contraheret .

#### CASUS DECIMUS QUINTUS .

**F**œmina , 52. annorum , a longo tempore dolore continuo rodente in utero vexabatur . Fluore simul albo laboravit , qui sensim adeo malignus factus est , ut materies effluens non tantum partes genitales corroserit , sed & ipsa linteamina , quibus excipiebatur , brevi reddiderit friabilia . Fœtor præterea tantus fuit , ut & maritus eam fugerit , & omnes fœminæ , quibus alias familiariter utebatur , evitarint ejus consortium . Postquam plurimam bonorum suorum partem frustra in sui curationem consumpsit , meum tandem auxilium quæsivit . Jussi , ut serum lactis biberet , & ablueret partes circa pudenda leni infuso Cicutæ , & lacte , addito paucō melle rosarum . Quoniam au-

autem conquerebatur, noctes esse maxime inquietas ob enormes in utero ardores, præscripsi pulverem ex drachma dimidia lapidum cancrorum & ex grano uno opii, ut quotidie, cubitum itura, similem pulverem sumeret. Somnus inde longior & tranquillior factus est, & augebatur appetitus; immo & vires majores videbantur, & mens alacrior. Cœteroquin autem nil mutatum fuit.

Exhibui tunc præter serum lactis extractum Cicutæ, & vespertinos pulveres continuavi. Spatio quatuordecim dierum dolores adeo mitigati erant, ut paregorico vespertino opus non amplius fuerit, materies utero prodiens non amplius ita fœtuit, nec adeo acris fuit. Urina autem retinebatur. Abstinui tunc per aliquot dies ab extracto Cicutæ, & dedi misturam sequentem.

R<sup>e</sup> Lap. canc. unc. j.

Vin. austriac. montan. lib. j.

m. s. sumat ægra quater per diem cochleare unum.

Hæc mistura egregios effectus præsttit: etenim urina prodiit liberrime, & ex utero propellebatur multa materies acris, ichorosa cum magno ægræ levamine; interim tamen dolores iterum aucti sunt.

Hinc dein ad usum Cicutæ denuo erat transfundum. Dedi quotidie grana viginti extracti Cicutæ & copiosum decoctum radicis althææ, vel serum lactis. Dolores hinc mitigabantur & vires auctæ sunt, atque prodiit materies mucosa, raro fœtida.

Nihilominus post tres circiter septimanas circa urinæ vias iterum tenesmi o servabantur. Unde extracti Cicutæ loco iterum dedi misturam priorem ex vino & cancrorum lapidibus. Et hæc magnum denuo levamen adtulit.

Hac ratione cogebar sæpius Cicutæ usum inter-

rum-

( CASUS DECIMUSQUINTUS. ) ( 49

rumpere, & fere omni decimo quarto die dedi mi-  
sturam, qua absumpta, extractum Cicutæ iterum  
continuavi. Effectum est inde, ut miserrima hæc  
ægra spatio sex mensium integre fuerit sanata.  
Et jam a novem mensibus optimam sanitatem  
habet.

Hoc tempore bacchanali ventriculum solito plus  
oneravit, unde me accessit rogatura: darem ei  
medicamentum. Verum consului, a cibis per unum  
alterumve diem abstineret. Aderat tunc Domi-  
nus Collin, & ostendi ei hanc fœminam ex peri-  
culosissimo morbo optime curatam. Fœmina ipsa  
mali historiam me melius explicuit, nec sufficien-  
ter potuit laudare pilulas, quæ sibi salutem adtu-  
lerunt. Narravit: quod ab omnibus ob fœtorem,  
ex utero prodeuntem, contempta fuerit, quod pro-  
prius maritus, propriæ proles eam, quasi peste af-  
fectam, fugerint. Quod tabe fere consumpta, nil  
nisi ossa & pellem gesserit; quod abhorruerit a  
cibis, & sudore nocturno fere diffluxerit. Nunc  
autem dedit videnda torosa brachia & suras opti-  
me repletas & firmas, dixitque, quod jam mari-  
to plurimum complaceret.

CASUS DECIMUS SEXTUS.

**V**irgo octodecim annorum, mammam utram-  
que lapidis instar duram a triennio fere ha-  
buit. Pallida præterea fuit, flaccida, tota cache-  
ætica, neque unquam ei menses adhuc fluxere,  
cordis palpitationem conquerebatur, & a paulo  
fortiori ingressu semper anhelavit, & fere suffo-  
cata est. Mamma utraque striis lividis erat va-  
riegata, advertebaturque per frequenter dolor acu-  
te punctorius, vagus. Glandulæ subaxillares &  
inguinales quoque erant tumidæ, induratæ.

Dedi illico ter quotidie tres pilulas, granorum  
duorum de extracto Cicutæ, & qualibet vice feci

D de-

desuper haurii infusi melissæ & florum sambuci vascula duo. Externe nil applicui. Quinto die nil adhuc erat mutatum. Exhibui igitur ter quotidie pilulas quatuor, & idem infusum continuavi.

Octavo die striæ lividæ in utraque mamma disparuerunt, dolores autem vagi, pungentes erant longe frequentiores, vires auctæ sunt. Decimo die jam dabantur quindecim pilulæ per diem. Duo-decimo die prodiit ex utero materies copiosa, alba, glutinosa, & omnes durities tunc molliores videbantur, & respiratio fuit levior, nec cordis palpitatio adeo frequens. Eadem pilularum dosi in vigesimum diem continuavi, & erant tunc omnia meliora; tumores multo minores, mamma utraque mobilis & pro parte pendula. Color faciei, antea ex flavo viridis, nunc in subroseum mutabatur; functiones omnes incipiebant restaurari. Quotidie ex utero copiosus mucus prodiit, qui subinde acer fuit, & in vagina ardorem excitavit, subinde autem adeo blande extillavit, ut ægra nil adverterit. Datæ jam sunt octodecim pilulæ per diem.

Trigesimo die mammæ ambæ jam erant fere naturales, & glandulæ iubaxillares multo minores, nullum dolorem ægra conquerebatur, mens fuit longe hilrior. Fluxus autem uterinus nec amplius copiosus, nec frequens fuit. Pilularum dosis non amplius aucta est, & continuabatur infusum florum sambuci & herbæ melissæ.

Quinquagesimo die nil in mammis repertum est, sub axillis erant adhuc quædam tubercula, pisis æqualia, fluxus muci ex utero penitus desit; viguit appetitus. Per tres adhuc septimanas dedi mediocrem Cicutæ dosin, & infusum ruthæ. Compauruit dein citra omnem dolorem fluxus menstruus, prodiitque sanguis sanissimus per quinque dies, nec ad-

) CASUS DECIMUS SEPTIMUS. ) 51

advertebatur cordis palpitatio, nec a fortiori ingressu respiratio inhibita fuit. Unde optima videbatur adesse sanitas, atque ideo nil amplius medicamenti datum fuit.

CASUS DECIMUS SEPTIMUS.

**H**omo, 30. ann. biennio abhinc febre validissima intermitte, quotidiana afficiebatur. Chirurgus hanc illico suppressit cortice peruviano. Gravis inde fiebat respiratio, delebatur appetitus; hypochondrium sinistrum tensum erat, nec citra dolorem ad tactum tulit; lateri dextro æger non potuit incumbere. Demum ortus est tumor durus, qui fere totum abdominis cavum sinistrum occupavit.

Præterea per totum corpus sensim comparuerunt furunculi foedissimi, subcœrulei, qui profunde intra cutim & panniculum adiposum penetrabant, quidam, ex affricatu rupti, sanguinem putridum, nigrum fundebant, & brevi caro fungosa ibi loci propululavit. His omnibus miseriis adhuc supervenit febris tertiana. Medici, qui hujus ægri curam gerebant, ex hac tertiana salutem sperarunt. Hinc remediis salinis solventibus & amaricantibus febris conatum facilitare intendebant. Verum hæc omnia nil juverunt, febris adeo vehemens fuit, ut æger vires plurimas amiserit, immo sensim extrema intumuerunt, & merito timebatur hydrops. Delatus tandem est ad nostrum Nosocomium.

Remediis leniter diureticis, sapone veneto, rheo, conservis antiscorbuticis &c. tumorem quidem extremorum dissipavi, rediitque appetitus; verum febris violentia semper augebatur, & paroxysmi adeo sunt protracti, ut seie quilibet per viginti quinque horas duraverit. Sub paroxysmo ægrum semper tussis prehendit, quæ adeo valida

D 2 fuit,

## 52 ) CAPUT SECUNDUM. )

fuit, ut tandem sanguis rutilus proruperit. Cesante tamen paroxysmo nec aderat tussis, nec respiratio fuit difficultis. Tussis sub paroxysmo nullis remediis potuit mitigari, ardor inde summus in pectore ortus est. Accessit demum summa macies, & vires omnes conciderunt, sudor nocturnus consumptionem minitabatur. Quare febris necessario debebat diminui.

Junxi igitur conservis antiscorbuticis corticem peruvianum selectissimum, cuius usū spatio quinque dierum, febris admodum mitis facta est; sudor nocturnus fere desit, nec vires adeo debiles videbantur, & ægrum subinde tranquillus somnus occupavit, refecit; tussis fuit longe minus molesta, & potuit opiatis & mucilaginous compesci. Similibus itaque remediis per aliquot septimanas continuavi, & subinde ea admiscui, quæ ad tumorem dissipandum & ad furunculos curandos conseruent. Verum tumor in abdomine sinistro & furunculi per totum corpus semper manserunt in eodem statu, nec febris sopita fuit. Quinimmo pedes livido tumore inflabantur, & copiosiores majoresque furunculi ibi comparuerunt.

Decocta plurima, quæ alias ad massam sanguineam corrigendam optima fuerunt, hic nil mutarunt. His denique junxi leviora antivenerea, mercurialia. Et cum hæc æger facile tulerit, nec inde quidquam in melius & pejus fuisset perversum, dedi sensim acriora, & sub finem exhibui præter copiosissima decocta mercurium sublimatum corrosivum, solutum in spiritu frumenti. Tulit & hunc æger citra ullum incommodum. Verum largus ejus usus per integrum mensem nil profuit. Tentatis jam diversissimis remediis præter Cicutam fere nil supererat, quod in hoc morbo fuisset indicatum.

De-

Dedi igitur statim in principio mane decem grana & totidem vesperi, præter copiosum decoctum hordei crudi. Tertio die, quo æger Cicuta utebatur, febris paroxysmum vix percepit. Cætera vero in eodem statu permanserunt. Septimo die æger habuit vires longe majores, febris penitus siluit; augebatur appetitus, flaccidus circa articulos & in facie tumor totus disparuit. Dedi jam drachmam dimidiā quotidie extracti Cicutæ.

Duodecimo die cœpit prodire urina crassa, ex nigro rubra, fœtida, & quidam ex furunculis exsicabantur, quidam vero rupti fuderunt lividum liquorem. Tumor in cavo abdominalis sinistro videbatur tactu mollior, mobilior, æger tamen lateri dextro nondum potuit incumbere. Noctes fuerunt admodum quietæ. Dedi tunc purgans antiphlogisticum.

Decimo quinto die dabantur jam mane & vesperi grana viginti extracti Cicutæ. Vigesimo die pedes, antea lividi & tumidi, obtinuerunt colorem & molem naturalem, plurimi furunculi exsicabantur. Hinc inde tamen iterum novi, verum admodum parvi & lâte rubentes proruperunt. Urina continuavit esse crassa, ex nigro rubicunda. Toti abdomini sinistro imposui tunc emplastrum de Cicuta. Vigesimo quinto die æger assumpsit haustum antiphlogisticum purgantem. Et data tunc quotidie est drachma integra extracti Cicutæ.

Trigesimo primo die jam plurimi furunculi exsiccati ex cute separabantur; verum omni in loco remansit magna sensibilitas, & ex minimo affrictu cutis rupta est, & fudit acre serum. Urina tunc prodiit minus crassa, subfuscata. Trigesimo quinto die dedi purgans antiphlogisticum.

Quadragesimo die quinque tantum furunculi ad-

modum exigui, & fere aridi supererant. Tumor in abdomen fuit minor, mollior.

Quinquagesimo tertio die furunculi omnes disparuerunt, & nisi tumor in abdomen fuisset, homo hicce optime sanus potuisset dimitti. Datum tunc iterum est purgans antiphlogisticum. Et quum dein vires integras habuit, feci, ut ad suum consuetum laborem (erat enim faber lignarius) rediret. Jussi præterea, ut quotidie pilulas triginta, granorum duorum, sumeret, biberetque decoctum copiosum radicis bardanæ, & continuo applicaret emplastrum de Cicuta.

Post sex septimanas jam citra molestiam potuit in latere dextro dormire; tumor jam admodum parvus fuit. Decima-septima tumor fere totus disparuit. Finito tertio mense homo integre sanus fuit. Dedi tunc iterum haustum purgantem, & dein non amplius putavi necesse esse, ut quidquam assumeret.

#### *CASUS DECIMUS OCTAVUS.*

**J**Uvenis 17. annor. ex Hungaria huc adveniens febre violentissima laborat; gerit præterea in hypochondrio sinistro ingentem tumorem, durum, immobilem, & est simul ictericus, & toto corpore tumet. Per tres integras septimanas varia adhibuit remedia, verum nullum ægro levamen adtuli.

Confugi igitur ad extractum Cicutæ & præbui mane & vesperi grana octo, & saturatum infusum foliorum trifolii fibrini. Post octiduum febris jam longe mitior fuit, vires augebantur; tumor per universum corpus erat mollis, minor, rugosus, turina alias crassa fusca, nunc fuit citrina, hypochondrium dextrum, quod ex minimo ad tactu doluit, jam potuit premi fortiter, appetitus increvit. Dedi tunc lene purgans ex rheo & sale polychresto. Altero a purgante die exhibui mane gra-

na

na decem extracti Cicutæ , & totidem vesperi , & infusum trifolii fibrini continuatum est.

Decimo octavo die æger vix amplius febris accessum sensit , totum corpus & præsertim extrema jam plurimum detumuerunt , icterus fuit levis ; appetitus bonus , urina fere naturalis ; tumor in hypochondrio sinistro mollior . Dedi tunc drachmam dimidiā quotidie de extracto Cicutæ , & ad hypochondrium sinistrum applicui emplastrum de Cicuta .

Trigesimo die juvenis fuit robustus , febris penitus siluit ; levissima adhuc icteri vestigia superrant ; dolor ex articulis , & omnis tumor evanuit . Dedi iterum purgans ex rheo & sale polychresto . Dein , eodem infuso & eadem extracti Cicutæ dosi adhuc continuaret , jussi .

Quadragesimo primo die nullum amplius icteri vestigium erat videndum , vires bonæ fuerunt . Verum in tumore hypochondrii sinistri magna in melius mutatio observata non fuit . Jussi igitur , ut de extracto Cicutæ sumeret , quotidie grana quadraginta , & mane ac vesperi probe fricaret hypochondrium sinistrum anatica parte unguenti de althæa & florum calendulæ , addita pauca camphora , & ut in libero aere corpus bene exerceret . Hac ratione spatio duorum & dimidii mensium tumor in hypochondrio penitus disparuit , & juvenis perfecte sanus castra adivit . Omni decimo quarto die dedi lene purgans tempore curationis .

#### CASUS DECIMUS NONUS .

**H**omo , 34. annor. glandulas colli scirrhosas , & adeo magnas ab aliquot annis habuit , ut harum glandularum moles utraque ex parte colli caput humanum superarit . Monstrosum erat vide re hunc hominem , quia tria difformia capita ges fit . Omnes hæ glandulæ , in unam massam con-

cretæ , firmissime cohærebant . Sub axillis erant quoque ingentes tumores , qui brachiorum motum valde dolentem & fere impossibilem reddiderunt . Ex anteriore thoracis parte massa scirrhosa sese a collo usque ad costarum limbos extendit . Ichorosa hinc inde ulcera hos scirrhos arroserunt . Aliis in plagis fœdissima fungosa carcinomata nata sunt . Præterea innumeri sinus & fistulæ detegebantur .

Tussis immanis ægrum vexavit , sudor nocturnus & vires & carnes consumpsit , respiratio fuit anhelosa , appetitus deletus , pedes , brachia , facies , & totus reliquus corporis habitus tumore œdematoso turguit . Veræ consumptionis manifesta signa aderant .

Varii Medici penetrantissimis tam vegetabilibus , quam mineralibus remediis hoc malum debellare conati fuerunt ; verum eorum opera incassum fuit : immo æger inde pejus habuit . Feci igitur hominem totum fere consumptum , anhelantem , tumidumque transferri ad meum Nosocomium .

Dominus *Haffner* , quamvis multos periculosissime decumbentes sola Cicuta sæpius sanari videbit , hoc tamen in casu spem omnem depositus . Ego ipse , ut verum fatear , hominem pro perduto habui ; nam febris depascens , sudor nocturnus , tussis continua & defatigans , vires penitus prostratæ , tumor totius corporis , humorum cachexia , respiratio anxia , certam fere mortem præsigiebant . Interim tamen rogavi Dominum *Haffner* , ut externe fomentum de Cicuta applicaret , ut sinus & fistulas leni Cicutæ infuso , addito paucorum melle , sæpius per diem elueret . Ego interim præscripsi medicamenta expectorantia , & quæ vires simul augerent . Solo fomento ulcera longe puriora facta sunt , & tumores emolliebantur . Spatio duodecim dierum æger habuit vires pau-

paulo maiores, liberius respiravit, & noctes fuerunt magis quietæ. Hinc Cicutam interne quoque exhibui. Pro potu ordinario dedi decoctum hordei, cui quarta pars lactis admiscebatur.

Usu Cicutæ sputa liberrime prodierunt, & spatio quatuordecim circiter dierum totus corporis habitus detumuit; urina copiose fluxit; minuebatur febris vespertina, & sudor nocturnus; colli indurations, ulcera, fistulæ, & sinus longe in meliori statu inveniebantur, & æger jam potuit extra lectum esse. Magnus & celer hujus remedii in hoc desperato subjecto effectus nobis adtulit gaudium, & addidit animum, ut in applicacione tam internorum, quam externorum remediorum alacriter pergeremus.

Antequam mensis spatium, quo æger Cicutam assumpsit, præterlapsum fuisse, color faciei jam fuit naturalis; viguit appetitus, siluit febris vespertina, neque ullus sudor amplius observatus est; vires fuerunt satis bonæ, colli tumores longe minores, moliores, in ulceribus optimum erat pus.

Doctissimus Dominus *Collin* simul mecum hujus ægri curam gessit; Dominus *Haffner* suis fomentis & injectionibus sedulo per diem continuavit; noctu autem applicuit emplastrum de Cicuta.

Sesqui mensis spatio tumores colli jam fere dimidio minores fuerunt; æger potuit collum citra magnam molestiam in omnem partem flectere. Respiratio fuit libera, nec audiebatur tussis; æger & pinguis & robustus factus est. Jam tunc dedimus quotidie drachmam integrum extracti Cicutæ. Sub initium tertii mensis æger quotidie drachmam unam cum dimidia de extracto Cicutæ absumpsit. Hac dosi per tres menses continuavimus, & hoc tempore omnes tumores sunt dissipati, & ulcera cicatrice obducta; & sinus ac fistulæ coa-

lue-

Iuerunt, rediitque collum totum ad statum naturalem; homo fuit alacer, pinguis, fortis, nec ullum ab hac dosi unquam incommodum vidimus.

Igitur ope Cicutæ id effectum est, quod nemo antea speravit.

### CASUS VIGESIMUS.

**V**irgo, 25. annorum, mammam dextram a decem annis habuit duram. Hicce tumor sese sensim infra axillam extendit; accessit deinde color lividus, intumuerunt venæ, pars affecta noctu diuque dolore excruciat, brachium tumuit, & fuit immobile.

Ego vocatus ad hanc ægram, statim exhibui extractum Cicutæ, externe autem nil applicui. Spatio quinque dierum color lividus in læte rubrum mutatus fuit, & dolores erant multo mitiores.

Decimo tertio die mammæ color fuit fere naturalis, venæ adhuc erant turgidæ; durities autem multo mollior, mobilior; brachium quoque minus tumuit, & poterat aliquantulum moveri. Decimo sexto die menses proruperunt; tunc autem ægra observavit sanguinem longe puriorem fluxisse, neque tantas ut antea molestias præcessisse. Etenim dum menses imminebant, semper vomitu molestissimo, dolore atrocissimo colico, & ingratissima ad os sacrum & ad inguina tensione vexabatur; immo pectoris anxietas, cordis palpitationes, vertigines & dolentes urinæ tenesmi ægram alias semper plurimum debilitarunt; hac autem vice nil tale contigit. Fluente sanguine menstruo, venæ mammæ affectæ detumuerunt, mamma multo minor, mollior, mobiliorque fiebat, & divisa est in plures moleculas. Brachium sat liberè moveri potuit, & totus in brachio tumor evanuit.

Vigesimo quarto die fluxus mensium cessavit; ægra bene habuit, nil doloris advertit, vires erant bonæ, & moleculæ in mamma affecta in crassiores fibras divisæ sunt. Dedi tunc lene purgans. Trigesimo sexto die parvæ tantum moleculæ, & quædam fibrosæ indurationes in mamma superrant; ægra optime habuit; color faciei antea luridus & cachecticus, nunc roseus fiebat, & totus corporis habitus longe robustior, firmior, & ad labores aptior.

Quadragesimo tertio die prodierunt menses circa omnem molestiam. Quinquagesimo die nil ferre insoliti amplius in mamma deprehensum est, brachium potuit liberrime moveri, nullus amplius dolor observabatur. Dedi tunc lene purgans.

Octuagesimo die fœmina erat sanissima, & inveniebatur mamma penitus naturalis. Dedi tunc iterum purgans, & postea putavi non amplius necesse esse, ut Cicuta adhuc daretur.

Mediocris extracti Cicutæ dosis in curanda hac fœmina suffecit. Primis quatuor septimanis tantum dedi tres pilulas mane, & tres vesperi; reliquo autem tempore ascendi ad quatuor, tandem ad quinque pro dosi. Pilula quælibet habuit grana duo. Externe nil applicatum fuit. Nec datum est quoddam decoctum, quod solutionem potuisset faciliorem reddere; verum qualibet vice jusculum carnis bubulæ, sumptis pilulis, bibebar.

Hemicraniæ dolentissimæ hæc ægra erat alias per frequenter subjecta; ab eo autem tempore, quo Cicutam sumpxit, nil advertit. Levis igitur Cicutæ dosis plurima mala integerrime abstulit, fugavit.

## CASUS VIGESIMUS PRIMUS.

**V**Etula, septuaginta trium annorum, debilisfima, emaciata, ulcus fœdissimum cancrosum habuit circa parotidem sinistram. Hoc ulcus egit fistulas & sinus, qui intra musculos colli, & intra integumenta capitis profunde penetrarunt.

Dominus *Haffner* externe applicuit fomentum de *Cicuta*, & sinus ac fistulas ejusdem herbæ infuso sæpius per diem eluit. Interno usū dedi *Cicutam* & multum lac.

Spatio viginti dierum omne cancrosum, fungosum, corruptumve ex ulcere separatum est; multi sinus jam coaluerunt; ægra majores vires habuit. Sed tunc a lacte abhorruit; concessi igitur paucum vinum, carnem vitulinam, multum cremorem ex hordeo mundo, vel oryzam molliter coctam.

Omnia quotidie in melius mutata sunt, & sexta septimana, qua ægra utebatur *Cicuta*, omnes fistulæ sinusque inveniebantur clausi, & ulcus erat firma cicatrice obductum. Externe tum nil amplius adpositum est, interne tamen adhuc mane & vesperi per quatuordecim dies dedi pilulas duas. Vetulam tunc sanam & hilarem ex nosocomio dimisimus.

## CASUS VIGESIMUS SECUNDUS.

**F**oemina, 44. annorum, sana alias jam trigesimo secundo suæ ætatis anno cœpit mensibus carere. Præter tensionem in inguine sinistro nil incommodi sensit. Balneis diversisque remediis usū est incassum. Et post binos annos advertit in hypogastrio sinistro duritiem, quæ adtaœ nequam dolebat, verum poterat hinc inde volvi. Hæc intra breve spatium ita increvit, ut duos pugnos viriles magnitudine adæquaverit. Et dum ægra

ægra lateri dextro incumbebat, excitavit dolorem, tensionem & anxietates. Balneis iterum emollientissimis usa est, & assumpsit medicamenta ab optimis in arte Medicis præscripta, externe applicatum est emplastrum & unguentum. Subinde mollior videbatur tumor & minor, paulo post autem iterum lapidis instar durus erat, & tendebatur totum ventris sinistri latus.

Dum ægra vidit nullum medicamentum prodefesse, rem sibi reliquit. Ventrem autem semper fasciis ligavit, ne tumor volubilis eam in ambulando decumbendoque impediret. Mense Februario 1761. in peripneumoniam incidit, unde ad nostrum nosocomium translata fuit. Remediis antiphlogisticis, emollientibus & expectorantibus intra vigintiquinque dies peripneumonia sputis optime soluta fuit, & ægra convaluit. Post hunc morbum cœpit in hypogastrio, ubi hicce tumor latuit, dolor oriri, qui per vices sat violentus fuit, subinde autem fere evanuit.

Narravit hæc fœmina totam historiam paulo superius descriptam. Dominus *Haffner* & ego tumorem hunc examinavimus, & concludebamus esse scirrum ovarii sinistri. Quum autem tot jam remediis, longo tempore, & usu non interrupto assumptis, nil mutatum fuit, illico dedimus Cicutam & decoctum saturatum radicis althææ, externe autem nil apposuimus.

Primitis diebus statim dolor in parte affecta cessavit, caput autem fiebat grave, idque quasi torculari compressum ægræ videbatur. Dedi tunc lenne purgans, unde caput multum levabatur. Dein iterum in usu Cicutæ continuatum est. Fœmina sensim optime habuit; auctus est appetitus; increverunt vires; somnus fuit maxime tranquillus.

Decimo quinto die, quo Cicutam dedimus, jam  
tu-

tumor nobis mollior videbatur, & ex utero prodixit mucus albus, latus, viscidus, inodorus. Spatio unius mensis tumor jam dimidio minor fuit & mollis, continuavit autem ex utero prodire mucus. Observabatur tunc, quod mucus prodiens magnum subinde circa uterum & pudenda ardorem excitaverit.

Mense secundo fere elapso nil amplius tactu poterat distingui, foemina nil conquerebatur, & potuit in omne latus decumbere. Muci fluxus ex utero fuit minus copiosus, & materies longe tenuior. Intra paucos dein dies penitus cessavit, & foemina videbatur sanissima. Nihilominus feci, adhuc continuaret per quatuordecim dies Cicutam, ne aliquid remaneret, quod fors recidivæ ansam præberet.

#### *CASUS VIGESIMUS TERTIUS.*

**I**nfans, trium annorum, pessima rachitide labilis, facie & toto corpore tumet, & est debilis. Tentatis multis remedii, quæ alias in hoc morbo salutaria sunt, nil profui, unde infanti Cicutam dedi.

Incipiebam a grano uno mane, & uno vesperi. Quarto die jam quatuor grana per diem exhibui, infans cœpit melius appetere. Octavo die dedi sex grana per diem, & infans videbatur robustior, pedibus sese sustinuit. Dosing tunc non amplius auxi, quoniam omnia quotidie meliora facta sunt, & infans alias morosus, piger, meticulosus, spatio unius mensis erat agilis, jucundus, & optime comedit, & tumor articulorum ad minimum duor. tert. minor fuit. Color faciei cacheticus in naturalem & rubicantem transivit.

Tertio mense fere finito, infans optime sanus fuit, solus ambulavit, bene dormivit, fiebat pinguis, & post curationem omnia vestimenta erant ei

ei nimis angusta & brevia. Hinc usū Cicutæ infans multum increvit, nec unquam malum symptomā observatum est.

*CASUS VIGESIMUS QUARTUS.*

**P**Uella, quatuor annorum, rachitica, a tribus mensibus utitur Cicuta, & jam fere curata est.

*CASUS VIGESIMUS QUINTUS.*

**V**irgo, octodecim annorum, jam a quatriennio post meridiem semper vomuit omnia fere ingesta, unde fiebat cacheotica, & fere contabuit. Remedia ab aliis Medicis, & a me data, levamen quidem subinde attulerunt; verum post paucos dies idem malum revertebatur. Ægra dolorem & pondus in epigastrio conquerebatur, tamen percipiebatur quædam tensio, nulla autem durities.

Tentavi tamen Cicutam, & spatio quatuordecim dierum vomitus fuit minus frequens, auctæ sunt vires. Tertia septimana jam vomitus penitus cessavit; verum oriebantur post meridiem anxietates, & noctes fiebant inquietæ. Dedi tunc haustum purgantem. Ægra magnum inde levamen habuit. Postea iterum continuavi Cicutam, & sub finem mensis secundi aderat optima sanitas, aderant vires optimæ. Menses, qui alias pauci erant, inceperuntque semper cum multo dolore ad os sacrum & in ventre, nunc copiose & liberrime fluxerunt.

*CASUS VIGESIMUS SEXTUS.*

**F**oemina, 23. annorum, ingentem tumorem lymphaticum circa totum genu dextrum habuit. Nec fomenta usitata, nec emplastra, nec unguenta, nec remedia interna profuerunt. Solo autem usū Cicutæ, interno externoque, intra sex septimanas totus tumor dispulsus est.

Bis hoc tempore datum est purgans. Cicutæ in hac fœmina copiosissimam urinam promovit.

*CÆSUS VIGESIMUS SEPTIMUS.*

**O**perarius, qui ab anni fere spatio cataractam in oculo sinistro habuit, solo usu Cicutæ & decocto radicis bardanæ spatio trium & dimidii mensium curatus est. Omni decimo quarto die datum fuit purgans. Per sex septimanias quotidie drachmam unam & dimidiā extracti Cicutæ assumpsit; ultimo autem mense drachmas duas.

Usu Cicutæ hicce homo non tantum visum recuperavit integerrimum; verum & longe robustior factus est, & liberabatur simul a suis doloribus rheumaticis, quibus per totum corpus jam ab octo annis ad omnem temporis mutationem excruciatbatur.

*CÆSUS VIGESIMUS OCTAVUS.*

**V**irgo, 25. annorum, post morbum acutum subito privatur visu, & afficitur vera amarosi. Vidi sœpiissime mercurium sublimatum in spiritu frumenti solutum præter decocta resolventia simili in casu profuisse. Hunc igitur huic ægræ præbui, ejusque usum satis largum per duos fere menses continuavi; verum fructum inde nullum adverti.

Quoniam vero observavi sœpius, Cicutam ibi penetrare, ubi sublimatus non potest, hanc vocavi in usum. Statim a scrupulo, seu viginti granis per diem incepi. Post tres septimanas frequentes vertigines & scintillationes ægra conquerebatur, & sibi videbatur quandoque lucem & colores distinguere. Verum lucida talia intervalla mox iterum evanuerunt, & caput inde factum est vertiginosum. Dedi tunc purgans.

Verus finem secundi mensis ægra jam obscure potuit quædam videre, neque a scintillatione, neque

que a vertigine adeo frequenter afficiebatur. Sub initium tertii mensis jam duas drachmas quotidie de extracto Cicutæ absumpsit, & visus fiebat multo melior. Hac dosi in quintum mensem ægra continuavit, & tunc potuit omnia videre, distinguere.

Quamvis larga dosi & longo tempore sumpserit Cicutam, nil unquam inde mali conquesta est, immo augebatur appetitus; increverunt vires, & omnes actiones, alias languidæ, restaurabantur. Menses debito tempore, & debita copia semper habuit.

*CASUS VIGESIMUS NONUS.*

**V**IIR, quinquagenarius, a trigesimo septimo ætatis suæ anno podagra laboravit, tophi inde non tantum circa pedum articulationes, verum & in manibus & circa genua orti sunt, & materies calcaria partes vicinas arrosit, pedum manuumque motus erat admodum difficilis, & genua penitus rigida, ad omnes aeris tempestatisque mutationes dirissimi dolores has partes occuparunt, & cogebatur tunc per plures dies æger lecto inhærere. Nec balnea, nec remedia interna externave, quibus æger hucusque utebatur, profuere.

Dedi Cicutam & serum lactis, externe nil applicui. Spatio quinque septimanarum & omnes tophi soluti sunt, & rediit membris mobilitas, nec aeris mutatio magnos dolores amplius produxit. Feci tamen æger adhuc mediocri dosi Cicutam per aliquot septimanas continuaret, & copiosum hauriret serum lactis.

Dissipatis autem tophis & materia podagræ, conquerebatur per plures dies ingratam, & ad minimum motum valde dolentem sensibilitatem circa articulos & loca, quæ a materie cretacea & tophis alias obsidebantur. Jussi igitur, quoniam

E tem-

tempus vernale erat, ut balnea Rodaunensia adi-  
ret. Rediit inde pinguis, totus quadratus, robu-  
stus, sanus, & omnem aeris injuriam citra dolo-  
rem tulit.

*CASUS TRIGESIMUS.*

**F**oemina, sexagenaria, a viginti aliquot an-  
nis pessima podagra afficiebatur, quæ sensim  
per totum corpus dispersa fuit, & occupavit om-  
nes articulos excitavitque tophos & cretaceos tu-  
mores. Nunquam hæc ægra per integras quatuor  
septimanas a dolore libera fuit, isque fuit semper  
tantus, ut ægra nec pedem nec manum potuerit  
movere, nec cibos ori adferre, sæpius præ nimia  
doloris acerbitate sibi mortem optavit.

Dedi Cicutam & infusum florum sambuci, &  
quarta septimana, qua his utebatur, non tantum  
potuit ambulare in cubili, sed exivit extra do-  
mum, & alios invisit. Brevi dein omnes tophi &  
tumores dissipati sunt integre; manus antea ob-  
tumores cretaceos difformes, jam erant iterum te-  
nerrimæ, molles, naturales, pulchræ. Vires au-  
ctæ sunt, & omnes actiones restauratæ.

Nonus mensis jam fere finitus est, quo hæc fœ-  
mina ab omni dolore immunis & sana vivit.

*CASUS TRIGESIMUS PRIMUS.*

**V**ir, quadragenarius, ab octo annis semper  
tempore verno & autumnali circa pedum  
articulos advertit tumorem durum, & adeo do-  
lentem, ut orta esset febris, & æger debuerit le-  
cto decumbere. Lecti tamen tempore & remediis  
diluentibus spatio quatuordecim dierum vel quan-  
doque trium septimanarum morbus totus iterum  
dissipatus est, & vir sanus potuit dein labores suos  
perficere.

Tempore verno 1760. quo dolores circa pedum  
articulos iterum debuissent oriri, advertebatur le-  
vis

vis tantum & obtusa tensio, æger sibi suum morbum imminere creditit. Verum hæc tensio altero die disparuit subito, & tunc dolor acute punctoriis pleuram sinistram occupavit, finxitque morbum vere inflammatorium. Iteratæ venæ sectiones & remedia in hisce morbis usitata febris quidem impetum diminuerunt, verum dolor mansit æque vivus. Sanguis e vena missus semper gessit cruxlam crassam, mucosam, tenacem, variegatam. Epipastica, vesicantia, aliaque pedibus applicata, ut dolorem a thorace versus loca consueta revellerent, nil juverunt. Febris tandem penitus desit, licet dolor manserit continuus & vehemens.

Quoniam autem consideratis omnibus symptomatibus constabat morbum hunc adeo pertinacem a materie, quæ alias pedes invasit, productum fuisse, & quoniam multiplici experientia didici in similibus morbis ad dissolvendam materiem serofsam, acrem, spissam, tenacem, Cicutam multum valere, eam tunc adhibui præter decoctum saturatum radicis althææ. Externe nec ad pedes, nec ad locum dolentem quidquam applicui.

Tertio die minuebatur dolor punctoriis, & articuli pedum sudarunt, & afficiebantur obtuso dolore. Quinto die cœpit æger sputa reddere, & dolor fuit longe mitior, circa pedum articulos autem nec dolor nec tumor advertebatur. Duodecimo die æger jam lectum deseruit, & vix amplius sensit dolorem, sputa glutinosa continuarunt copiose prodire.

Decimo tertio die nox fuit anxia, æger fuit debilis, & occupavit ingens dolor dilacerans totum ejus corpus, & omnia membra; tandem sequebatur sudor tenax, fœtidus, largus, & postero mane æger optime habuit, fuit agilis, appetiit, & vires erant bonæ. Infuso florum sambuci,

quod fero lactis parabatur, & parva Cicutæ dosi, ut per tres adhuc septimanas hicce vir uteretur, suasi; rediit dein ad me saniissimus, robustus, vegetus, & egit gratias.

## CASUS TRIGESIMUS SECUNDUS.

**F**oemina, 23. annorum, a quadriennio in utramque mamma durum & pugno viri majorem tumorem gessit, nec unquam his in partibus sensit dolorem. Ante decem menses nupsit & grava facta est. Quarto graviditatis mense intumuerunt ambæ mammæ, dolor in iis magnus oriebatur, & color naturalis in profunde rubrum abiit. Omnes, qui has mammas viderunt, optimæ fœminæ cancrum pessimum præ sagiebant.

Tandem me accessit, horrui ab initio & nolui dare Cicutam, quoniam eam in gravidis nondum tentavi. Verum tamen, quum & innumeris experimentis novi, nullas inde in corpore turbas excitari, & infantes Cicutam impune ferre, incipi a leni dosi. Brevi magnus sequebatur effetus, prodiit urina crassa, albicans, mucosa flocculenta.

Quarto die jam mammarum color fuit naturalis, tumor minor, mollior. Auxi dein Cicutæ dosi & spatio unius mensis jam drachmam dimidiā quotidie dedi, nec dein opus fuit, ut plus darem, nam quotidie magna in melius mutatio observabatur, & octavo graviditatis mense mammæ ambæ fuerunt penitus naturales.

Sub usu Cicutæ hæc fœmina longe sanior fuit quam antea, liberata est a frequenti vomitu & a continua cephalalgia, quibus ante usum Cicutæ multum vexabatur. Nullam in hac grava fœmina turbationem observavi. Albus prodiit quotidie naturalis, urina fluxit longe copiosior, flocculenta, mucosa, tunc autem minus copiosa prodidit

) ( CASUS TRIGESIMUS TERTIUS . ) ( 69

diit , & habuit colorem penitus naturalem , dum  
mammarum tumores erant dispulsi , licet adhuc  
per aliquot dies Cicutæ sat fortis dosis fuisset data .

CASUS TRIGESIMUS TERTIUS .

**V**irgo , 24 annorum , toto corpore , præser-  
tim vero circa articulos , feroſo , ſubflavo  
tumore erat inflata . Integro quinquennio ea om-  
nia adhibuit , quæ artis medicæ magistri conſu-  
luerunt ; nil tamen inde levaminis percepit , im-  
mo vires diminutæ ſunt , oriebatur ſicca tufſicula ,  
& membra omnia fiebant immobilia . Ego quoque  
diverſa remedia incassum in hac ægra tentavi .

Demum eam uſu Cicutæ & fero lactis intra  
mensis ſpatium ſanavi . Statim in principio Cicu-  
ta excitavit magnum appetitum , dein promovit  
urinam admodum copioſam , ſubviridem , cum fe-  
dimento crasso , tenaci , glutinoſo . Tumor per to-  
tum habitum corporis jam duodecimo die abfuit ;  
ille vero circa articulos fuit paulo pertinacior .

Hæc ægra purgante opus non habuit ; etenim  
a Cicutæ bis quotidie ſolvebatur alvus .

CASUS TRIGESIMUS QUARTUS .

**V**IR , quadraginta ſeptem annorum , a ſequi  
anno tumorem durum , ſcirrhoſum , pugno  
virili majorem in ſcroto gessit . Testiculi ambo  
erant immunes , fani .

Tumor hicce a gonorrhœa , ſubito per injectio-  
nem adstringentem ſuppreſſa , originem habuit .  
Remedia mercurialia fortissima , ipsa ſalivatio ,  
decocta antivenerea , fomenta externa & empla-  
ſtra nil proſrus juverunt . Hæc dum vidi , Cicu-  
tam dedi , & copioſum decoctum radicis bardanæ .

Quamvis autem jam vigefimo die integrum  
drachmam quotidie cœperit æger abſumere , nul-  
la tamen in tumor mutatio adhuc obſervata fuit .

Trigesimo dię dedi drachmam unam cum dimi-

## 70 ) CAPUT SECUNDUM. )

dia de extracto Cicutæ. Trigesimo tertio die mollar erat tumor, & æger bene se habuit.

Trigesimo sexto die dedi purgans mercurio dulci mistum. Quadragesimo die æger jam assumisit drachmas duas de extracto Cicutæ quotidie, & tumor fuit minor. Hac dosi interponendo omni decimo quarto die lene purgans mercuriale in quintum mensem continuavi, & tunc erat tumor penitus dissolutus, & homo integre sanus.

## CASUS TRIGESIMUS QUINTUS.

**J**Uvenis, 19. annorum, lue venerea pessime erat exulceratus per totum corpus, ossa utriusque tibiæ erant profunde cariosa. Remedia antivenerea cujuscumque generis nocuerunt, & vires debilitatæ sunt, & jam aderat summa macies.

Dum hicce æger meæ curæ traditus fuit, mihi omnes curandi methodos exposuit: dubitavi, an fors recta dosi & debitissimæ cautelis remedia antivenerea fuissent administrata. Varia igitur iterum tentavi; verum actum egi.

Dominus *Haffner*, optimus mei Nosocomii Chirurgus, & ego tunc conclusimus tentare Cicutam. Externe igitur ulcera & loca cariosa linteis carpatis fomento Cicutæ madidis diligata fuerunt; interne datum est extractum Cicutæ & largum decoctum radicis bardanæ cum tertia parte lactis. Intra paucos dies magna in melius mutatio contigit, & vires increverunt.

Sub finem secundi mensis jam omne cariosum erat optime separatum, & ulcera plura obducabantur firmissima cicatrice. Dolores, qui ægrum tota nocte atrocissime divexarunt, jam siluere penitus. Finito tertio mense, optima videbatur adesse sanitas; nulli observabantur dolores; vires erant bonæ. Mediocris Cicutæ dosis ad curandum hunc

per-

( CASUS TRIGESIMUS SEXTUS . ) ( 71

pertinacissimum venereum morbum suffecit . Ma-  
xima dosis intra 24. horas fuit drachma una .

CASUS TRIGESIMUS SEXTUS .

JUvenis , tredecim annorum , tinea capitis pes-  
sima , & contra omnia remedia rebelli jam per  
quinque annos laboravit . Tandem dedi deco-  
ctum radicis lapathi acuti & extractum Cicutæ ,  
& totum caput bis quotidie decocto Cicutæ , quod  
laetè fiebat , curavi lavari . Hac ratione intra sex  
septimanas integre sanatus est .

Erat hicce juvenis antea pallidus , totus cache-  
eticus , macilentus , & inani tussi , ac continuo in  
pectore ardore afficiebatur . Hæc autem sympto-  
mata usu Cicutæ omnia evanuerunt .

CASUS TRIGESIMUS SEPTIMUS .

JUvenis , 16. annorum , fartor , scabie fœdissima  
ante biennium afficiebatur . Dato unico pur-  
gante remedio , mox unguenta adhibebantur ,  
quibus scabies retropulsa fuit . Nata est propterea  
anxia respiratio & tussis convulsiva . Tentata quæ-  
cumque parum profuerunt , & juvenis fere con-  
sumptus febre lenta , tandem fertur ad meum No-  
socomium .

Observavi særissime Cicutam in scabie cutanea  
maxime pertinaci mira præstitisse , experiri igitur  
quoque volui , quid in scabie retropulsa possit .  
Exhibui itaque saturatum decoctum radicis althææ  
& extractum Cicutæ , totumque corpus bis quoti-  
die feci lavari laetè tepido , in cuius libris qua-  
tuor uncia dimidia saponis veneti soluta fuit .

Post octo circiter dies per universum corpus  
oriebatur pruritus admodum ingratus , & proru-  
perunt pustulæ rubicantes , acri humore repletæ .  
Respiratio tunc facilior fuit , & tussis minus fre-  
quens , & æger noctu jam tranquille dormivit ,  
& cœpit sputum glutinosum prodire . Quamvis

totum corpus similibus pustulis fuerit obsitum ;  
jussi tamen bis quotidie lavaretur.

Circa decimum diem multæ tales pustulæ ite-  
rum evanuerunt , aliæ autem ruptæ sunt , & fu-  
derunt serum acre , & nascebatur crux fusca , sca-  
bra , rediitque scabies talis , quali ante biennium  
æger laboravit .

Capitis pars capillata quoque exulcerata est :  
Tunc æger liberrime respiravit , sputa copiosa re-  
jecit ; febris lenta penitus desit , & auctæ sunt  
vires . Drachmam dimidiam extracti Cicutæ tunc  
per diem exhibui ; & quoniam vidi hanc dosin  
sufficere , nolui amplius eam augere . Corpus to-  
tum bis quotidie lacte & sapone veneto lotum est .

Vigesimo die æger sat bene se habuit ; verum  
sputa prodibant minus copiosa , licet in pectore  
audiretur strepitus materiæ mobilis . Hinc loco de-  
cocti radicis bardanæ tunc dedi infusum stipitum  
dulco-amaræ . Hoc infuso , & extracto Cicutæ &  
lotione externa , sedulo continuata , non tantum  
pectus ab omni acri & glutinoso liberatum fuit ,  
sed & scabies foedissima , quæ sub usu Cicutæ re-  
nascebatur , intra binos fere menses integre cura-  
ta est , & juvenis optimam sanitatem obtinuit .

Hi sunt præcipui casus , quos ex mea propria  
experientia adducere volui . Nimis longus , & for-  
san tœdiosus forem lectoribus , si plures adhuc ca-  
sus enarrarem .

Scrophulosos , strumososque fere innumeros sola  
Cicuta curavi .

Vidi fœminas toto corpore optime formatas ,  
habentes faciem pulcherrima imagine pulchriorem ,  
verum glandula thyroidea iis dura fuit , & solito  
longe major ; hinc habebant vitium , quod in ho-  
minum oculis maximam venustatis lucem obscu-  
ravit . Talibus plerumque Cicuta profuit , dum  
tu-

tumor ab obstructione vel infarctione ortus erat.

Leviores in mammis , sub axillis , in inguinalibus , in vagina uteri , & ipso utero scirrhos sola Cicuta solutos hic non memoro.

Obstructiones indurationesque hypochondriorum , atque varios in diversa abdominis regione tumores hoc unico remedio vix non semper dissipavi.

Fœmina , sexaginta aliquot annorum , a sexdecim annis ultra viginti tumores durissimos , quorum quilibet magnitudine ovum anserinum æquavit , per totum abdomen dispersos habuit . Diversa remedia nil juverunt , & malum sensim adeo increvit , ut urina fuerit suppressa , & ut catheter debuerit applicari sæpius . Sumpta Cicuta , liberlime prodiit urina , auctus est appetitus , & redierunt vires . Immo quidam tumores emolliti sunt , & exstillauit multa materies purulenta ex utero . Si ægra abstinet per aliquot dies a Cicuta , mox tenditur venter , retineturque urina , & mala oriuntur symptomata . Quo autem major materiei per uterum copia fluit , eo moliores & minores fiunt quidam tumores , quidam vero immutati perstant . Ingens levamen hæc fœmina a Cicuta habet , & si continuet , fors integre curabitur . Nec timeo suppurationem , quæ lethalem tympanitidem adferret : quoniam materies soluta invenit exitum per uterum , neque ulla adsunt resorptionis signa , quæ febrem depascentem minitarentur .

In cardialgiis chronicis optimo cum successu perfrequenter dedi Cicutam , & sistebatur brevi omnis ardor , dolor , omnis vomendi conatus ; & homines languidi ac emaciati sub usu Cicutæ optimas recuperarunt vires , & pinguescebant .

Cessarunt quoque inveteratæ cephalalgiæ , aut hemicrañiæ annosæ .

Dum

Dum observavi circa sistema renale vel uterinum esse obstrunctiones , aut seri acri & tenacis stagnationes , dedi Cicutam , & vidi fere semper menses inde copiosiores fuisse , & prodiisse sanguinem magis sanum , cessasse diros illos dolores colicos , anxios vomendi conatus , vel & vomitus æruginosos , dissipatas esse tensiones dolentes in inguinibus & ad os sacrum , nec rediisse amplius capitis dolores , caligines aut vertigines.

Habui binas fœminas , quæ dirissimis symptomatibus afficiebantur semper circa tempus menstruum , & utebantur jam per plures annos marito , nunquam tamen potuerunt concipere. Sumpta Cicuta , non tantum ab his malis integre liberabantur , sed & fiebant longe alacriores , & ambæ impregnatæ sunt.

Quid jam amabilis fœmineus sexus ultra a Cicuta petit ?

Phthisin scrophularem sola Cicuta & lacte sæpius curavi ; eumdem successum a Cicuta habui in chronicis & pertinacissimis anginis ulcerosis , pustulosis , scorbuticis , serosis , aut ab acri quadam fluxione ortis .

In plurimis morbis desperatis , in quibus vidi remedia optima , continuo usu & longo tempore adhibita , nil profuisse , tentavi Cicutam , & hac sæpenumero salutem adtuli .

Hydrops , ab induratione viscerum abdominallium ortus , sæpe soli Cicutæ cessit ; sæpe & alia remedia simul requirebantur , sæpe tamen nequam poterat curari .

Annosam arthritidem , inveteratos rheumatismos , spinam ventosam , luem venereum , surditatem , melancholiam tristissimam ( a materie ) scabiem , tineam capitis , serpiginem pessimam , ulcera fœdissima , sinus & fistulas maxime perti-

na-

naces sola Cicuta plerumque feliciter debellavi,  
fanavi.

Obtigerunt tamen & mihi casus, in quibus Ci-  
cuta non profuit, usū quamvis longo & larga  
dosi adhibita.

Virgo, 20. annorum, ob tumorem, pugno vi-  
rili majorem, ex bucca sinistra ortum, & cum  
maxilla inferiore firmissime concretum, ultra di-  
midium annum Cicutæ extractum magna dosi  
quotidie assumpsit, & inde nullum habuit leva-  
men, unde pertæsa abstinuit.

Alia virgo, 25. annorum, tumorem ingentem  
& nigricantem in latere colli dextro a multis an-  
nis habuit. Tentavi Cicutam, verum mox orie-  
batur febris, & ægra fiebat debilis. Alia tamen  
remedia contra hunc tumorem exhibita, & exter-  
ne applicata nil quoque juverunt. Hinc Dominus  
*Collin* & ego diversa sub forma & minima dosi,  
& additis aliis medicamentis, Cicutam denuo in  
hoc subje<sup>c</sup>to voluimus experiri; verum priora mox  
iterum symptomata orta sunt, & ægra ex usū  
Cicutæ, quamvis maxime limitato, languit, &  
angebatur. Unde tumor sibi erat relinquendus.

Fœmina, 42. annorum, in mamma dextra scir-  
rhum admodum dolentem a sex mensibus adver-  
tit, ab eo nimirum tempore, quo cœpit menstruo  
fluxu carere. Chirurgus pro fomento externo sua-  
det fœces vini in vino coctas. Intra biduum scir-  
rus fuit longe major, durior, cutis livuit. Dein  
rupta est epidermis, & acre, fœtidumque serum  
transfudavit. Per plures dein septimanas varii Chi-  
rurgi & Medici varia tentarunt; verum morbus  
semper fiebat pejor; ægra conquerebatur siccum  
tussiculam, & ardorem in pectori, incipiebat no-  
ctu sudare, emaciari. Tandem ego, in consilium  
vocatus, suasi Cicutam, decoctum hordei crudi,

&

& copiosum lac. Vires inde auctæ sunt, cessavit sudor nocturnus, rediitque appetitus, & mammæ color siebat rutilus, & durities minor. Per binos fere menses spes erat optima curandi hanc fœminam. Dein, nescio quo casu, subito orta est tussis, quæ adeo violenta fuit, ut sanguis sputo prodierit. Hinc debebam a Cicuta abstinere, & ægra tandem phthisi consumpta est.

Alia fœmina, cancro aperto laborans in mamma dextra ex usu Cicutæ melius habuit, & durities exulcerata erat ad minimum duor. tert. minor. Verum supervenit febris tertiana, quæ vires omnes prostravit. Cicutam tunc illico removi, & larga manu dedi corticem peruvianum. Febris sugata est; redierunt vires, & ex usu corticis peruviani omnia videbantur meliora. Hinc corticem per binas septimanas adhuc continuavi. Accessit autem tunc asthma glutinosum, quo hæc ægra jam ante tres annos laboravit; sputa nulla prodierunt; hinc suffocata obiit.

Vir septuagenario major, prehenditur apoplexia, unde brachium sinistrum & pes ejusdem lateris paralysi afficiebantur. Magna simul tussi hice æger laboravit, & habuit in latere colli dextro tumorem, binis pugnis majorem, sarcomatosum. Dum Medici & Chirurgi plurima medicamenta sine effectu per multos menses adhibuerunt, relinquebant tandem fatis hunc miserum. Et tunc ægrotantis uxor me rogavit, ut accedere. Vidi ægrum senectute & morbo fere consumptum, difficulter respirantem, reddentemque sputa pauca, difficilia, glutinosa, tumor colli erat durus, lividus, purpureus, & in eo rosit continuus dolor. Malam statim prognosin uxori dedi, & nil promisi, blando tamen sermone tristem senem erexit, præscripsique remedia, quæ levamen essent al-

latu-

latura. Prodiit sputum copiosum, & pectus siebat magis liberum; vires paulisper augebantur. In tumore autem mansit dolor continuus, & augebatur ejus moles. Hinc ipse æger institit multis precibus, ut Cicutam contra hunc tumorem tentarem. Novi, Cicutam etiam debilissimis senibus nequaquam nocere; dedi igitur mane & vesperi grana duo; præterea autem continuavi remedia, quæ pectus a sputo liberarent. Mirus advertebatur Cicutæ effectus; sputa prodibant copiosa, & magis cocta, & spatio paucorum dierum in partibus paralyticis major motus, & sensibilitas advertebatur; in tumore dolor est multo imminutus, nec amplius fuit continuus, sed tantum per vices rediit; vires autem auctæ non sunt, & appetitus mansit deletus. Dosis Cicutæ non auxi. Mense circiter elapso tumor videbatur mollior, reliqua autem erant in priori statu, & æger nil fere nutrimenti assumpfit. Nihilominus eum in quartum mensem conservavi; dein vero omnes vires ex defectu nutrimenti conciderunt, & intra octo dies miser extinguebatur.

Aliquoties dedi Cicutam in cataracta, & longo usu & forti dosi tandem profui; plures autem nullum inde in hoc morbo effectum observavi.

Circa uteri ulcera癌rofosa quatuor habui fœminas, quas Cicuta optime sanavi; plures alias habui, quibus Cicuta per aliquod tempus adulit levamen, verum eas nequaquam restituit.

Aliis hoc morbo laborantibus Cicuta plane non profuit, & fuerant quædam, quæ hoc remedium non poterant ferre, conquerentes inde majores doles, virium dejectionem, & fluxum ichoris magis fœtidum, acriorem, copiosiorem.

An propterea Cicuta proscribenda? similibus in casibus non debet dari usu continuato? Hæc oportuit

tuit candide & sincere hicce loci adnotare , ne quis posset oggerere , me velle meris Cicutæ laudibus mundo litterato imponere .

## C A P U T III.

*Nunc quedam aliorum Medicorum observata  
referam , convenit .*

**E**Ruditissimus Petrus ab *Armis* , Medicus Tridentinus , in humanissima sua epistola , quam mense Augusto 1760. ad me dedit , sequentia habet :

„ Interim per me tibi gratias agit ingeniosissima puella , quam tuo ductu Cicuta tua a scirrho in mamma sinistra felicissime curavi .

Celeberrimus *Josephus Baader* , Medicinæ Professor Friburgensis circa Cicutam hæc scribit : „ ope Cicutæ , quam jam officinalem hic feci , intra septem hebdomadas perfectum & apertum „ carcinoma mammæ in fœmina sanavi .

„ Scirrhi illi sublinquales admodum dolentes in „ alia fœmina , de qua jam alia occasione men- „ tionem feci , ita modo se habent , ut ex latere „ sinistro vix vestigium amplius adsit , ex dextro „ vero latere scirrhus multo minor sit , parumque „ jam doleat , licet per quatuordecim annos eum- „ dem jam mulier senserit .

„ Scirrum aliud in collo , quem juvenis jam „ per decem & ultra annos ad omnia remedia re- „ bellem gessit , intra quinque menses usu extra- „ eti & fomenti de Cicuta resolvi .

Celeberrimus *Martinus van der Belen* Medicinæ Pro-

Professor Primarius in Alma Universitate Lovaniensi &c.

„ quamvis autem eæ, quæ in tuo libro exponuntur, observationes certam fidem satis evincant, „ tibi non displiciturum autumo, si & successum „ curæ, quam cum Cicuta institui, breviter comunicavero.

„ Quadraginta annorum virgo ante tres circiter annos, citra causam externam sensibilem, „ scirrho in mamma sinistra corripitur, cui initio nihil opposuit: postea vero varia, quæ ab apericulis commendabantur, remedia applicuit, „ donec magis aucto tumore, & incremente inde dies doloris vehementia mense Mayo 1760. chirurgum advocaverit, qui mali imperitus ad matutandum tumorem ter de die cataplasma imponere jussit, eo quidem effectu, ut jam omnia celerius in pejus ruerent.

„ Interim nullo capto consilio ad aperturam tumoris nefando ausu processit, ex quo malignitas aucta est, & sanguinis profluvium aliquoties accessit.

„ Tandem mense Julio accersitus vidi, horrendo spectaculo carcinoma ingentis adeo voluminis latus sinistrum occupare, ut a clavicula ad ultimam costam veram, & a sterni margine usque ultra costarum maximam curvaturam extenderetur, subiectis totum accretum.

„ Varicosæ venæ in superficie digitum fere latæ spectabantur, vasaque arteriosa eum in modum dilatata erant, ut singulis pulsibus sibi commissa ponderosissima tumoris moles tota elevaretur.

„ Debilis cæterum & emaciata ægra febre continua hectica laborabat, catameniis tamen suo tempore, ut semper ante factum fuerat, rite fluentibus.

„ In

„ In hoc rerum statu spem unicam in Cicuta  
 „ posui , quam ad tui præscripti normam , sensim  
 „ aucta dosi , ita præbui , ut ægra in dies xxiv.  
 „ pillulas granorum duorum assumèret , imposito  
 „ simul cataplasmate ex antisepticis & Cicuta ad  
 „ pondus omnium .

„ Quo factum est , ut post aliquot septimanas  
 „ tumoris tota massa gangrænosa evaserit , adeo ,  
 „ ut eam iterata sectione auferre oportuerit , cu-  
 „ te , quousque affecta non fuerat , servata .

„ Subjecta sana apparuerunt , jamque pure dis-  
 „ creta fuerant , in quo tamen odor , qualis a gan-  
 „ grænoso tabo spirare solet .

„ Itaque digestiva cum antisepticis superponen-  
 „ da , pilulas ex Cicuta , minuta tamen dosi , con-  
 „ tinuandas , simulque tres corticis peruviani dra-  
 „ chmas singulo die præbendas jussi .

„ Brevi omnia spem feliciter absolvendæ cura-  
 „ tionis fecerunt , tumque solis externis præsidiis  
 „ ulcus eousque coaluit , ut minima saltem aper-  
 „ tura , dum hæc scribo supersit , nullaque sub to-  
 „ to curationis tempore fungosa propululaverit  
 „ caro , adeo , ut de integerrima sanatione secu-  
 „ ra videatur , jamque pristina officia resumpse-  
 „ rit &c.

Summas celeberrimo ac eruditissimo huic Pro-  
 fessori gratias hic publice ago , quod casum adeo  
 pulchrum mihi communicare voluerit . Etenim ex  
 tota hujus morbi historia nos omnes optime do-  
 cemur , qua methodo artem nostram exerceri oport-  
 eat . Nam patet inde : non uni semper remedio  
 esse fidendum , sed debere quandoque alia simul  
 tum externa , tum interna vocari in usum , de-  
 bere quandoque quædam demi , & alia addi , ut  
 optatus eveniat effectus . Atque ideo ars jubet , Me-  
 dicum esse rationalem . Quandoque instrumenta  
 chirurgica in usum vocanda sunt .

Do-

Doctissimus castrensis Medicus Dominus Johannes *Kollman* mihi hæc retulit :

„ Cæterum non possum satis laudare virtutes  
 „ extracti Cicutæ. Habui inter meos ægros mi-  
 „ litem , qui in hypochondrio sinistro ingentem  
 „ tumorem, admodum durum, gravantem , do-  
 „ lentemque a longo tempore gessit. Demum in-  
 „ cepit ingesta omnia vomitu reddere, sensitque  
 „ continuum & acutum dolorem , & emaciaba-  
 „ tur. Pulfum habuit febrilem, elevatum , & pro-  
 „ terea illico venam secari jussi, externe applicui  
 „ cataplasmata emollientissima , injeci enemata  
 „ oleosa , & præscripsi decocta resolventia , nitro-  
 „ fa, mellita , cum interpollatis paregoricis. Per  
 „ hæc saltem ulteriorem inflammationis progres-  
 „ sum impedivi , febrem mitigavi, dolorem mi-  
 „ nui ; tumor autem non minor, sed potius ma-  
 „ jor duriorque factus est.

„ Dedi igitur serum lactis cum multo sale po-  
 „ lychresto , & melle , atque pilulas ex sapone  
 „ veneto , & gummi ferulaceis. Sed diuturno usu  
 „ his quoque nil effectum fuit.

„ Tandem deveni ad extractum Cicutæ , quo  
 „ ad drachmas duas forma misturæ quotidie af-  
 „ sumpto , sensim minuebatur tumor , & post men-  
 „ sis spatium nec tantillum supererat , & æger  
 „ bellissime habuit, recuperavit vires , & firmam  
 „ sanitatem .

„ Omnes, qui mecum viderunt hunc ægrum ,  
 „ felicissimum curæ eventum , atque celerem &  
 „ fere inexpectatam Cicutæ efficaciam satis mi-  
 „ rari non potuerunt. Scirrhos inveteratos , & ad  
 „ omnia reliqua remedia rebelles , in diversis cor-  
 „ poris partibus sola Cicta , usu interno data ,  
 „ sæpiissime resolvi &c.

Clarissimus *Crampagna*, Consiliarius & Archia-  
 F ter

## 82 ( CAPUT TERTIUM. )

ter Serenissimi Lotharingiæ Ducis CAROLI, Bruxellis multa experimenta usu Cicutæ instituit, & fere semper felicem vidi effectum. Iter tamen, quod Viennam erat faciendum, virum hunc doctissimum impedivit, quo minus potuerit ipse omnium curationum exitum exspectare. Unde, propria sua humanitate, sequentes casus hic Vienæ mihi communicare est dignatus.

„ Fœmina, quadraginta quinque annorum, a „ longo tempore scirrho, qui ovum gallinaceum „ magnitudine æquabat, in mamma dextra labo- „ ravit. Remedia externa internaque ex consiliis „ medicorum ac chirurgorum applicata, nec mi- „ nimum præstiterunt effectum: tandem præscri- „ psi pilulas de Cicuta, & sensim dedi drachmam „ dimidiam quotidie, externe applicabatur cata- „ plasma ex Cicuta, & lacte paratum. Spatio „ trium septimanarum evanuerunt dolores, & scir- „ rhus in plures moleculas divisus est. Hoc in sta- „ tu reliqui ægram, quoniam Viennam debui pro- „ ficisci. Propter idem iter non poteram integre „ finire casum sequentem.

„ Fœmina, 50. annorum, venit ad me petitu- „ ra consilium contra cancrum apertum, quem „ in mamma dextra gerebat, & sub axilla ejus- „ dem lateris hæsit scirrhus, nuci juglandi par. „ Præscripsi statim pilulas & fomentum de Cicu- „ ta, scirrho sub axilla imposui emplastrum de „ Cicuta, & ulcus cancerosum deligabatur linteis „ carptis, decocto Cicutæ madidis.

„ Post quindecim dies, dum ægram vidi, mira- „ bar summopere celerem & ingentem mutatio- „ nem, quam inveniebam. Etenim ægra jam be- „ ne appetiit, tranquille dormivit, nec ullum am- „ plius dolorem percepit, & ipsa fatebatur spon- „ te, quod ex usu hujus remedii non tantum actio-

„ nes

„ nes omnes insurgant, & corpus suum vigorem recuperet, sed etiam, quod mens inde recreetur.  
 „ Scirrus sub axilla erat, jam perfecte solutus,  
 „ dissipatus. In ulcere cancroso optimum pus reperiebatur.

„ Usu pilularum de extracto Cicutæ, emplastro de Cicuta, frictione, & iterata applicatione vaporum aceti ad locum affectum integre dissipavi scirrum admodum magnum, & rebellem, quem virgo, 13. ann., circa aurem sinistram habuit.

„ Fœminæ, 30. ann., propter scirrum in mamma consului bis de die aceti vaporess applicaret, & dein imponeret emplastrum de Cicuta; pro usu interno præscripsi unciam unam extracti Cicutæ in pilulis, granorum duorum, ut ægra inde quotidie sumeret quindecim. Absumtis his pilulis, putavi alia adhuc dosi forsan opus esse; verum fœmina egit gratias, mihi que ostendit, se usu horum remediorum brevi temporis spatio esse integre sanatam.

„ Fœmina, 46. ann., cancrum apertum in mamma habuit, cuius progressum applicatione pulveris corticis peruviani jam aliquo tempore impedivi. Mamma præterea tota scirrhosa fuit, & pectori firmissime adhæsit.

„ Clarissimus *Manderlier* consiliarius & Archiater, collega meus, hanc ægram quoque vidit. Dedimus ei statim pilulas de Cicutâ, quas dominus *Manderlier* Viennæ accepit, super tota mamma posuimus cataplasma ex Cicuta, & ulti-  
 cus fecimus deligari linteis carptis, forti Cicutæ infuso madidis.

„ Post paucos dies videbamus optimam suppurationem, mammæ scirrus fuit multo minor, & ægra vix amplius sensit dolores. Dum Bru-

## 84 ) CAPUT TERTIUM. )(

„ xellis iter Viennam suscepi, vidi hanc fœminam in statu admodum bono, & omnia tenuerunt in sanationem.

„ Et doctissimus Archiater *Manderlier* nunc paucis abhinc diebus me litteris certiore reddidit, „ ulcus cancrosum optima cicatrice esse perfecte consolidatum, & mammæ tumorem scirrhosum & cancrosum integrè dissipatum.

„ Fœmina, 45. ann., me consuluit supra tumore ad costas spurias, qui pugnum virilem magnitudine superavit. Magna cum attentione huic tumorem examinavi, & manifeste observeavi: materiam in eo esse collectam. Præterea una ex his costis spuriis erat valde crassa, tumida, elevata. Boni effectus, quos ex *Cicutâ* saepius vidi me quoque determinaverunt, ut hoc remedium in hoc quoque casu tentaverim &c. Præscripsi præterea lenes frictiones, & bis quotidie aceti vapores applicui, dein tumorem emplastro de *Cicutâ* texi.

„ His vidi magna cum lætitia, id effectum esse, ut tumor disparuerit, & costa redierit ad statum naturalem &c.

„ Homo, quem alias remedii antiscorbuticis a pessimo scorbuto aliquoties curavi, nunc iterum in eundem morbum incidit. Remedia autem antiscorbutica nequaquam profuerunt, immo moribus semper altiores egit radices, & erat de hujus hominis vita timendum. Hoc in statu adhibebatur *Cicutæ* extractum, & æger ex pessimo morbo optime convaluit.

Dexterinius Dominus *Campon*, Consiliarius & Primus Chirurgus *Serenissimæ Ducis Lotharingiæ* binos casus mihi communicavit.

„ Homo, quinquagenarius, a sex annis habuit ulcus in interna & media cruris dextri parte.

„ Ad

„ Ad hoc ulcus curandum multi medici & chirurgi plurima artis auxilia tentarunt; ast æger „ nil omnino levaminis sensit. Tandem mense „ Martio 1760. me accessit petiturus consilium. „ Agnovi statim ulcus cancrosum esse.

„ Per tres menses varia interna, & externa re- „ media huic ægro præscripsi, & ego impsemet „ ulcus mundavi, deligavi. Verum omnis mea „ opera, quamvis exactissima & magna cum at- „ tentione sedulo applicata, incassum fuit. Ulce- „ ris labia manebant livida, callosa, fungosa, & „ venæ in toto ambitu varicosæ, & nulla omni- „ no in melius mutatio observata est. Arte igitur „ ulceris labia & totum fundum satis profunde „ abstuli, ut hac ratione fieret vulnus recens & „ purum, quod sola consolidatione opus haberet.

„ Verum hæc operatio æque parum profuit, ac „ omnia remedia huc usque tentata; nam prius „ malum, adhibita licet omni cautela, repulula- „ vit. Hoc ulcus jam pro incurabili habui, & mi- „ serum dimisissim fine ope, nisi tunc temporis mi- „ hi innotuisset, esse experimenta quædam Vien- „ næ edita, quæ demonstrabant, Cicutam in si- „ milibus casibus mira præstare.

„ Extractum igitur Cicutæ statim exhibui, id- „ que felicissimo cum successu. Etenim post pau- „ cos dies latus vidi, magnas & velocissimas in „ melius mutationes. Nec ullum malum sympto- „ ma supervenit, & ulcus cancrosum, antea adeo „ rebelle, spatio trium septimanarum perfectissi- „ me sanatum est. Antequam hic homo Cicuta „ esset usus, conquerebatur semper salivam sal- „ fam, acrem, erodentem; mox autem sub usu „ Cicutæ hicce sapor evanuit, & saliva erat in- „ sipida, naturalis.

„ Homo, triginta aliquot annorum, monstruo-

„ sum tumorem in collo habuit. Remedia tam  
 „ vegetabilia, quam mineralia penetrantissima nil  
 „ prorsus juverunt, quamvis longo tempore & usu  
 „ largissimo fuerint adhibita. Solum extractum Ci-  
 „ cutæ magna dosi interne datum tandem hunc  
 „ pertinacissimum tumorem emollivit, dissipavit.  
 „ Externe præter emplastrum de Cicuta nil ap-  
 „ positum est.

Clarissimus *Kaisin*, qui Leodii praxim medicam  
 summa cum laude exercet, in doctissima sua epi-  
 stola, ita ad me scribit.

„ Ego tuam methodum exacte fui secutus; a  
 „ parva dosi semper incepi, crederem affirmative  
 „ respondendum esse ad tuam quintam quæstio-  
 „ nem, quæ de remediis purgantibus ( an sub usu  
 „ Cicutæ convenient ) agit. Etenim fere omni  
 „ septimana dabam meis ægris purgans, & eis  
 „ conducebat.

„ Eadem phœnomena sub usu Cicutæ observa-  
 „ vi quæ descripsisti: vidi cutis colorem lividum  
 „ abiisse in rubrum, rubrum in naturalem: dolo-  
 „ res sub initium minuebantur, & tandem solo  
 „ Cicutæ usu cessabant penitus. Sanies pessima  
 „ convertebatur in pus bonum, durities scirrhosæ  
 „ dividebantur in molleculas, & dein insensibi-  
 „ liter fundebantur, subinde vero benigna suppu-  
 „ ratione consumptæ sunt.

„ Vir, septuaginta septem annorum, a trigin-  
 „ ta annis habuit duritiem indolentem in scroto;  
 „ hæc sensim augebatur, & supervenit hydroce-  
 „ le. Ego advocabar, & inveniebam symptomata,  
 „ quæ, considerata hujus viri ætate, mortem  
 „ minitabantur. Jussi tunc advocaretur Dominus  
 „ Falise, Chirurgus expertissimus, & conclusimus  
 „ statim dare Cicutam, & externe apponebamus  
 „ emplastrum de galbano. Spatio quindecim die-

„ rum

„ rum omnia in melius mutabantur : ægri facies  
 „ alias plumbea , nunc habuit colorem natura-  
 „ lem , auctæ sunt vires , & rediit appetitus , &  
 „ tumor scirrhosus incipiebat suppuratione solvi.

„ Nos nullam fecimus aperturam , donec spon-  
 „ te integumenta fuerunt rupta . Pus multum pro-  
 „ fluxit , aquæ autem reclusæ manebant . Unde  
 „ has punctione eduximus . Demum benigna sup-  
 „ puratione insensibiliter totus tumor consumeba-  
 „ tur , integumenta rupta concreverunt cum te-  
 „ sticulo recto .

„ Hicce vir , habita ratione suæ ætatis , perfe-  
 „ Æta nuc fruitur sanitatem . Erat autem a sua ju-  
 „ ventute nephriticis doloribus multum divexa-  
 „ tus ; ego ei jam per tredecim annos remedia ,  
 „ his in casibus usitata , præscripsi , & inde sat  
 „ commode vixit ; verum semper prodiit urinæ  
 „ loco merum pus , & mucus . Nunc autem post  
 „ usum Cicutæ urina prodit facile , & est peni-  
 „ tus naturalis , subinde tantum paucum purulen-  
 „ tum sedimen advertitur .

„ Videns , quod remedium nunquam sanitatem  
 „ turbaret , & cogitans apud me , dari quamdam  
 „ analogiam inter fistulas in aliis corporis parti-  
 „ bus , & inter eas , quæ circa anum sunt , sta-  
 „ tui Cicutam in fistula ani tentare .

„ Vir , 50. annorum , qui jam a quadriennio  
 „ hoc malo laborat , & cui jam dudum suasi ope-  
 „ rationem , quam vero neglexit , nunc a tribus  
 „ mensibus utitur Cicuta , & evanescunt dolores ,  
 „ & materiei fluxus multum minuitur .

Clarissimus Medicus Bruxellensis Joannes van  
 der Belen &c. hæc habet :

- - - - nunc audi , si placeat , quod plu-  
 „ ris est , quam omnia : in podagra plurimorum  
 „ pulcherrimos vidi effectus . Externe applicui her-

„ bam Cicutæ lacti incoctam , interne dedi Cicutæ extractum in quadam mistura dilutum , do-  
„ si satis larga .

„ Ope Cicutæ plurimos curavi scabiosos , sed  
„ cura semper admodum tarda fuit ; idem quo-  
„ que in rheumaticis mihi contigit .

„ Quoad cataractam incipientem in ambobus  
„ oculis , unicam fœminam rusticam habui , quam  
„ feliciter curavi . Verum hoc opus hic labor fuit ,  
„ ascendi usque ad drachmas sex extracti Cicutæ  
„ singulis viginti quatuor horis , ea scilicet con-  
„ ditione , ut larga manu superbiberet infusum  
„ summitatum euphragiæ cum seminibus fœnicu-  
„ li dulcis , & liquiritia . Hæc fœmina a vigesi-  
„ ma secunda Aprilis usque ad tertiam Novem-  
„ bris 1760. summis extracti Cicutæ uncias sexa-  
„ ginta octo .

„ In phthisi stupendam Cicutæ efficaciam fre-  
„ quenter observavi ; quosdam jam penitus despe-  
„ ratos extracto Cicutæ restitui .

„ Pessimis cachecticis , in quorum ventriculis  
„ nimia muci , & glutinis copia fecernebatur , ex-  
„ tractum Cicutæ , junctum cum elixiriis stoma-  
„ chicis , særissime profuit , ubi alia remedia , lon-  
„ go tempore adhibita , nil prorsus effecerunt .

Hermannus Gleisner , græcensis Physicus cele-  
berimus : - - - - en historiam Can-  
„ cri , a me Cicta percurati :

„ Vir , quadraginta aliquot annorum , tempe-  
„ ramenti cholerici , ab aliquo tempore glandulas  
„ inguinales tumidas , & dein dolentes gessit ; has  
„ barbitonsor audacter discidit , ex vulnere fluxit  
„ merus sanguis sine pure , oriebatur ingens do-  
„ lor , & applicatis variis corrosivis , multoque la-  
„ pide infernali fœdum evasit ulcus . Post inte-  
„ grum fere annum , & applicatis omnis generis  
„ me-

„ medicaminibus, æger miserrimus lecto jam continuo affixus meam tandem opem invocavit.

„ Vidi, ulcus occupare inguen dextrum, & deorsum versus orificium ani, sursum versus umbilicum exporrigi, aggredique jam scrotum & penem. Labia retorta, ichor cadaverosus, dolor ingens, frequens hæmorrhagia, & malum semper ulterius serpens, & ad omnia quæque media haec tenus rebelle, mihi cancrum accusabant. Consului desuper Dominum Buck, dexterum Chirurgum, obstetricumque hic loci magistrum, qui etiam ulcus primo intuitu carcinomaticum agnovit.

„ Dedi igitur Cicutam interne, externe, & viro adeo exhausto exhibui hydrogalactam pro potu ordinario. Primum erat, quod post aliquot dies pessimam nephytim abire, & tandem omnem locum ichoris vice pulcherrimo madere pure observaverim. Demum ad marginem labiorum ulceris nova exorta sunt ulcuscula, ipsa labia (quod aspectu mirum erat) sensim & sensim solvebantur, tota plaga ulceris magis & magis emolliebatur, & quasi fundebatur, usque dum conditionem fani vulneris induxit. Spatio quatuor mensium hoc ulcus perfecte sanatum est.

Diligentissimus ac expertissimus Dominus Kol-  
ler, Chirurgus, sequentem mihi epistolam ex Bohe-  
mia scripsit :

„ Fœminæ, 36. annor. anno circiter abhinc orie-  
batur in labio oris inferiore tuberculum, lentis  
magnitudine. Hoc tuberculum sensim augeba-  
tur, & tandem, dum nucem avellanam adæ-  
quavit, suppressibantur menses, & cutis circa  
tumorem fissa est, atque transfudavit continuo  
humor acer. Varia externe applicata sunt; ve-  
rum res semper in pejorem statum mutabatur.

„ Men-

„ Mense Novembri 1760. ægra ad me adducebatur: re bene considerata, vidi ulcus pessimum, „ cancrosum; inveni musculum orbicularem labii „ inferioris usque ad medietatem musculi mentalis seu quadrati exulceratione cancrosa consumptum. Uterque angulus oris, præsertim vero dexter jam erat ad pollicis latitudinem sat profunde exesus, corrosus. Fœdum erat & nauseosum, videre hoc turpissimum ulcus; ulceris autem labia undeaque fuerunt callosa, retorta.

„ De amputatione ferio apud me cogitavi; verum collatis omnibus, vidi vulnus inde oritum ingens, quod ob necessarium muscularum adjacentium motum nequaquam posset obduci cicatrice; aut si id cicatrice firmaretur, maneret cavum fœdissimum, nunquam reparandum. Omisi igitur operationem, & extractum Cicutæ sequenti ratione adhibui.

„ Dedi statim in principio quotidie triginta duo grana extracti Cicutæ, diluti in mistura. Et quamvis observaverim, jam primis octo diebus dolores multum diminutos fuisse, per integrum tamen mensem eadem extracti dosi continuavi. Externe applicui ad totum ulcus linteal carpta, sequenti remedio madida:

Rx. Extracti Cicutæ dr. ij.

solve in aquæ calcis primæ infusio-  
nis lib. j.

„ Ulcus hac ratione toties deligavi, quoties adverti, serum acre ex cancroso ulcere profluens jam penetrare linteal carpta. Sub initium necesse erat, ut & noctu aliquoties deligatio renovetur. Hoc idem remedium externum a principio ad finem usque curationis adhibui, ea tantum differentia, quod ultimo mense, dum vidi carnes recrevisse, ulcusque esse consolidationi

„ pro-

„ proximum, applicuerim id paulo levius sequen-  
„ ti modo:

Rx. Extracti Cicutæ dr. j.

Aquæ calcis secundæ infusionis lib. j.

„ Finito primo mense jam omnia erant in sta-  
„ tu longe meliori, salivæ profluvium, quod an-  
„ tea continuum & copiosum erat, jam vero de-  
„ siit, saniei loco aderat optimum pus, omne cal-  
„ losum sensim emollitum, & dissipatum est, &  
„ sanissimæ carnes undequaque recreverunt, ægra  
„ optime dormivit, bene appetiit, & quod ma-  
„ ximum, rediit fluxus menstruus.

„ Extracti Cicutæ dosin tunc diminui, & loco  
„ granorum triginta duorum, dedi tunc quotidie  
„ grana viginti quatuor, & hac quantitate ite-  
„ rum per integrum mensem continuavi. Tertio  
„ & ultimo curationis mense, quum omnia opti-  
„ me procederent, dedi tantum quotidie grana  
„ duodecim extracti Cicutæ, & hæc dosis ad per-  
„ fectam curationem suffecit.

„ Tempore curationis ægram quinques purga-  
„ vi remedio sequenti:

Rx. Pulv. rad. jalap. dr. ss.

Cremaor. tart. gr. x.

m. f. pulv. pro dosi.

„ Ab hoc remedio alvus semper quinques aut  
„ sexies mota fuit. Fœmina pauperrima erat;  
„ hinc facile patet, qualem diætam potuerit ob-  
„ servare; ea nimirum assumpsit, quæ ab aliis  
„ sponte ex misericordia offerebantur. Quemad-  
„ modum autem ante usum Cicutæ ob enormes  
„ continuosque dolores, & ob ingentem salivæ  
„ deperditionem, tota cachectica, emaciata, &  
„ fere consumpta fuit; ita e contrario post cura-  
„ tionem fuit pinguis, quadrata, firma, robusta.  
„ Et quod plurimum debemus admirari: omnes

„ par-

„ partes ulcere cancroso erosæ & consumptæ , integrum  
 „ gerrime recreverunt . Cicatrices circa utrumque  
 „ oris angulum adeo pulchræ , & naturales sunt ,  
 „ ut fere nihil observetur . Labium oris inferius  
 „ debitam altitudinem recuperavit , & ad superius  
 „ potest bene admoveri ; paulo tantum angustius  
 „ est , quam in statu naturali esse deberet .

Curatio hæc certe pulcherrima est , & chirurgus magnam meretur laudem ; etenim optimi chirurgi , & medici vices prudentissime implevit . Experientia , judicium & industria in arte medica & chirurgica plurimum valent .

Dominus Sebastianus *Kaim* , chirurgus , mihi communicavit casum puellæ quatuordecim annorum , quæ ulcerus cancrosum in latere sinistro habuit .

„ Hoc ulcerus ab aure usque ad medietatem mentis se extendit , & duos pollices serpsit infra mentum , versus superiora ultra os jugale ascendet . Horrendum erat , videre hoc ulcerus , etenim omnia erant putridissima sanie corrofa , & ad ossa usque exesa . Decocta diversissima , fomenta , & emplastra , ipsa remedia mercurialia & antimoniana nil profuerunt , & malum semper in latum & profundum repst . Data autem Cicta , & applicato ex eadem herba fomento externo perfecta curatio sequebatur .

Eruditissimus Georgius *Hasenohrl* , physicus soler- tissimus in nosocomio Hispanico militari - - -

„ Frequentem nactus occasionem experimenta faciendi in ægris , quorum curam gerebam in nosocomio , id observavi , duros annososque collati tumores ope Cicutæ fusos , liquatosque fuisse .

„ Inter alios erat miles , qui collum totum ob ingentes , & ad omnia remedia rebelles scirrhos

„ ri-

„ rigidum habuit , sola tamen Cicuta integre cu-  
„ ratus ex nosocomio discessit .

„ Cancrum occultum in mamma sinistra , a cau-  
„ sa externa ortum , duritie & mole insignem diu-  
„ turno Cicutæ usu penitus curavi .

„ Cancro aperto circa angulum oris sinistrum  
„ undique jamjam proserpenti intra sex septima-  
„ nas usu Cicutæ frænum injeci , & trimestri spa-  
„ tio malum eodem remedio funditus extirpavi .

„ In spina ventosa semel iterumque Cicutam  
„ profuisse , vidi .

„ In ulceribus cacoethicis , in scabie fœdissima ,  
„ inveterata , & maxime rebelli idem medicamen-  
„ tum integro cum successu pluries adhibui .

Josephus Quarin , perspicacissimus apud fratres  
misericordiæ Physicus & Cæf. Reg. sanitatis Con-  
siliarius &c. - - -

„ Multos sola Cicuta curavi integerrime , qui  
„ annosa arthritide , aut rheumatismo laborarunt ,  
„ quique plurima remedia hucusque incassum ten-  
„ tarunt .

„ In tumoribus arthriticis pulcherrime prodest  
„ decoctum Cicutæ , si pars affecta ei immergatur .

„ Pertinacissimos parotidum , glandularum col-  
„ li , subaxillariumque &c. scirrhos solo extracto  
„ Cicutæ facile , & cito sæpius dissipavi .

„ Dedi autem plerumque his ægris statim in  
„ principio largam dosin , alvus quandoque inde  
„ cum euphoria movebatur ; externe in aliquibus  
„ apposui emplastrum de Cicuta .

„ Inter alios vir , 32. annorum , surdus , ingen-  
„ tes scirrhosas & fere lapideas parotides habuit ,  
„ & glandulæ colli erant quoque scirrhosæ , &  
„ adeo magnæ , & penetrantes versus interiora ,  
„ ut respirationem fecerint laboriosam . Hunc so-  
„ lo extracto Cicutæ , & fomento ex eadem her-

„ ba

## 94 ) CAPUT TERTIUM. )(

„ bā parato, optime restitui. Etenim omnes tu-  
 „ mores disparuerunt, & rediit auditus, & respi-  
 „ ratio erat sanorum similis, & homo antea ema-  
 „ ciatus sub usu Cicutæ recuperavit carnes, &  
 „ vires.

„ In tussi pertinaci cum levi pulmonum ulcere  
 „ pulchrum effectum mihi edidit Cicuta.

„ In binis progressum cataractæ impedivi ope  
 „ Cicutæ, sed cataractam inde diminui, non vidi.  
 Leopoldus *Auenbrugger*, Medicus vigilantissimus  
 in nosocomio nationum Hispanico - - -

„ Scrophulosos valde multos extracto Cicutæ  
 „ percuravi, neque horum historias longius ex-  
 „ plicandas putavi, quia remedii præstantia in  
 „ hoc genere mali aliunde a tuis aliorumque ex-  
 „ perimentis iterum iterumque confirmata fuit.  
 „ Unius tamen scrophulosi historia mihi notatu  
 „ dignissima videtur.

„ Militi, cui submaxillares glandulæ omnes du-  
 „ ro tumore vehementer turgebant, obtuli extra-  
 „ ctum de Cicuta, eadem qua proposuisti metho-  
 „ do. Levamen notabile inde consecutus est æger;  
 „ atque ideo idem remedium repetii. Sanitatis suæ  
 „ citius recuperandæ causa secum reputavit æger:  
 „ quod si pilulas in majori numero frequentius ca-  
 „ peret, citius ad sanitatem redditurus esset.

„ Inscius ego suæ intentionis feci ex uncia di-  
 „ midia prædicti extracti formari pilulas grano-  
 „ rum duorum, ut per plures dies sufficerent. Sed  
 „ en! has pilulas spatio unius diei bona fortuna  
 „ devoravit, eo effectu, ut fine ullo incommodo  
 „ vel dolore ultra quinquagesies per triduum de-  
 „ jiceret, totusque tumor intra hoc tempus dispa-  
 „ ruerit sic, ut præter admodum parva vestigia  
 „ induratarum glandularum nil fuerit relictum.

„ To-

„ Torosus & juvenis iste æger vigesimum quintum annum nondum superavit.

„ In cancrosis, cacoethicis, gangrænōsis ulceribus sæpius extractum Cicutæ optimo cum effectu exhibui. Et vidi hujus remedii usu partes gangrænosas longe citius separari a sanis, quam usu corticis peruviani.

„ Fœminam gravidam, quæ aperto in mamma cancro laboravit, ope Cicutæ optime sanavi, & peperit infantem sanum. Mamma tamen ob exiguam suam molem, & ob fœdam cicatricem ad lactandum infantem inepta est. Verum ex lana mamma infans sanus, & robustus egregie fugit.

Doctissimus Joseph. Henricus *Collin*, meus in nosocomio Pazmariano Collega, præter alia experientia, quæ circa varia vegetabilia, hucusque minus usitata, optimo & miro cum effectu in casibus difficillimis instituit, quæque in proximo anno medico litteratis sincere & candide communicabit circa Cicutam hæc habet:

„ Scirrhos ingentes, annosos, dolentes, circa parotides, sub axilla, in collo, in mammis &c. solo Cicutæ usu interno, externoque solvi, dissipavi.

„ Ulcera saniosa, serpentia, cancrosa, & ad omnia remedia rebellia, inde optime sanata, & fistulas, profunde penetrantes, clausas sanguinis vidi.

„ Magnos ad genua tumores, quos alii medici, & chirurgi pro incurabilibus declararunt, ego & Dominus *Haffner*, expertissimus in nostro nosocomio chirurgus, sola Cicta pluries integre dispulimus. Et rediit hujus articuli optima mobilitas, & usus pedis, imo pedes antea emaciati dispulso hoc tumore iterum torosi fiebant,

## 96 ) ( CAPUT TERTIUM. )(

„ bant. Materiem fluctuantem dum in his tumo-  
 „ ribus latere observavimus, cultello excitus pa-  
 „ rabatur. Sinus, & fistulas, & cavitates, quan-  
 „ doque in his tumoribus latitantes, saturato Ci-  
 „ cutæ infuso sæpius perdiem eluimus, & exter-  
 „ ne cataplasma ex Cicuta paratum, continuo ca-  
 „ lidum, applicuimus. Datum præterea subinde  
 „ est purgans. Hac ratione desperatissimos ægros  
 „ integerime sanavimus.

„ Offa tamen si circa has articulationes corru-  
 „ pta, & integre corrofa fuerunt, in statum na-  
 „ turalem redigere non potuimus; hinc quibusdam  
 „ dispulso tumore articuli mobilitas non rediit,  
 „ licet circa reliqua symptomata optimum sense-  
 „ rint levamen, & vires recuperaverint.

„ Plurimi horum ægrorum erant cachectici, &  
 „ cœperunt contabescere, his autem malis sola Ci-  
 „ cuta brevi quoque medebatur. Famosi quidam  
 „ ex nostris chirurgis tumores lymphaticos nolunt  
 „ aperire, dicentes ægros citius tumore aperto mo-  
 „ ri. Hinc tales tumores pelle leporina tegunt,  
 „ & ægros sine solatio relinquunt fatis. Verum  
 „ quidem est, apertis his tumoribus magnam lym-  
 „ phæ copiam effluere, & perpetuo hujus lym-  
 „ phæ stillicidio posse tales ægros consumi. Nul-  
 „ lo hucusque remedio hi chirurgi noverunt ta-  
 „ le stillicidium compescere, & factum vulnus  
 „ curare.

„ Ego autem & Dominus *Haffner* ad vulnus  
 „ arte factum lintea carpta infuso Cicutæ madi-  
 „ da applicuimus, & interne dedi Cicutam, &  
 „ lac recens, atque hac methodo omnes restitui-  
 „ mus.

„ Inter alios casus maxime dignus est unus de  
 „ puella octo circiter annorum, quæ a tribus an-  
 „ nis ingentem tumorem lymphaticum ad femur  
 „ dex-

„ dextrum gessit. Hicce tumor semper increvit,  
„ puella incidit in febrem hecticam , & jam erat  
„ tota emaciata, languida, & morti proxima.

„ Medici hanc jam deseruerunt, & chirurgi an-  
„ nosi , & ex multa praxi periti, hujus tumoris  
„ aperturam summopere prohibuerunt. Nihilomi-  
„ nus Doctissimus Dominus *Haffner* & ego ex  
„ multis felicissimisque casibus audaciores, anceps  
„ tentavimus remedium .

„ Dominus *Haffner* me præsente pertudit tumo-  
„ rem , & effluxerunt octo libræ seri satis acris.  
„ Sinus & fistulas profunde penetrantes undequa-  
„ que invenimus ; unde casus adhuc erat diffici-  
„ lior . Data tamen Cicuta , factisque aliquoties  
„ per diem injectionibus ex infuso Cicutæ , & ap-  
„ plicatis linteis carptis eodem infuso madidis , in-  
„ tra paucas septimanas hanc puellam perfecte  
„ curavimus.

„ Ex hoc casu patet ignorantia chirurgorum  
„ aut medicorum posse quandoque vitæ dies abre-  
„ viari , vera autem scientia medica eosdem pos-  
„ se prolongari. Si tumorem non aperuissemus ,  
„ si remedia convenientia non fuissent applica-  
„ ta , hæc puella certo certius intra paucos dies  
„ obiisset.

„ Multos scabiosos, arthriticos, & rheumaticos ,  
„ ubi jam alia quæcunque remedia nil juverunt ,  
„ sola cicuta interne , externeque adhibita felicif-  
„ sime sanavi , & membris rigidis , ac immobili-  
„ bus hac ratione rediit mobilitas .

„ Fœmina , penitus emaciata habuit mammam  
„ sinistram mole ingentem & scirrhosam , & plu-  
„ ra癌rofa, fungosa ulcera hanc mammam sat  
„ profunde exederunt , profluxit fæties copiosa  
„ acerrima , cadaverosa , & dolores rodentes ac  
„ lacinantes , dies noctesque inquietas , & anxias

„ reddiderunt. Symptomata omnia adeo mala, vi-  
 „ resque adeo parvæ erant, ut vix ulla curatio-  
 „ nis spes superfuerit. Nihilominus dato extracto  
 „ Cicutæ, & externe applicato cataplasmate ægra  
 „ non tantum a scirrhosa mole, sed & a cancro  
 „ aperto integerrime liberata est. Ipsæ glandulæ  
 „ subaxillares ejusdem lateris erant quoque scir-  
 „ rhosæ dolentes. Hæc ægra curationis tempore  
 „ multum lac, aqua pura, vel decocto quodam  
 „ emollienti dilutum, babit.

„ Celeberrimus Anatomiae Professor, Laurentius  
 „ Gaffer, Clarissimus Serenissimi Ducis Lotharingiæ  
 „ Archiater Crampagna, exactissimus ac dexterri-  
 „ mus chirurgus Cambon, Dominus Leber &c. hanc  
 „ ægram periculose decumbentem, dein curatam  
 „ viderunt.

„ Lætabar vehementer, dum hi viri in arte ma-  
 „ xime insignes me meumque nosocomium sua  
 „ præsentia aliquoties honorarunt, & testabantur  
 „ semper se admodum contentos, dum casus nu-  
 „ merosos mirosque, & curas feliciter proceden-  
 „ tes conspexerunt.

Diligens, perspicax, & ad omnem operationem  
 aptissimus chirurgus Dominus Ferdinandus Leber  
 multam impendit operam ad experimenta usu Ci-  
 cutæ facienda, & sequentia ad me retulit.

„ Fœmina, 35. ann., ex contusione habuit mam-  
 „ mam dextram admodum tumidam, duram. Usa  
 „ est variis remediis sine effectu, & accessit de-  
 „ mum ingens dolor, & papilla, corrupta, deci-  
 „ dit. Præterea hæc fœmina grava fuit. Me  
 „ dum accessit, dedi pilulas de Cicuta, & externe  
 „ applicui emplastrum diapomphol., & dolores in-  
 „ de brevi sedabantur. Post quatuor septimanas  
 „ mamma fuit melior; verum ægra conquereba-  
 „ tur vertigines, pectoris appressiones, & info-  
 „ mnia;

„ mnia ; hæc autem symptomata ex plethora pro-  
 „ veniebant , hinc unica venæ sectione sopieban-  
 „ tur . Nona septimana , qua pilulas assumpsit ,  
 „ peperit infantem sanum . Toto puerperio assum-  
 „ psit pilulas , & externe applicatum est empla-  
 „ strum diapomph. , infans semper sanus erat , &  
 „ ex mamma sana lac sugebat , & mamma affe-  
 „ cta , finito tertio mense fuit multo minor , &  
 „ exulceratio circa papillam tendebat in sanatio-  
 „ nem .

„ Quarto mense copiosus sanguis ex papilla pro-  
 „ fluxit ; sistebatur autem applicato fungo agari-  
 „ co quercino . Omnia fiebant semper meliora .  
 „ Quinto mense applicui externe fomentum ex  
 „ æquali parte Cicutæ & florum sambuci . Octa-  
 „ vo mente fœmina erat integre curata .

„ Vir , 61. ann. , temperamenti scorbutici , tu-  
 „ morem habuit in bucca dextra ex contusione ;  
 „ hunc dissipavi remediis antiscorbuticis , & usu  
 „ pilularum de Cicuta .

„ Vetula , 75. ann. , a terrore sensit in mam-  
 „ ma sinistra dolorem , & paulo post mamma in-  
 „ tumuit . Applicuit supra totam mammam buty-  
 „ rum recens , unde & tumor , & dolores aucti  
 „ sunt . Variis dein usa remediis nullum levamen  
 „ percepit .

„ Dum me accessit , dedi illico octo pilulas de  
 „ Cicuta per diem , & apposui externe empla-  
 „ strum de Cicuta . Spatio unius mensis dolores  
 „ cessarunt , & tumor fuit minor . Continuato  
 „ dein pilularum usu , & aucta sensim dosi sexto  
 „ mense mamma tota in statu naturali fuit .

„ Puellæ , 11. ann. , per totum collum scro-  
 „ phulofæ , ultra medium annum dedi quotidie  
 „ quindecim pilulas de Cicuta sine ullo effectu ,  
 „ emanxit tunc , & adiit alios chirurgos , & me-

„ dicos. Dum vero neque ab his quidquam in  
 „ melius mutatum fuit, rediit denuo ad me. Jus-  
 „ si iterum, ut pilulas de Cicuta assumeret, & bi-  
 „ beret desuper infusum florum sambuci, & ver-  
 „ basci. Et dein spatio quatuor mensium cura-  
 „ ta est.

„ Puella, quæ per plures annos cancrum ad  
 „ nasi apicem habuit, pilulis de Cicuta integre  
 „ curata fuit. Id autem in hoc casu notandum,  
 „ quod hæc puella sub initium, dum pilulæ ex  
 „ Cicuta dabantur, frequenter vomuerit, atque  
 „ diarrhæa fuerit correpta. Postea vero sat lar-  
 „ gam harum pilularum dosin sine ullo incom-  
 „ modo tulit.

„ Fœmina, 60. ann., cataracta laborans in utro-  
 „ que oculo, data Cicuta intra quinque menses  
 „ perfecte vidit.

„ Vir, 40. ann., amaurosi post morbum acutum  
 „ affiebatur, plurima adhibita remedia nihil ju-  
 „ verunt. Dedi dein Cicutæ pilulas, & post tres  
 „ menses cœpit lucem distinguere, & paulisper  
 „ videre. Decimo mense jam iter trium horarum  
 „ solus sine duce confecit, interim omnia distin-  
 „ gte videre nondum potuit. Decimo sexto mense  
 „ ex solo usu Cicutæ integrum visum habuit.

„ Fœmina, 40. annor., per binos annos habuit  
 „ cancrum apertum ad palpebram dextram infe-  
 „ riorem. Dedi pilulas de Cicuta, per diem ap-  
 „ plicui externe fomentum de Cicuta. Quarto  
 „ mense erat integre curata.

„ Vir, 44. annor., a quatuor annis jam pessima  
 „ gonorrhæa laboravit, & vires omnes amisit,  
 „ noctes habuit inquietas, insomnes ob febrem de-  
 „ pascentem, quæ omni vespera vehemens fuit.  
 „ Omnia jam remedia, maxime alias efficacia,  
 „ in hoc ægro sine levamine tentata sunt, imo  
 „ quæ

„ quæ pro specificis in hoc morbo alias habentur , lentam tabem adtulissent usū diurno . „ Dedi igitur extractum Cicutæ , & infusum florū sambuci cum lacte . Intra paucos dies malum emendatum fuit , auctæ sunt vires , increvit appetitus , noctes fiebant tranquillæ . Sexto mense ex his solis miserrimus æger integre convaluit , fuit robustus , pinguis .

„ Fœmina , 30. annor. , post subitum in puerperio terrorem sensit illico in mamma dextra dolorem vehementem , dein mamma rubuit , & valde dura facta est . Pluribus usa remediis semper pejus habuit . Dum me accessit , vidi mammam totam scirrhosam , & paulo infra papillam inveni locum mollem , in quo materiem purulentam ex fluctuatione judicavi latere . Applicui tunc fomentum ex anatica parte herbæ Cicutæ , florum sambuci , & verbasci . Post paucos dies rumpebatur pars mollis , & effluxit copiosum pus . Reliqua tamen mamma manfit valde dura , & dolens . Nihilominus eodem fomento sedulo applicato , & datis pilulis de Cicuta , mamma perfecte emollita , & sanata fuit .

„ Hæc fœmina jam a tribus annis habuit quoque tumorem in hypochondrio sinistro , quem singulo mense , dum catamenia instabant , tantus dolor occupavit , ut ægra debilissima debuerit per aliquot dies lecto inhærere . Verum ex pilularum usu , per sex menses continuato , ab hoc tumore , & dolore liberabatur ; nunc menstrua fluunt sine omni molestia , & sanitas vivitur optima .

„ Virum , 32. annor. , penitus emaciatum , debilem , cachecticum &c. a testiculis tumidis & scirrhosis , atque a gonorrhœa inveterata , datis

„ pilulis de Cicuta, spatio quinque mensium curavi, perfecte restitui.

„ Fœmina, 34. ann., post terrorem habuit mammam in omni parte induratam, dolentem, moles duritiei semper increvit, & aucti sunt dolores. Data Cicuta mox melius se habuit, & intra binos & dimidium menses fuit penitus sanata.

„ Virgo, 17. annor., cancrum apertum, non admodum magnum, in mamma sinistra habuit, & pedes ambo fœdissimis ulceribus erant exesi. Mammam sola Cicuta spatio trium mensium curavi, verum ad ulcera pedum consolidanda quinque mensibus erat opus. Dedi fere omni tertia septimana purgans.

„ Fœmina, 24. annor., cancrum exulceratum in mamma sinistra a binis annis gessit, & usus plurimis remediis sine effectu. Datis autem pilulis de Cicuta, & applicato fomento, ex eadem herba, spatio septem mensium curabatur integre.

„ Fœmina, quadagenaria, a pluribus annis habuit mammam sinistram duram, tumidam, circa papillam erant plures scirrhi rotundi, valde dolentes. Emplastra, fomenta, unguenta externe diu applicuit, & a variis medicis varia remedia assumpsit sine levamine. Dedi dein ei Cicutam, & spatio novem septimanarum restituebatur.

„ Viro, qui in ambobus oculis catarractam habuit jam per integrum annum, dedi sensim spiritus frumenti cum mercurio sublimato libras duas & dimidiadas; exiguus inde sequebatur effectus, & æger jam renuit hoc remedium. Unde transivi ad usum Cicutæ, & quarto mense dum ea utitur, solus ambulat, & colores distinguit.

„ Vir, 44. annor., ex arthritide prægressa habuit

„ buit mammam sinistram tumidam, duram, &  
 „ valde dolentem. Varia sine effectu applicuit.  
 „ Assumpsit dein Cicutam, & spatio sesqui men-  
 sis integre convaluit.

„ Virgo, 17. annor., ex retro pressa scabie cœ-  
 „ pit dolorem circa articulum femoris dextri con-  
 „ queri, dein claudicavit. Variis remediis, &  
 „ balneo Badensi usa, nullum habuit levamen,  
 „ & fiebat tota cachectica, macilenta. Adhibui  
 „ Cicutam, & mox mutatus est totus corporis  
 „ habitus, jam minus dolet, nec multum amplius  
 „ claudicat. Hinc spero non absque ratione eam  
 „ brevi integre sanam futuram.

„ Vir, 48. annor., cancrum serpentem in pal-  
 „ pebra inferiori oculi sinistri a longo tempore  
 „ habuit. Applicui externe infusum Cicutæ, &  
 „ interne dedi pilulas de Cicuta, & cancer per-  
 „ fecte curatus fuit.

„ Vetula, 70. annor., jam ultra annum sensit  
 „ continuum dolorem, & tumorem in hypochon-  
 „ drio sinistro. Dedi ei Cicutam, & spatio medii  
 „ anni evanuit tumor, & dolor.

„ Puer, 11. annor., pessime cachectico dedi  
 „ quotidie grana octo extracti Cicutæ, & eum  
 „ brevi curavi.

„ Multos adhuc in cura habeo, qui cancro,  
 „ scirrhis, cataractis, amaurosi, ulceribus pessi-  
 „ mis, cachexia &c. laborant, & spem habeo  
 „ optimam eos restituendi; quoniam jam omnia  
 „ mutantur in melius. Alios tamen habui, quos  
 „ Cicuta, longo licet usu adhibita, nequaquam  
 „ juvit.

„ Tres fœminæ, cancro mammæ laborantes,  
 „ nec ex usu Cicutæ, nec ex aliis remediis mul-  
 „ tum levamen perceperunt, & sensim mortuæ

,, sunt. Una ex his ex nimis frequenti hæmorrhagia occubuit, aliæ autem duæ contabuerunt.

Dominus Alexander *Ergelberg*, qui olim per plures annos in Abbatia Claustro - Neoburgensi prope Viennam summa cum laude praxin medicam felicissime exercuit, & nunc Constantiæ Physicus ac medicus practicus est celeberrimus, sequentia de Cicuta observata mihi retulit.

,, Vir, 60. annor., a sua juventute hucusque variis morbis venereis afficiebatur, tandem totus exhaustus fere contabuit, urina penitus purulenta, fœtida jam per plures annos inter diros tenesmos ac dolores, prodiit. Remedia similibus in casibus alias utilia jam potius nocuerunt. Igitur Cicutam præbui a parva dosi sensim ascendendo. Bini nunc sunt menses, & jam vires augentur, redit appetitus, somnus est tranquillus, & urina penitus naturalis, absunt dolores, & tenesmi.

,, Fœmina, 40. aliquot annorum, hæmorrhagiis uterinis alias erat valde subjecta. Tandem cœpit ex utero prodire materies fœtida, ichorosa cum ingenti & continuo dolore urente, erodente. Materies hæc utero prodiens haud raro erat permista striis sanguineis. Tentavi plura remedia, quædam effectum videbantur præstare, & materies fiebat minus maligna; verum dolores manserunt æque violenti, neque vires auctæ sunt, nec increvit appetitus, & tandem cœpit iterum materies pessime fœtere. Hinc tentavi extractum Cicutæ. Sub initium materies longe fœtidior, & copiosior reddebat, dolores autem intra paucos dies imminuti sunt. Continuato per aliquot septimanæ Cicutæ usu dolores cessarunt penitus, ægra quiete dormi-,, vit,

„ vit, appetiit, & demum optimas recuperavit  
 „ vires, & materies ex utero effluens tenuis fie-  
 „ bat, inodora, limpida. Nunc jam paucæ tan-  
 „ tum guttæ sine ulla molestia prodeunt, & fœ-  
 „ mina videtur sana; nil enim conqueritur, ha-  
 „ bet bonas vires, appetit, digerit, dormit, urina  
 „ libere fluit, alvus deponitur bene cocta sine do-  
 „ lore, & tenesmo.

„ Juvenem habui, qui sæpius per septimanam  
 „ atrocissima epilepsia afficiebatur, medicamenta,  
 „ in hocce morbo alias decantata, fere nihil ef-  
 „ fecerunt. Unde dedi per integrum mensem ex-  
 „ tractum Cicutæ dosi satis forti, & brevi paro-  
 „ xysmorum violentia minuebatur; tandem nul-  
 „ lus amplius epilepsiæ impetus observatus est.  
 „ Nunc per plures menses jam sanus fuit, longe  
 „ fortior est, agilior, & mens ipsa, quæ antea  
 „ erat suppressa, & hebes, jam maxime serena,  
 „ & ad omnia habilis videtur.

„ Juvenem, 24. annor., qui a pluribus annis  
 „ scirrhos admodum magnos per totum collum  
 „ habuit, & partes vicinas adeo tensas, ut ca-  
 „ put nequaquam potuerit circumvertere, empla-  
 „ stro & extracto Cicutæ integerrime curavi.

„ Chirurgi, & multi medici varia tum exter-  
 „ na, quam interna remedia in hoc juvene incas-  
 „ sum tentarunt.

„ Virginem, 20. annor., quæ ingentes scirrhos  
 „ circa aures, infra maxillam, & in toto collo  
 „ gessit, eadem ratione brevi restitui.

„ Dominus Silvester ò *Heshir*, Celeberrimus Pra-  
 „ gensis medicus, me de casu sequenti consuluit.

„ Matrona, vigesimum primum annum agens,  
 „ scirrum ab aliquot annis in mamma dextra ad-  
 „ vertit; & quum nec dolorem, nec ullum in-  
 „ commodum hicce tumor produxit, nullum ap-

„ plieuit remedium. Novem abhinc mensibus in-  
 „ vit matrimonium, varia confecit itinera, con-  
 „ cepit. Mamma tunc cœpit intumescere, fiebat  
 „ durior, accessit dolor, naturalis mutabatur co-  
 „ lor, intumuerunt venæ, noctes factæ sunt inso-  
 „ mnes. Remedia externe applicata mammam sem-  
 „ per pejorem fecerunt.

„ Multi medici, & chirurgi, qui hanc ægram  
 „ viderunt, de ejus vita actum esse, prædicebant,  
 „ vetueruntque omnem remedii applicationem;  
 „ probe gnari his cancrum adhuc occultum ape-  
 „ riri, & tandem adferri mortem.

Hoc in statu ægra offerebatur celeberrimo ò *He-  
 bir*. Quoniam autem grava fuit, noluit quoque  
 sine consilio Cicutam tentare. Hinc hac super re  
 mihi scripsit. Vidi ego in pluribus gravidis Cicu-  
 tam optimo cum effectu, & sine omni noxa exhi-  
 beri; unde suasi, ut celeberrimus vir in hoc quo-  
 que casu eam tentaret. Dignabatur meum sequi  
 consilium, & postea sequentem epistolam ad me  
 dedit.

„ Dignitas rei postularet quidem, ut accuratius  
 „ absolveretur historia morbi illius, de quo te-  
 „ cum egi in litteris die 27. Julii ultimo elapsi ad  
 „ te datis. At mihi omnis occasio minutioris in-  
 „ stituendæ indaginis abrepta est per numerum  
 „ aliorum periclitantium, qui se se curæ meæ su-  
 „ bjecerunt, & ob distantiam loci, qua ab urbe  
 „ separabatur Illust. illa Persona. Hinc non ægre  
 „ feres, si votis tuis justo minus correspondere  
 „ valens, rem integrum rarioribus observationi-  
 „ bus expedivero.

„ Percepta mente tua, mihi ante tres menses  
 „ transmissa, consilium mutavi, & ad normam  
 „ positam curam accessi: exhibendo pilulas duas,  
 „ granorum binorum, de Cicuta mane & ve-

„ pe-

„ peri . Dumque sine sensibili effectu hanc admis-  
„ nistrandi methodum protrahi viderim , duplica-  
„ ri dosin jussi , continuarique . Quod per plures  
„ hebdomadas factum est ; at casso hucusque mo-  
„ limine ; imo in deterius jam & præcipiti passu  
„ ruebant cuncta : tumor , durities increverunt ,  
„ accessere dolores enormes , color lividus , vel  
„ plus in nigredinem tendens ; verbo : quidquid  
„ cancrum occultum manifeste designaret , illud  
„ omne hic aderat .

„ In ancipiti hoc stadio nil consultius fieri pos-  
„ se putabam , quam ut augerentur doses . Qua-  
„ re effeci , ut qualibet die absumerentur extra-  
„ Et Cicutæ grana viginti quatuor ; ut sedulo ad-  
„ moverentur parti affectæ fomenta cum eadem  
„ Cicuta parata . Hæc omnia quotidie repeteban-  
„ tur per meniem & ultra .

„ Redeundi denuo mihi , quinta jam fere exple-  
„ ta septimana , en hæc fuit , quæ sese obtulit  
„ pulchra' rerum facies . Mammæ ingens moles qua-  
„ druplo minor conspicitur , quam dum digitis con-  
„ tracto in plurima divisam tubercula invenio .  
„ Color ater in album & naturalem conversus  
„ est ; de dolore vix conqueritur ; quodque in hac  
„ praxi dignum forte notatu est : hæmorrhoi-  
„ dalem fluxum copiosum commode sustinuit sine  
„ ullo virium lapsu .

„ Palam ergo de incomparabili Cicutæ effectu con-  
„ victus nil prorsus vel addidi , vel detraxi ; at  
„ eodem tramite insistendo curam ultra feliciter  
„ perficiendam pronuncio . &c.

„ Illust . hæc matrona jam sese accingit ad iter  
„ Viennam faciendum ; ubi viva voce hæc cun-  
„ cta confirmata senties .

Ex itinere , & curruum succussu mamma ite-  
rum paulo pejor fuit . Unde ægra quam primum

Viennam venit, me fecit!advocari. Inveni mammam duobus pugnis fere æqualem, duram, hinc inde purpuream, non tamen valde dolentem. Venæ autem fuerunt varicosæ, interim ægra habuit vires bonas. Suasi, ut fomentum ~~æx~~ Cicuta continuo applicaretur, ut ægra in lecto quiesceret, & assumeret quotidie grana viginti quatuor extracti Cicutæ. Hæc omnia lubentissimo animo ad amussim siebant, & mamma inter paucos dies habuit colorem naturalem, fuit mollior, mobilior, minor. Graviditatis signa erant optima, & in toto naturæ opere nil mutatum inveniebatur. Mamma fere quotidie in meliori statu deprehensa est.

Tertia septimana, qua hæc ægra Viennæ fuit, finiebatur graviditatis terminus, instabat partus, & prodiit filia sana, pinguis, pulchra.

Omnium animi erant curiosi, & cupidi videnti, an non tenellæ infanti diuturnus Cicutæ usus nocuisse. Verum bona prædixi, bona omnia inveniebantur.

Sub partu tamen mamma paulo rudiis tractata cœpit iterum dolere, & postero die rubuit, intumuitque in molem ingentem; tandem purpurea fuit, dein livuit, & elevabatur in tubera, transsudavit serum acre, erodens, & merito timebatur, cutim tenerimam esse rumpendam, oritumque cancrum pessimum, apertum. Dolor magnus sese ex mamma per humerum, & totum brachium dextrum extendit.

Primis duobus puerperii diebus ægra nec externe, nec interne Cicutam applicuit. Lochia optimè fluxerunt.

Tertio die urgentibus nimium malis in mamma symptomatibus cataplasma ex Cicuta appositum fuit. Dolores inde brevi mitigabantur, & li-

vidus color eo statim die dissipatus est; durities tamen & mammæ moles ingens manserunt, neque mutata sunt tubera, quæ rupturam minitabantur. Noctu denique cataplasma ex Cicuta sedulo continuatum fuit.

Quarto die mansit in eodem statu, dolores fuerunt vehementiores.

Quinto die mane & vesperi ægra jam iterum pilulas quinque, granorum duorum, assumpsit. Dolores multum minuebantur, & quædam tubera subsederunt, & illud acre, quod per cutim transsudavit, & rosit, vix amplius advertebatur.

Sexto die omnia iterum paulo meliora fuerunt.

Septimo die jam grana viginti quatuor de extracto assumpsit, & cataplasma de Cicuta, quamvis odorem ingratum sparserit, ægra tamen ( viso bono effectu ) summa cum patientia applicuit, tulit. Omnia puerperii negotia optime processerunt, infans quoque sanissima fuit.

Omni quarto quintove die dosin pilularum auximus.

Spatio trium septimanarum usu catplasmatis, & extracti Cicutæ mamma ad magnitudinem pugni virilis redigebatur. Color fuit naturalis, cef- savit omnis dolor, ægra habuit vires, & potuit brachium sat libere movere.

Incipiente quarta septimana jam dabatur quotidie drachma integra extracti Cicutæ, & ægra, quamvis tenella & valde sensibilis, nullam inde molestiam advertit, & bene se habuit.

Hac ratione optime finiebatur puerperium, & finito puerperio in mamma superfuit durities, adhuc scirrhosa, magnitudine nucis juglandis, hæc autem erat mobilis, & in omnem partem volubilis. Reliquum quod circa hanc moleculam adhuc

huc præternaturale remansit, nequaquam durum, sed pastaceum fuit.

Hæc matrona optime se habuit, vires bonas recuperavit, appetiit, bene dormivit. Sensim assumpsit quatuor scrupuloextracti Cicutæ quotidie, & cataplasma ex Cicuta tota nocte, & tempore matutino sedulo applicatum fuit, post meridiem autem negligebatur, quoniam hæc matrona in liberum aerem motionis gratia se contulit, & in confortio hominum fuit, qui odorem ingratum ferre non poterant. Et amavi id, ut sensim viderem, quomodo mamma se haberet sine cataplasmate. Vidi autem inde nil mali oriri.

Decima septimana mammæ moles fuit admodum exigua, illud autem tuberculum scirrhosum fere immutatum perstigit. Nihilominus tamen & hoc sensim inæquale & fibrosum fiebat, quod spem dedit, fore, ut successu temporis, & usu Cicutæ integre solvatur. Separatæ tales glandulosæ portiones scirrhosæ admodum lente quandoque dissipantur; pertinaci tamen usu funduntur, & evanescunt, & quum mobilia sint, si præter omnem spem remediis non obedirent, arte possent enucleari, dum necessitas exigeret.

Hæc Matrona menstruum fluxum jam post puerperium debita copia, & citra, omnem molestiam iterum habuit, sana fuit, & brachio lateris affecti, quod alias debile, & ad longiorem motum ineptum erat, uti optime potuit; exiit in liberum aerem, varios exercuit motus, & nil mali inde in mamma sensit.

Maritus vi sui officii tunc cogebatur iter sat longinquum suscipere tempore adhuc frigido, aspero. Optavit, ut uxor (quæ omni amore, & veneratione est dignissima) secum esset. Amici omnes & omnes noti, præsertim autem mulierculæ (quot enim

enim tales, tot medicastræ) hoc iter optimæ huic matronæ dissuaserunt. Ego autem consideratis omnibus putavi iter non posse nocere; hinc neglectis objectionibus (talibus enim, si medicus obaudit, martyr & mancipium est) suasi maritum comitaretur. Perficiebatur iter felicissime, advenirent ad locum constitutum ambo, fruentes sanitatem perfectam. Mammæ nil mali, nil boni contingit, manserunt omnia eodem in statu. Nunc usum Cicutæ tum externum, tum internum continuat; hinc nullus dubito, fore: ut id, quod superest, integre quoque solvatur.

Durante puerperio curam hujus Matronæ gessit clarissimus, ac Magnificus Archiater *Kestler*. Primum autem periculum, primas & maximas cancri minas pertinaci Cicutæ usu superavit celebrissimus medicus Pragenfis *Silvester o Hehir*; huic igitur maximæ laudes, & grates debentur. Etenim certo certius hoc malo mater & infans fuisse interemptæ, si vagorum hominum, & medicastrorum consiliis, quæ innumera fere fuerunt, aures, & mentem dedissent. Infans jam septimum agens mensem adhuc sanissima est.

An igitur inde non patet, Cicutam esse remedium innocentissimum, neque nocere gravidis, neque tenerrimis embyronibus.

## C A P U T IV.

### C O R O L L A R I A.

*Corol. 1.) C*icutæ non solvit sanguinem in putridum liquamen.  
plu-

Pluribus, qui larga dosi & longo tempore usi sunt Cicuta venam secui, & inveni semper sanguinem, qui habebat bonum colorem, & optimam consistentiam.

Magnificus Archiater *Kestler* Illustrissimæ cui-dam comiti, quæ per plures graviditatis menses Cicutam assumpsit, paucis ante partum diebus sanguinem e vena misit, & vidimus tunc ambo sanguinem sanorum simillimum.

Idem observavit celeberrimus Harlemensis pra-cticus Joannes van *Vvoensel* in matrona, cui per plures menses Cicutam dedit.

Dum hæc scribo, sanguinem iterum misi alii comiti, quæ Cicuta a binis mensibus utitur, & video eundem optime ligatum, & longe saniorem, quam fuit ante usum Cicutæ; tunc enim semper sanguis erat tenaci, mucosa, & variegata crusta tectus, fibrosus.

Provoco unum quemque medicum vel chirur-gum ad experientiam, qui ex recto usu Cicutæ alium quam bonum sanguinem observaverit.

*Corol. 2. ) Cicuta non adfert consumtionem.*

Ex meis aliorumque medicorum experimentis ( si ea placet adtente considerare ) clare patet, ægros cicuta utentes recuperasse vires integras, & totum corporis habitum factum esse optimum, torosum. Usu Cicutæ sæpiissime sistuntur nocturni sudores, augetur appetitus, adjuvatur digestio, restaurantur corporis functiones; cur igitur inde sequatur consumtio?

Clarissimus sanitatis consiliarius Leopoldus *Erndl* doluit sæpiissime, tot pueros puellasque in suo nosocomio phthisi scrophulari consumi, interire. Varia remedia per plures annos summa cum industria adhibuit, rebelli tamen huic morbo limi-tes ponere nequaquam potuit. Unde tentavit Ci-

cu-

cutam larga dosi, & mox omnia mutabantur in melius, pueri; alias stupidi, meticulosi, cachectici, emaciati, fiebant alacres, fortes, pingues, & glandularum scirrhi sensim fundebantur.

Doctissimus hicce vir me saepius ad suum nosocomium humanissime invitavit, & mihi magno cum gudio ostendit, quam egregios & miro effectus in pueris & puellabus atque etiam in tenuerrimis infantibus praestet Cicuta.

Pluribus, experimenti gratia, Cicutam jam in secundum, tertium, & quartum annum praebui; sani sunt, vegeti, robusti, agiles, & ad omnia apti.

Cur hi non contabescunt?

*Corol. 3.) Cicuta visum non hebetat.*

Etenim contrarium semper in meis ægris vidi effectum. Quoniam multi inter eos fuerunt, qui oculos habebant turbidos, continuo fluentes, aut urentes ex perpetuo acrum lachrymarum affluxu, atque propterea perspicillo utebantur; verum sumta per aliquot tempus Cicuta, hæc oculorum via emendata sunt, & plures potuerunt perspicilio carere.

*Corol. 4.) Cicuta non demit generandi potentiam.*

Habui militem, quem largo usu Cicutæ intrabimestre spatium a glandulis submaxillaribus tumidis & scirrhosis, atque ab ingenti colli struma liberavi. Integerrime curatus, & sanus ex nosocomio discessit; post quatuordecim dies autem iterum rediit ad me laborans pessima gonorrhæa venerea, quam se altero die, quo ex nosocomio abiit, contraxisse fatebatur. Hunc eundem militem dato omni octiduo purgante hydragogo, dato decocto bardanæ, & usu Cicutæ, spatio quinque septimanarum ab hac gonorrhæa, sat rebelli, sanavi.

Alios

Alios viros , qui magna copia , & longo tempore Cicutæ extractum assumperunt , hoc super articulo scrupulose sæpius examinavi , rogavique mihi verum dicerent . Ast fatebantur omnes se in naturæ vigore nil mutatum sentire , imo quidam contendebant sibi naturæ opus restauratum fuisse .

Vir sexaginta sex annorum , paralyticus , Cicutam jam in sextum mensem assumpsit , & quidem tanta copia , ut jam per novem septimanas quotidie drachmam unam cum dimidia deglutiat . Inter alios bonos effectus , quos inde habet , mihi sponte narravit : naturam jam per duodecim annos integre dormisse , evanuisse ; nunc autem ex usu Cicutæ eam evigilare , erigi , & eodem modo agere , atque dum fuit vir triginta annorum .

Uxores dein , quorum mariti Cicuta utebantur , hac super re ferio , & medice rogavi ; verum & hæ omni ex parte contentæ erant , & sua mihi conscientia confirmabant , se nequaquam mariti naturam debiliorem experiri .

Eram hoc in articulo admodum religiosus . Verum ne aliis tantum crederem , id in me ipso (qui homo sum ) experiri volui ; sumsi propterea Cicutæ extractum per tres septimanas notabili sati dosi . Neque quidquam in me mutatum deprehendi , nisi quod urina paulo copiosius fluxisset , & appetitus longe major extiterit , quodque fuerim agilior , jucundior ; & mansi homo integer .

*An Cicuta tuto datur in scirrhis abdominalibus ?*

Multi non abs ratione timuerunt , posse excitari suppurationem , quæ lethalem tympanitidem adferret . Dico autem ex numerosissima experientia : me multos ope Cicutæ scirrhos in ventre dissipas -

sipasse, me curasse pluries hydropem, a scirrhofis abdominalis visceribus ortum, nunquam autem suppurationem supervenisse, neque inde natam esse tympanitidem.

In fœminis quidem sæpius vidi, usu Cicutæ ex utero profluxisse materiem puriformem, & scirrhos hac ratione esse solutos; judicavi tunc: materiem solutam ductu naturæ innocuam viam affectasse, & quæsivisse naturalem exitum.

Doctissimus Dominus *Collin* mecum frequenter idem adhibuit remedium in ventris indurationibus, neque bono inde effectu caruit, mali autem prorsus nihil observavit. Cum tamen in aliis corporis partibus usu Cicutæ quandoque suppurationiatur, ratio dictat: posse id & in ventre contingere; verum hæc bonum medicum non debent deterrere.

### M O N I T A.

**E**NARRAVI plurimos casus, in quibus cictuta conuenit, neque tamen contendō, soli Cicutæ semper confidendum esse. Alia subinde remedia debent jungi Cicutæ.

Medicus suas indicationes judiciose sequatur, necesse est.

Chirurgus externe mutet, addat; demat, quæ ratio, experientiis fundata, jubet.

Multi male meam ex primo de Cicta libello opinionem intellexerunt; etenim putabant: me dare remedium, quod solum sufficiens in omnibus casibus, & universale crederem. Verum nequam id volo. Sed adfirmo solummodo: Cictam præstare talia, quæ alia remedia, maxime heroi-ca, nequeunt.

Cancrum curat; id, multiplici experientia convictus, vidi. Nec tamen assero omnem inde cancrum curari. Nec assero soli tantum Cicutæ opus totum

totum esse semper committendum. Ex centum ægris, quas alii medici dereliquerunt, & habuerunt pro desperatis, si unam ego servo, & curo, mihi sufficit; ast numerus curatarum est longe major.

Mercurius curat luem venereum; verum an is semper convenit? an is semper curat? quot non milleni hoc morbo extinguitur.

Cortex peruvianus fugat febrem intermittentem, & tamen dantur febricitantes, quos non juvat; quot non sunt, quibus nocuit?

An propterea talia remedia negligenda, & pro nocivis, aut inutilibus habenda sunt?

Idem de aliis remediis specificis dictis judicabunt periti medici.

Si qui sunt, qui ex idiosyncrasia, aut propter complicata symptomata Cicutam ferre non possunt, hi abstineant.

Si symptomata, morbo juncta, aliud exposcant remedium, cur illud non simul exhibeatur cum Cicutam?

Purgans saepius requiritur.

Subinde necesse est, venam secare.

In plethoricas haemorrhagias non illico sunt fistendæ; haec enim similibus ægris longe melius conducunt, quam venæ sectiones.

In debilibus autem cito, & optime fistuntur fungo agarico quercino.

Agaricus autem tantum eo in loco debet applicari, ubi sanguis prodit; etenim extensus supra totum ulcus aut vulnus nocet, & saeppe lethalis est.

Quandoque antiphlogistica, & refrigerantia præter Cicutam indicantur.

Hoc saepius in arthritide, & rheumatismo contingit.

Externe quandoque emollientia, quandoque digestiva, quandoque adstringentia requiruntur.

Quandoque ferro materiei debet exitus pandi, quod in spina ventosa toties observavi, ut nimirum cariosum, & corruptum a fano posset separari; quandoque cancer fungosus debet cultro tolli.

Ne autem in similibus casibus recidiva continget, usus internus externusque Cicutæ prohibet, & sufficit.

Quandoque autem callosa cancri labia, aut ipsi cancri fungosi solo remedio sequenti consumuntur.

Rx. Pulv. herb. Cicut. dr. iij ss. mel. rosar. unc. iiij.

Hoc remedium supra lintea carpta extenditur, & loco affecto toties recenter applicatur, quoties medicus aut chirurgus necessarium judicat.

Affiduus & judiciosus medicus, bonus & expertus chirurgus, si mutuam in desperatis morbis curam impendunt, saepenumero præstant miracula. Si autem hi dissentiant, aut morbum tractare non noverint, æger patiatur, aut moriatur, oportet.

Si fœminæ statim in principio mala sua detegant, & si medici debito tempore cicutam applicent, certus sum: nos intra aliquos annos raro visuros mammarum cancrum.

Cicuta nequaquam strictum exigit vitæ regimen. Admittit ea omnia, quæ ægri ventriculus facile digerit, & quæ in bonum nutrimentum transeunt.

Neque interdicitur vinum, neque vetantur accida, prudenti & moderata copia assumta.

Et quivis medicus ipse novit, quid ægro suo conveniat, quid noceat.

Lex universalis non datur.

## C A T A L O G O

*Di alcuni libri di Medicina che si vendono da  
Benedetto Milocco.*

- S**TORCK (*Antonii*) *Annus medicus, quo sistuntur Observationes circa morbos acutos & chronicos, adjiciunturque eorum curationes, & quædam anatomicæ Cadaverum sectiones.* 8. Venetiis 1671.  
---- Libellus, quo demonstratur Cicutam &c. 8. Venetiis 1761.  
---- Idem 8. Viennæ 1760.  
**D**E HAEN (*Antonii*) *Ratio medendi in Nosocomio pratico vieneinsi &c.* 8. Tom. IV. Viennæ 1760.  
**H**OFMANNI (*Friderici*) *Opera omnia medica cum Supplementis &c.* 4. Tom. XIX. Neapoli 1760.  
**C**OCCI (*Antonii*) *Græcorum chirurgici libri, Sorani de Fracturarum signis, Oribasti de fractis & luxatis &c.* Græce-latine fol. Florentiæ 1754.  
---- *Discorso primo sopra Asclepiade* 4. Firenze 1758.
- 

Lo stesso periodicamente per ogni Giovedì di ciascuna settimana stampa un Foglio parte tradotto dal francese, e parte originale italiano col seguente titolo.

*Gazzetta medica d'oltremonti, a cui si aggiungono varie notizie appartenenti alla Medicina d'Italia.*

Il primo foglio s'è pubblicato il Giovedì 6. Maggio 1762.

Il prezzo per li Signori Associati è di L. 22. all' anno anticipate.







